

10

ಪ್ರೊನ್ಮಕ್ರ



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ
ಮಡಿಕೇರಿ

ಎಳ್ತಕಾರ : ಬೊಳ್ಳಚೆಟ್ಟೆರ ಎ. ಕುಶಾಲಪ್ಪ

3VP-1058-9/1/117

(5) 1051 - 87/88
87



ಶ್ರೀ ಮೇಕೇರಿರ ಕೆ. ರಝು ಎ
ಶ್ರೀ ಕೊರವಂಡ ಎ. ಗಣಪತಿ
ಶ್ರೀ ಮಾತಂಡ ಸಿ. ಮೊಣ್ಣಪ್ಪ

ಅಧ್ಯಕ್ಷ
ರಿಜಿಸ್ಟ್ರಾರ್
ಸದಸ್ಯ

(ಅಖಿಲ ಕೊಡವ ಸಮಾಜ ಅಧ್ಯಕ್ಷ)

ಶ್ರೀ ಅಜ್ಜಿನಿಕಂಡ ಸಿ. ಮಹೇಶ್ ನಾಚಯ್ಯ
ಶ್ರೀಮತಿ ದೇಯಂಡ ರುಕ್ಮಿಣಿ ಕುಶಾಲಪ್ಪ
ಶ್ರೀಮತಿ ಬಿದ್ದಂಡ ಸರೋಜಿನಿ ಅಚ್ಚಪ್ಪ
ಶ್ರೀ ಕಾಮೆಯಂಡ ಎ. ಮುತ್ತಣ್ಣ
ಶ್ರೀ ಕಾಕಿರ ಕೆ. ಸುಬ್ರಾಯ ಸದಸ್ಯ
ಶ್ರೀ ಅಚ್ಚಿಯಂಡ ಎಂ. ಅಯ್ಯಪ್ಪಮ್ಮಯ್ಯ
ಶ್ರೀ ಪಾಲಂದಿರ ಅಯ್ಯಪ್ಪ
ಶ್ರೀ ಚಿರಿಯಪಂಡ ಕಾಶಿಯಪ್ಪ

ಸದಸ್ಯ
ಸದಸ್ಯ
ಸದಸ್ಯ
ಸದಸ್ಯ
ಸದಸ್ಯ
ಸದಸ್ಯ
ಸದಸ್ಯ
ಸದಸ್ಯ

(ಪೊನ್ನಂಪೇಟೆ ಕೊಡವ ಸಮಾಜ ಅಧ್ಯಕ್ಷ)

ಶ್ರೀ ನೆರವಂಡ ಎಂ. ಉಮೇಶ್
ಶ್ರೀಮತಿ ಐಮುಡಿಯಂಡ ರಾಣಿ ಮಾಚಯ್ಯ

ಸದಸ್ಯ
ಸದಸ್ಯ



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ
ಮಡಿಕೇರಿ

ಪ್ರೊನ್ಮರ್ಕರ್

(ಪದಪೋಷಣ ಬುದ್ಧಿವಂತ ಜನ ಎಣ್ಣೆ ತಕ್ಕಾರ ನೀತಿವಾಕ್ಯ)

ಎಳೆಕಾರ : ಬೊಳ್ಳಚೆಟ್ಟಿರ ಎ. ಕುಶಾಲಪ್ಪ

"PONTHAKK" a handbook comprising of sayings and messages of the noted personalities, collected for the useful purpose of all generation by Bollachettira A. Kushalappa, published by the Karnakata Kodava Sahithya Academy, Madikeri on 10.06.2001.

ಕ್ರಯ ಉ. 10

ಹಕ್ಕು : ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ

ಬೋಳಿ ಪಡ್ತಾನವು :

ರಿಜಿಸ್ಟ್ರಾರ್, ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ

ಮ್ಯಾನ್ಸು ಕಾಂಪೌಂಡ್‌ರ ಪಕ್ಕ

ಮಡಿಕೇರಿ - 571 201. ಫೋನ್ : 29074

ಅಚ್ಚು ಮಾಡ್ತಾನವು :

ಗುಡ್‌ಟಚ್ ಪ್ರಿಂಟರ್ಸ್, ಜಯಲಕ್ಷ್ಮಿಪುರಂ, ಮೈಸೂರ್

ಫೋನ್ : 512626

ಪುಸ್ತಕ ತಯಾರಿ :

ಪೂಮಾಲೆ ಪ್ರಿಂಟರ್ಸ್, ಎಫ್.ಎಂ.ಸಿ. ರೋಡ್,

ವಿರಾಜಪೇಟೆ. ಫೋನ್ : 56360

100-1

ಅಧ್ಯಕ್ಷಂಡ ತಕ್ಕ

ಇಂದೇತ ಸಮಾಜತ್ ನಲ್ಲಾನ ಗೇನ ಮಾಡುವವು ಪೇರ್ತ್ ಕಮ್ಮಿ. ನಲ್ಲಾನ ಓದುವವು ಅದ್‌ಂಗ್‌ಂಜಿ ಕಮ್ಮಿ. ಇನ್ನನಿಪ್ಪಕ ಬಲಂಬೇರಿಕಾರಳಾನ, ನಿವೃತ್ತ ಉಪಾದ್ರಿ ಶ್ರೀ ಬೊಳ್ಳಚೆಟ್ಟಿರ ಎ. ಕುಶಾಲಪ್ಪ ಅವು ತಂಗ ಇಲ್ಲಿಕೆತ್ತಣೆ ಅಲ್ಲಿ ಇಲ್ಲಿ ಕೇಟ, ಓದ್‌ನ ಗಣ್ಯ ವ್ಯಕ್ತಿಯಡ ಖನಪಟ್ಟ ತಕ್ಕ, ಎಳ್ತನ ಒಬ್ಬುಲಿ ಆಂಜಿ ಕೂಟಿತ್ ಪುಸ್ತಕ ರೂಪತ್ ಬೊಳಿ ಪಡ್‌ತುವಕ್ ಬಂದದ್ ಕುಶಿಪಡುವ ವಿಷಯ.

ಈ ನೇರತ್ ನಂಗಡ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ಶ್ರೀ ಬಿ.ಎ. ಕುಶಾಲಪ್ಪ ಅಯಿಂಗಡ ಈ ಎಳ್ತನ ಕೊಡವ ಸಾಹಿತ್ಯ ಕ್ಷೇತ್ರಕ್ ಸೆರಿಯಾಪನ್ನಕೆ ಕಂಡಿತ್ ಪುಸ್ತಕ ರೂಪತ್ ಬೊಳಿಪಡ್‌ತುವ ತಕ್ಕ ಕೊಡ್‌ತ ಪೋಲೆ ಬೊಳಿ ಪಡ್‌ತಿತ್. ಸುಮಾರ್ 500 ಫಲತರ ಖನಪಟ್ಟ ತಕ್ಕ ದುಂಬಿತುಳ್ಳ ಈ "ಪೊನ್ನಕ್ಕ" ಪುಸ್ತಕ ನೇರಾಯಿತೂ ಕೊಡವ ಸಾಹಿತ್ಯಕ್ ಓರ್ ಕೊಡುಗೆ ಆಯಿತೇ ಕಾಂಬ.

"ಮನುಷ್ಯ ಓದಾನಚ್ಚಕೂ ಪೋರ, ಪಡಿಪಕುಳ್ಳದೇ
ಎರ" ಎಣ್ಣುವ ಸತ್ಯ ಸಂಗತಿ ಪೋಲೆ ಕುಶಾಲಪ್ಪ ಅಯಿಂಗಡ
"ಪೊನ್ನಕ್ಕ"ನ ಓದಿಯಂಡ್ ಪೋನನ್ನಕೇ ನಂಗ ಪಡಿಪಕ್
ಎಚ್ಚಕೋ ಪುದಿಯ ತಕ್ಕ ಕ್ಕಟ್ಟುವ.

ಈ ಪುಸ್ತಕ ನೇರಾಯಿತೂ ಸಾಹಿತ್ಯ ಕ್ಷೇತ್ರತ್
ಪ್ರಯೋಜನಕ್ ಬಕ್ಕೂಂದ್ ನಂಬಿತ್. ಎಲ್ಲಾ ಚುಮ್ಮಿ
ಮಕ್ಕ-ಮರಿಯ, ಬಲ್ಯವು-ಬಯತಾನವು ಈ "ಪೊನ್ನಕ್ಕ"
ಪುಸ್ತಕತ್ನ ಎಡ್ತಿತ್ ಓದುವದೇ ಅಲ್ಲತೆ ನಿಂಗಡ ಬ್ಯಾಗ್,
ಜೋಬ್‌ಲ್ ಬೆಚ್ಚೋಳಿ.

ಪೊನ್ನಕ್ಕರ ಕತ್ಯ ಶ್ರೀ ಬೊಳ್ಳಚೆಟ್ಟಿರ ಎ. ಕುಶಾಲಪ್ಪ
ಅಯಿಂಗಕ್ ನಾಡ ಪರವಾಯಿತ್, ಅಕಾಡೆಮಿರ ಸರ್ವ
ಸದಸ್ಯಂಗಡ ಪರವಾಯಿತ್ ಅಭಿನಂದನೆ.

ಮೇಕೇರಿರ ಕೆ. ಕಾರ್ಯಪ್ಪ,

ಅಧ್ಯಕ್ಷ,

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ, ಮಡಿಕೇರಿ

ಎಳ್ತಕಾರನ ಸಂಪಾದಕ ಕಂಡನ್ನಕೆ...

"ಪೊನ್ನಕ್ಕ", ಪೆದತ್‌ಲೇ ಅರ್ಧ ಆಪ...
'ಪೊನ್ನಾರನ್ನತ ತಕ್ಕ'. ಎಣ್ಣಕ, ಪರೆವ ತಕ್ಕಕ್ ಅಚ್ಚಕೋರ್
ಘನತೆ, ಗಾಂಭೀರ್ಯ ಪಿಣ್ಣ ತೂಕ ಉಂಡ್ ಎಣ್ಣವ
ಅರ್ಧ. ಓರ್ ತಕ್ಕ ಈ ಪೋಲೆ ಇರೊಂಡೂಂದ್ ಕಂಡಕ
ಅನ್ನತ ಅನ್ನತ ತಕ್ಕನ ಪರೆವ, ಎಳ್ವವ ವ್ಯಕ್ತಿಯೂ ಅಚ್ಚಕೇ
ನಲ್ಲ ವ್ಯಕ್ತಿಯಾಯಿತಿರೊಂಡು ಎಣ್ಣವದ್ ನಾಡ
ಅಭಿಪ್ರಾಯ. ನಾನ್ ಕಂಡರ್‌ಂಜಂಡ ಪೋಲೆ "ಪೊನ್ನಕ್ಕ"
ಪುಸ್ತಕತ್‌ರ್ ಎಳ್ತಕಾರ ಶ್ರೀ ಬೊಳ್ಳಚೆಟ್ಟಿರ ಎ. ಕುಶಾಲಪ್ಪ
ಆಯಿಂಗಡದ್ ನೇರಾಯಿತೂ ಈ ಪುಸ್ತಕ ಎಳ್ವವಕ್
ಲಾಯಕ್ಕಾನ ವ್ಯಕ್ತಿತ್ವ. ನಲ್ಲರಿಕೆ, ಸರಳತೆ, ಸಾಧುತನ, ಕರುಣೆ,
ವಿಚಾರವಂತಿಕೆ ದುಂಬ್‌ನ ವ್ಯಕ್ತಿತ್ವ. ಅದ್‌ನುಂಡ್ ಇವು
ಸಮಾಜತ್ ಗೌರವಪಟ್ಟೋರ್ ವ್ಯಕ್ತಿ ಆಯಿತುಂಡ್. ಈ
ನಿವೃತ್ತ ಉಪಾದಿ, ಕುಶಾಲಪ್ಪ ಅವು ಒಬ್ಬನುಂಡ್, "ಭೀ"
ಎಣ್ಣ ಚಿಟ್ಟಂಡವು ಅಲ್ಲ, ಒಬ್ಬಂಗ್ ಇವು ತಂಗಳಾಯಿತೇ

"ಛೀ... ಥೂ" ಎಣ್ಣಾನವೂ ಅಲ್ಲ!

ಕುಶಾಲಪ್ಪ ಅಯಿಂಗ ಆಂಜಿ ಕೂಟಾನ 'ಪೊನ್ನಕ್ಕ'ರ ಒಬ್ಬಲಿ ಎಣ್ಣುವ, "ಮಕ್ಕಡ ಪಡಿಪು ಎಣ್ಣೆ ತಿರಿಪೋಲೆ ಕತ್ತಿ ಎಲಾಂಗಂಡುವೇ ಅಲ್ಲತೆ ಮಾಡಾನ ಸಂಪಾದನನನ ಪೊಟ್ಟಿಲ್ಟಾ ಪೊತ್ತಿ ಬೆಚ್ಚವನ್ನಕೆ ಆಪಕಾ ಕಯ್ಯ."

ಈ ತಕ್ಕ ಕುಶಾಲಪ್ಪ ಅಯಿಂಗಡ ಈ ಎಂತೋರ್ "ಪೊನ್ನಕ್ಕ" ಎಣ್ಣುವ ಪುಸ್ತಕ ಉಂಡ್ ಅದ್ ಎಡಾತ್ ಕಾಟುವ. ಕುಶಾಲಪ್ಪ ಅವು ಈ ಓರ್ ಪೊನ್ನಕ್ಕ ಪುಸ್ತಕ ಎಳ್ಳುವಕ್ ಅದೆಚ್ಚಕೋ ಪೇಪರ್, ಮ್ಯಾಗಜೀನ್ ಓದಿತಿರೊಂಡು, ಅದತ್ ಉಳ್ಳ ನಲ್ಲಾನೆಲ್ಲ ಒಬ್ಬಲಿ ಆಂಜಿ ಕೂಟಿತ್ ಈ ಪೋಲೆ ಎಳ್ಲ್ ರೂಪತ್ ಬೊಳಿ ಪಡಾತುವಕ್ ಬಯಂದದ್ ಕೊಡವ ಸಾಹಿತ್ಯ ಕೋವುಕ್ ನೇವಾನೋರ್ ಕಾಣಿಕೆ. ಇವು ತಂಗ ಓದಾನಾನ, ಎಳ್ಳಿ ಬೆಚ್ಚಂಡಾನ ಪೊತ್ತಿ ಬೆಚ್ಚವಕ್ ಪೋಯಿಲೆ. ಅಕಾಡೆಮಿಗ ಮೂಲಕ ಈ ಓರ್ ಪೊನ್ನರಂತ ಸಂಗ್ರಹತ್ನ ಪುಸ್ತಕ ರೂಪತ್ ಬೊಳಿ

ಪೊನ್ನಕ್ಕ ...6

ಪಡಾತಿತ್, ಮಕ್ಕಡಲ್ಲಿಂಜ ತೊಟ್ಟಕ ಬಲ್ಯಯಿಂಗಕೂ
 ಪಡಾಚವಕುಳ್ಳ ವಿಷಯತಾನ ತಂದಿತ್. ಇನ್ನತ ನಲ್ಲ
 ಗುಣತಾನ ನಂಗ ನೇರಾಯಿತೂ ಮೆಚ್ಚೊಂಡು. ಈ ಓರ್
 ಸಂದರ್ಭತ್ ಬೊಳ್ಳಚೆಟ್ಟಿರ ಕುಶಾಲಪ್ಪ ಅಯಿಂಗಡ
 "ಪೊನ್ನಕ್ಕ" ಪುಸ್ತಕತಾನ ಬೊಳಿಪಡಾತುವಕ್ ಮಿಳ್ಳಾಕ್
 ಬಂದ ನಂಗಡ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿಕ್
 ನಾನ್ ವಂದನೆ ಕಾಟುವಿ. ಈ ನೇರತ್ ನಾನ್ ಅಕಾಡೆಮಿ
 ಸದಸ್ಯ ಶ್ರೀ ಪಾಲಂದಿರ ಅಯ್ಯಪ್ಪ ಅಯಿಂಗಕೂ ವಂದನೆ
 ಎಣ್ಣಂಡಿಯಾಪ. ಏರ ಆಯಿತ್ ಶ್ರೀ ಅಯ್ಯಪ್ಪ ಅಯಿಂಗಡ
 ಒತ್ತಾಸೆಲ್ ಈ ಪೊನ್ನಕ್ಕ ಪುಸ್ತಕ ಬೊಳಿಕ್ ಬಪ್ಪಕ್ ಮೊಳಿ
 ಆಯಿತುಂಡ್.

ಬೊಳ್ಳಚೆಟ್ಟಿರ ಕುಶಾಲಪ್ಪ ಅಯಿಂಗ ಕೊಡವ ಸಾಹಿತ್ಯ
 ಕೋವುಲ್ ಮಿಳ್ಳಾಕ್ ಇಳ್ಳಾಚ್ಚಕೂ ಸೇವೆ ಮಾಡಡ್ಂದ್
 ಬಯಂದವಿ.

ಅಜ್ಜಿನಿಕಂಡ ಪಿ. ಮಹೇಶ್ ನಾಚಯ್ಯ
 ಸಂಪಾದಕ, "ಪೊನ್ನಕ್ಕ"

ಪೊನ್ನಕ್ಕಾಕಾರಂಡ ತಕ್ಕ

ಲಿರ್ಥ ಪೆರ್ತ ತಕ್ಕ ಪೊನ್ನಕ್ಕಾ. ಇದ್ ಚುಟುಕ್ ಸಾಹಿತ್ಯತರ ಪೂರಕ ವಿಷಯ. ಲೋಕತ್ ಪೊನ್ನಕ್ಕುಳ್ಳ ಸ್ಥಾನತರ ಪೋಲೆ ತಕ್ಕಲ್ ಪೊನ್ನಕ್ಕಾಕ್. ಒಕ್ಕಣೆ ಕೂಟಿತ್ ಸಂಕ್ಷಿಪ್ತ ಆಯಿತ್ ಪರೆವ ತಕ್ಕಾಕ್ ಬೆಲೆ ಎಚ್ಚಕುಂಡೋ ಅಚ್ಚಕೆ ಅಂಡ ಆಚರಣೆಕೂ ಕೂಡ. ಪೊನ್ನಕ್ಕಾ ಬೋರೆ ಬೋರೆ ಧರ್ಮ ಗ್ರಂಥತ್ ಅಂಜಿ, ಪತ್ರಿಕೆಂಜಿ, ಲೇಖನತ್ ಅಂಜಿ ಅರಿಯಾಮೆ ಉಳ್ಳ ಪೆರಿಯಯಿಂಗಡ ತಕ್ಕಂಜಿ ಅಂಜಿ ಅರ್ಚಿ ಎಡ್ತ ತಕ್ಕ-ಒಕ್ಕಣೆ. ಚೆನ್ನಂಗೆಲ್ಲ ಅಜ್ಜಂಗ, ಅನುಭವಸ್ತಂಗಡ, ಜ್ಞಾನಿಯಡ ಸಂಪರ್ಕ ಬೆಚ್ಚಂಡಕ ಪೊನ್ನಕ್ಕಾರ ಸಂಗ್ರಹಕ್ ಕೊರವಾಗ.

ಪೊನ್ನಕ್ಕಾ ಆಚರಣೆಕ್ ಲಾಯಕಾನ ತಕ್ಕೇ ಅಲ್ಲತೆ ತೇಲಿಕೆರ, ಗೇಲಿ ಮಾಡುವ ತಕ್ಕಲ್ಲ. ನಲ್ಲರಿಕೆ ಉಂಡೇಂಗಿ ನಲ್ಲರಿಮೆ, ನಲ್ಲರಿಮೆಲ್ ಬಾಳುವದ್ ನಂಗಡ ಧರ್ಮ. ಧರ್ಮತನ ದಾರ್ ಕಾಪಾಡುವೋ ಅವನ ಧರ್ಮ ಕಾಪಾಡುವ. "ಧರ್ಮೋ ರಕ್ಷತಿ ರಕ್ಷಿತಃ ಧೃತಿಃ

ಕ್ಷಮಾದಮೋಸ್ತ್ರೇಯ ಶೌಚಾಮಿಂದ್ರಯ ನಿಗ್ರಹ ಧೀರ್ವಿದ್ಯಾ
 ಸತ್ಯಮಕ್ರೋದೋ ದಶಕಂ, ಧರ್ಮ ಲಕ್ಷಣಂ" ಎಣ್ಣಿಯಂಡ್
 ಧರ್ಮತರ ಲಕ್ಷಣತನ ಹಿಂದೂ ಧರ್ಮವೂ, ಕ್ರೈಸ್ತ
 ಧರ್ಮವೂ, ಮಹಮದೀಯ ಧರ್ಮವೂ ಒತ್ತವ.

ಪೊನ್ನಕ್ಕ ಒಬ್ಬೊಬ್ಬಂಡ ಸ್ವಂತ ತಕ್ಕಲ್ಲ. ಇದ್
 ಧರ್ಮ ಲಕ್ಷಣ ಕೂಡ್ನ ಅನುಭವಸ್ತ ಗಣ್ಯಂಗಡ ತಕ್ಕ,
 ಪೊನ್ನಕ್ಕಲ್ ಚೆನ್ನಂಗಲ್ಲ ಆಚರಣೆಕ್ ಲಾಯಕಾಚೇಂಗಿ
 ಇಣ್ಣಿ ಚೆನ್ನಂಗಲ್ಲ ತಕ್ಕಲ್ ಕೂಟಿ ಪರೆವಕ್ ಸರಿಯಾನದ್.
 ಇಣ್ಣಿ ಚೆನ್ನಂಗಲ್ಲ ಬೇರ್ಚಿಡುವಂತದ್. ಓದುಗಂಗ
 ಇದ್ಂಡ ಉಪಯೋಗ ಪಡ್ಂದವ ಎಣ್ಣಿಯಂಡ್ ಗೇನ
 ಮಾಡುವಿ.

ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ ನಾಡ ಈ
 "ಪೊನ್ನಕ್ಕ" ಪುಸ್ತಕತನ ಪ್ರಕಟ ಮಾಡಿತ್ ಸಮಾಜತ್
 ಪೊನ್ನಕ್ಕರ ಬೆಲೆ ಎಚ್ಚಕ್ ಎಣ್ಣುವಾನ ಅರಿಚಿಡುವಲ್ಲಿ
 ಸಹಕಾರ ತಂದಾಂಗ್ ನಾನ್ ಇಯಂಗಕ್ ಕೃತಜ್ಞನಾಯಿತುಳ್ಳ.

ವಂದನೆ

ಬೊಳ್ಳಚಿಟ್ಟೀರ ಎ. ಕುಶಾಲಪ್ಪ, ಬಲಂಬೇರಿ

1. ಗರೀಬಂಗ್ ಭಾಗ್ಯ ಬಂದಕ ತೆಂಗೆರೊಳ್‌ಲ್ ನೀರಾರನ್ನತ
ಶುದ್ಧ ಮನಸ್ಸು, ನಲ್ಲರಿಕೆ..! ಬಲ್ಯಂವಂಡ ಭಾಗ್ಯ ಆನೆ ತಿಂದ
ಬಾಳೆತೋಟ..!

2. ಪಯ್ಯು ನಂದೇಂಗಿ ಕೊಟ್ಟ ನಂದ್, ಪೊಣ್ಣ್
ನಂದೇಂಗಿ ಆಣ್ ನಂದ್, ಅಂಬಲ ನಂದೇಂಗಿ ಊರ್
ನಂದ್!

3. ಕಣ್ಣ್ಕ ಬೊಳಿ ಕಾಂಬವಂಗ್ ಕಾಡೆಲ್ಲ ಕೂಳಿ!

4. ಪಣಿ ಕೆಜ್ಜಕ ತಡಿಕ್ ಸುಖಿ, ಕಷ್ಟಪಟ್ಟಕ ಮನಕ್ ಸುಖಿ!

5. ನಲ್ಲಂವ ಎನ್ನತ ಮುಟ್ಟಾಳಂಡ ಕೂಡೆ ಉಂಡೇಂಗಿಯೂ
ಅಂವ "ವಿಧುರ "ಂಡನೆಕೆ!

6. ಮೆಲ್ಲೆ ಮೆಲ್ಲೆ ಕೆತ್ತಿತ್ ಬಲ್ಯಮರತಾನೋ ಬೂಕೊಲು.
ಚೆನ್ನ ಚೆನ್ನಂಗೇ ಮಾಡ್‌ನಕ ಎಂತಾ ಬಲ್ಯ ಕೆಲಸತಾನೋ
ತೋಕೊಲು!

7. ತಾಳೆ ಇಲ್ಲತ ಮನುಷ್ಯ ಎಣ್ಣೆ ಇಲ್ಲತ ಬೊಳಕಾರನ್ನಕೆ!

8. ನಂಗಡ ಮಕ್ಕ ಸಮಾಜತ್ ಎಲಂಗುವ ಬೊಳಕಾಂಡು,

ಕತ್ತುವ ತಿತ್ತಾಂಡು... ಪುತ್ತುಳಿ ಗೊಂಬೆ ಆಪಕಾಗ!

9. ಬಲ್ಯಂವನ ಪಾಳಾಕಿತ್ ಬಡವನ ನಂದಾಕುವ ಕಯ್ಯಲೆ.

ಸಮಾಜತ್ ದಂಡಾಳೂ ಬೋಂಡು!

10. ಪಣ ಸಂಪಾದನೆರ ಆಸೆ ಉಪ್ಪ್ ನೀರ್ ಕುಡ್ಚನ್ನಕೆ,
ಕುಡ್ಚಚ್ಚಕೂ ಪೋರ !

11. ಮಣ್ಣಾರ ಭೀರ್ಯ ಮರ ನೋಟಿ ಪರ್ಂದ, ಒಕ್ಕ
ಅರ್ಂಜಿತ್ ಮಕ್ಕಳರ್ಂಜ!

12. ತಾನ್ ಮಾಡ್ನ ಉಪಕಾರತನ ಮರ್ಂದಕ ಕೇಡಿಲ್ಲೆ.
ಆಚೇಂಗಿ ತಾಂಗ್ ಮಾಡ್ನ ಉಪಕಾರತನ ಮರೆವಕಾಗ !

13. ಕಾಂಬನ್ನತ ಮನ್ಷ್ ಪ್ರಕೃತಿನ ಪ್ರೀತಿಚಿಡತೆ, ಕಾಂಗತ
ದೇವಕ್ ಪರಕೆ ಕೊಡ್ತಿತ್ ದೇವಡ ಪ್ರೀತಿ ಪಡ್ಂದವಿ
ಎಣ್ಣುವಂವ ಮುಟ್ಟಾಳ!

14. ದಾಡ ಎದೆ ಗೆಟ್ಟಿ ಇಂಜಿತ್ ಧೈರ್ಯತ್ ನಡ್ಪೋ,
ಅಂವಂಡ ಅದೃಷ್ಟವೂ ಗೆಟ್ಟಿ!

15. ಸತ್ಯ ಆಚೇಂಗಿಯೂ ಕೆಟ್ಟಿ ಗೇನ ಬೆಚ್ಚಂಡ್ ಪರೆವದ್,

ಪೊಟ್ಪ್ ಪರೆವಾಂಗ್ಂಜ ಕೆಟ್ಟದ್ !

16. ಜ್ಞಾನಿರ ಕೂಡೆ ಚೆಡಿ ಮಾಡಿಯಂಡಕ ತೊಂದರೆ ಆಗ.
ಆಚೇಂಗಿ ದುಷ್ಟಂಡ ಕೂಡೆ ಸಿನೇಚಾರ ತೊಂದರೆಕ್ ಎಡೆಯಾಕು!

17. ಬಲ್ಯಂವಂಡ ಬಲ್ಯರಿಕೆ ಗರೀಬನ ಎನ್ನನೆ ಕಾಂಬ
ಎಣ್ಣುವಾತ್ ಕಾಂಗು!

18. ಎತ್ತನನೆಕೆ ನೈಚಕ ಮೆತ್ತೆ ಬಿರ್ಚಿ ಬುದ್ಧವಲು!

19. ಕೈಂಜಾನ ಪರೆವಂವ ದಡ್ಡಣ್ಣ, ನಾಳೆ ಆಡ್ಲೆಂದ್
ಎಣ್ಣುವಂವ ಬೊಡ್ಡಣ್ಣ, ಇಂದೆದ್ ನೈಚಂವ ಬಲ್ಯಣ್ಣ!

20. ಮನ್‌ಷ್ಯಂಡ ಚಾಯಿ ಮೂಡ್ಲೆ ಅಲ್ಲ, ಮನಸ್ಸೆಲ್
ಪಿಳ್ಣಾ ನಲ್ಲ ತಕ್ಕಲ್.

21. ಅಹಂಕಾರಿರ ಬಲ್ಯ ಗುಣ, ಬಾಕಿ ಜನಡನ್ನೆಕೆ
ಇಳ್ಳೊಬ್ಬಂಡ ವಿಷಯ ಪರೆಯತದ್!

22. ನಂಬಿಕೆ ಪಿಳ್ಣಾ ಧೈರ್ಯ ಇದ್ ದಂಡ್ 'ಗೆಲು' ಎಣ್ಣುವ
ಕಿರೀಟಕ್ ಶೋಕಿರ ಬೊಟ್ಪ್!

23. ಬದ್‌ಕಾರ ಬಟ್ಟೆಲ್ ಕಲ್ಲೇ ಇರಡ್, ಮುಳ್ಳೇ ಇರಡ್,
ಪೋಪದ್ ಪೋಯಿತೇ ಪೋಂಡು!

24. ಬದ್‌ಹಲ್ ಇರ್‌ಟಾಕ್ ಬೊತ್ತವಕಾಗ, ಎನ್ನಂಗಣ್ಣಕ
ಇರ್‌ಲ್ ಕೈಂಜ ಪಿಳ್ಳಾ ಪೊವುಲ್ ಬಂದಿತೇ ಬಪ್ಪ!

25. ನೈಪಾಕ್ ಒತ್ತ ತುಯಿಪ್, ಪಯಿಪುಕ್ ಒತ್ತ ಮೊವಾಪ್!

26. ಸರಳತನತೇ ಸತ್ಯತನೋ, ಶಕ್ತಿನೋ, ಸೌಂದರ್ಯತನೋ
ಕಾಂಗಲು, ಅರ್ಥ ಮಾಡಿಯವಲು.

27. ಹೊಗಳ್ ಭಟ್ಟಂಗಡ ಎಡೆಲಿಪ್ಪಾಂಗ್ಂಜಿ ಕಾಕೆಯಡ
ಎಡೆಲ್ ಇಪ್ಪದ್ ನಲ್ಲದ್. ಕಾಕೆಯ ಚತ್ತಾನ ಮಾತ್ರ ಕೊತ್ತಿ
ತಿಂಗು. ಮತ್ಯವು ಜಿಂವತ್‌ನೇ..!

28. ನಿನ್ನಾಂದ್ ಕೈಂಜಾನ, ಇಂದ್ ಆಯಂಡುಳ್ಳಾನ
ನೆನತಿಯಂಡ್ ಅಳತಕ ನಾಳೆಕುಳ್ಳದ್ ಪಾಳಾಕು! ನಾಳೆತರ
ನಲ್ಲಾಮೆಕ್ ಪೇಚಾಡಂಗ.

29. ದುಡ್ಡ್, ಕಾಸ್, ಆರೋಗ್ಯ ಕಳಂದಂಡಕ ಪುನಃ ಪಡೆವಲು,
ಆಚೇಂಗಿ ಕಳಂದಂಡ ಸಮಯತನ ಪಡೆವಕಯ್ಯುಲೆ!

30. ಅಪ್ಪ, ಅಜ್ಜಂಗಡ ಸಂಪಾದನೆಲೇ ಬದ್‌ಕಿತ್ ಋಣಪಾತ್‌ಕ
ಆಕತೆ. ಪುದಿಯ ಸಂಪಾದನೆ ಮಾಡಿತ್ ಅಯಿಂಗಳ ಚಾಕಿತ್,
ನಿನ್ನ ಚಾಕಿ ಪೊಲ್‌ತನ ಋಣ ತೇಪಕ್ ನೋಟಾ!

31. ಕಣ್ಣ್ ಎಲ್ಲಾರ್‌ಕೂ ಇಕ್ಕು. ಆಚೇಂಗಿ ಇನ್ನೊಬ್ಬಂಡ ಕಷ್ಟತನ ಅರ್ಥ ಮಾಡಿಯವನ್ನತ ಹೃದಯ ಕಣ್ಣ್ ಎಚ್ಚಕಾಳ್‌ಕ ಇಕ್ಕು ?
32. ಉದ್ಯೋಗ ಜೋಬ್ ದುಂಬ್‌ಚಿಡುವಾನಗುಂಡ್, ಮನುಷ್ಯಂಡ ತಡಿ, ಮನಸ್ಸು, ಆರೋಗ್ಯ, ಬುದ್ಧಿ ಓರ್ ಪುಡ್‌ತತ್, ನೆಮ್ಮದಿಲ್ ಇಪ್ಪ!
33. ನೀಡ ಪೋಡಿ ನೀಕಿರಡ್, ಧೈರ್ಯತನ ನಲ್ಲ ಪಣಿಕಾಯಿತ್ ಪಾಲ್ ಮಾಡ್!
34. ಕೈಲಾಕತ ನೂರ್ ಕಾರ್ಬಾರ್‌ಕ್ ಕೈ ಇಡುವಾಂಗ್‌ಂಜ ಚೆಡಿಯವನ್ನತ ಒರೇ ಪಣಿಕೆಜ್ಜಿ ಕರೆ ಪತ್ತಾ!
35. ಅಹಂಕಾರ ದುಂಬ್‌ನ ಮನಸ್ಸು ಲಂಗರ್ ಬುಟ್ಟಿ ಹಡಗ್‌ನನೆಕೆ ಮಿಳ್ಳಾಕ್ ಪೋಗ!
36. ಬಂಧೀಖಾನೆರ ಸಲಾಕೆ ಪೊನ್ನರದಾಚೇಂಗಿಯೂ ಒಳ್‌ಲಾ ಉಳ್ಳ ಕೈದಿಯಕ್ ಅದ್ ಜೈಲೇ!
37. ಧೈರ್ಯವಂತ ಏದ್ ಕಾರ್ಯಕ್ಷೇತ್ರತಲೂ ಬಹುಮತ ಸಾಧ್‌ಚಿಟ್ಟವ!

38. ಕುರುಡಂಗಡ ರಾಜ್ಯಕ್ ಕಣ್ಣ್ ಪಾಚೆಲುಳ್ಳವನೇ ರಾಜ.
39. ಬದ್‌ಕ್‌ಲ್ ಮಿನಿಟ್‌ನ ಸೆರಿಕ್
ಉಪಯೋಗ್‌ಚಿಡುವಂವಂಗ್ ಗಂಟೆ ಆನದ್, ಕಾಲ ಪೋನದ್
ಗೊತ್ತಾಪುಲೆ!
40. ನರಕತ್‌ಲ್ ಪಾಡ್ ಪಡುವಂವ ಸ್ವರ್ಗವೇ
ಇಲ್ಲೆಂದೆಣ್ಣುವೆ!
41. ತಾನ್ ಮಾಡಿಯಂಡುಳ್ಳ ತಪ್ಪನ ಅಪ್ಪ ಎಣ್ಣೆತ್
ಕಾಟ್‌ಚೇಂಗಿ ಗೊತ್ತಾಪುಲೆ. ತಾಂಡ ಮೋಂವ ಮಾಡಿತ್
ಕಾಟುವಕೇ ಗೊತ್ತಾಪದ್ ಓರ್ ವಿಶೇಷ!
42. ಸೆರಿಯಾನ ವಿದ್ಯೆ, ಮೆದ್‌ಳ್ ಪೋಷಣೆರ ಕೂಡೆ ಹೃದಯ,
ಪೊಟ್ಟೆ ಪೋಷಣೆಕೂ ಅವಕಾಶ ಮಾಡಿಕೊಡ್‌ಪ!
43. ನಲ್ಲ ಬುದ್ಧಿರ ಮಕ್ಕ ಅಪ್ಪವ್ವನ ತಾಂಗಿ ನಿಂದಿತಿಪ್ಪಕ
ಅಯಿಂಗಡ ಆಸೆಕ್ ಬೆಲೆ ಕೊಡ್‌ಪದ್ ಅಪ್ಪವ್ವಂಡ ಆದ್ಯ
ಕರ್ತವ್ಯ!
44. ನೀನ್ ಅವನಿಂವನ ದೂರಿ ನಡ್‌ಪಲ್ಲಿಕ್ ಎತ್ತುವಕ, ನೀನ್
ದಾರ್‌ಂದ್ ಜನ ಅರ್‌ಂಜಿತ್ ಆಯಿತಿಪ್ಪ!

45. ಅಪ್ಪ ಅಜ್ಜಂಗಡ ವಂಶ, ಚೋರೆ ಭೀರ್ಯತಾರ ನಳತ್
ಬದ್ಕುಕವಕ್ ಒದ್ದಾಡತೆ, ಸ್ವಂತ ಬದ್ಕುಕ್ ಲ್ ಸಾಧನೆ ಕಾಟ್!
46. ದೇಶಾಭಿಮಾನಿ ದೇಶಕ್ ನಲ್ಲದಾಡ್‌ಂದ್ ಪಣಿ
ಕೆಜ್ಜತೇಂಗಿ, ರಾಜಕಾರಣಿ ದೇಶತ್‌ನಗುಂಡ್ ತಾಂಗ್
ನಲ್ಲದಾಡ್‌ಂದ್ ಪಣಿ ಕೆಯ್ಯುವ!
47. ಜಿಪುಣಂಡ ದುಡ್ಡ್ ಕುಂಡ್‌ಲ್ ಕೀಂಜಂಡುಳ್ಳ
ಗೊಬ್ಬರತ್‌ರನ್ನಕೆ. ದಾನಿರ ದುಡ್ಡ್ ಬೇಲ್‌ಲ್ ಬೊಳೆಕ್ ಚಾಡ್‌ನ
ಗೊಬ್ಬರತ್‌ರನ್ನಕೆ.
48. ನಲ್ಲ ಕೂಟ್‌ಕಾರನ ತೇಡಿಯಂಡ್ ಬದ್ಕುಕ್‌ರ ಮಜ್ಜಣ
ಕೈಚವತೆ, ಕೊಟ್ಟನ ಕೂಟಾಳಿರ ನಲ್ಲಮೆನ ಉಪಯೋಗ್
ಚಿಟ್ಟಂಡ್ ಬದ್ಕುಕ್!
49. ಬದ್ಕುಕ್‌ರ ಸಾರ್ಥಕತೆ ಬದ್ಕುಕ್‌ರ ಉದ್ದಕ್ ಮಾಡುವ
ಕೊಡ್‌ಪ್, ಎಡ್‌ಪ್, ನಡ್‌ಪುಲುಂಡ್!
50. ದೇವ, ಭಕ್ತಂಡ ಎದೆಗೂಡ್‌ಲ್ ಇಪ್ಪಲ್ಲತೆ, ಕಲ್ಲ್
ಕಟ್ಟಡತ್‌ರ ದೇವಸ್ಥಾನತ್ ಅಲ್ಲ.
51. ರೇಸ್‌ಲ್ ಗೆದ್ದ ಕುದ್‌ರೆರ ಜೀನ್ ಪಾಳಾಚೇಂಗಿಯೂ

ದಾರೂ ನೋಟುಲೆ. ಅನ್ನನೇ ಒಮ್ಮೆ ಕೇಳಿಪೋನ ವ್ಯಕ್ತಿ ಆನಕ
ವ್ಯಕ್ತಿತ್ವಕ್ ಬೊತ್ತಂಡ.

52. ದುಡ್ಡ್ ಕೊಡ್ತಕ ಪೇರ್ತ್ ತರತರ ನಾಯಿಯ ಕ್ಕಟ್ಟು.
ಆಚೇಂಗಿ ಆ ನಾಯಿ ಅವನ ಕಾಂಬಕ ಬಾಲಾಟುವಚ್ಚಕ್
ಮಟ್ಟಿಕೆ ಪ್ರೀತಿಲ್ ಬೊಳ್ತುವದ್ ಖರ್ಚ್ ಮಾಡ್ನಂವಂಡ
ಕೈಲುಂಡ್!

53. ಕಷ್ಟ ಬಂದಕ ಒಂದಾಂಡ ಮೀದ ಒಂದ್ ಬಕ್ಕು. ಸುಖ
ಒಂಟಿಯಾಯಿತ್ ಬಕ್ಕು. ದಂಡಾನೋ ಕುಸಿಲೇ ತಕ್ಕಾರ ಮಾಡ್!

54. ದೇವ ತಪ್ಪದೂ ಕೆಯ್ಯು, ಬಲ್ಚವದೂ ಕೆಯ್ಯು...
ಆಚೇಂಗಿ ತಂದಾನ ಮರ್ಂದಿತ್, ಬಲ್ಚಂಡಾನ ದೂರ್ವದ್
ಮನ್ಷ್ ಬುದ್ದಿ!

55. ತಾಂಡ ಮೂಡ್ಲಲ್ ಎನ್ನತ ಕೊರವೂ ತಾಂಡ ಕಣ್ಣ್ ಕ್
ಕಾಂಗ್. ತಾಂಡ ನೆತ್ತಿರ ಮಸಿನ ಕಾಂಗತೆ ಇಣ್ಣಿಬ್ಬಂಡ
ಬೋಳೆರ ಮಸಿನ ನೋಟಿ ತೆಳಿಪ !

56. ನೀನ್ ಇಣ್ಣಿಬ್ಬನ ಬೆರ ಮಾಡಿತ್ ಕಾಟತೆ. ನೀಡ ಓರ್
ಬೆರ ಅವನ ಕಾಟ್ಚೇಂಗಿ, ಬಾಕಿ ಮೂಂದ್ ಬೆರ ನಿನ್ನ ಕಾಟುವ!

57. ವಿಷ ತಿಂದಂವನ ಮಾತ್ರ ಕೊಲ್ಲು, ಆಚೇಂಗಿ ವಿಷತಾರನ್ನತ ಪುಸ್ತಕ ಓದ್ನಯಿಂಗಳೆಲ್ಲಾ ಕೊಲ್ಲು!

58. ಪೆರಿಯಯಿಂಗ ಎಣ್ಣಾನಾನ ಎಳಿಯವು ಕೇಪಕಿಲ್ಲೆ. ಆಚೇಂಗಿ ಮಾಡ್ನಾನಾನ ಅನುಕರಣೆ ಮಾಡು!

59. ನೀಡ ಮೂಡ್ತರ ಮಸಿ ನೋಟಿಯಂಡ್ ತೆಳಚಂವನ ಸಿನೇತಂದ್ ನಂಬ್. ಅವ ತೆಳಚ್ಲೇಂಗಿ ನೀಕ್ ಮಸಿ ಉಳ್ಳದ್ ಗೊತ್ತಾಗ !

60. ಜೀವನತ್ ನೀಡ ಸೇವೆ ಮಾಡುವಯಿಂಗಳ ನೋಟಿತ್ ನೀನ್ ಬಲ್ಯಂವೋಂದ್ ಅರಿಯಲು. ಆಚೇಂಗಿ ಸ್ವರ್ಗಕ್ ಕೂಟಿಯಪಕ್ ನೀನ್ ಎಚ್ಚಕಾಳ್ತರ ಸೇವೆ ಮಾಡಿತುಳ್ಳಿಯ ಎಣ್ಣುವಾನ ನೋಟು!

61. ಓರ್ ಮನ್ಷ್ಯಂಡ ಮೀದ ಪರೆವ ತಕ್ಕ ಗಾಡಕ್ ಹಿತ ಆಪನ್ನತ್ ಚಿಲ್ಂಗ್ ಮಳೆನನಕೆ ಇರಂಡುವೇ ಅಲ್ಲತೆ ಜಡಿಮಳೆರನಕೆ ಅಲ್ಲ!

62. ಬದ್ಕಲ್ ಸಂಪಾದನೆ ಮಾಡ್ನಾನಾನ, ಬೊಳ್ಚೆತಾರನೆಕೆ ಬೋರೆಯಿಂಗಕ್ ಬೊಳಿ ಕಾಟಿತೂ ಖರ್ಚ್ ಮಾಡಲು. ಕನ್ನಡಿಲ್

ಮಿತ್ಯ ಪ್ರಕಾಶ ಕಂಡನೆಕೆ ತಾನೇ ಬೋಂಡಿಕೆ ಅನುಭವಿಚಿಟ್ಟಿವಲು.
ತೃಪ್ತಿ ಏದ್ ತರತ್ ?!

63. ಕೈಂಜಾನ ಪರ್ಂದಂಡ್, ಆಪಕುಳ್ಳಾನ ನೆನತಿಯಂಡ್,
ಅಳ್ತಾತ್ ನೇರತನ ಕೊಲ್ಲತೆ. ಏಳ್, ಇಂದ್, ಇಕ್ಕ, ಈ
ಗಲಿಗೇಲ್ ನಲ್ಲ ಪಣಿಕ್ ಕೈ ತೆಕ್ಕಿ ಇಳಿ !

64. ಕಷ್ಟ, ಸುಖ ಅರಿಯತೆ ವಾರೋದಿ ಒಳ್ಂಜಿತ್, ಓರ್
ಬೆಂದು ಪೋಯಿರುವಕಾಪಕ ಆಪ ಆನಂದ, ಅಯಿಂಗ
ಬಂದಂದೂ ಆಯಿತಿಪ್ಪಾಲೆ!

65. ಕುತೂಹಲ ಎಣ್ಣುವದ್ 'ಪಡಿಪು' ಎಣ್ಣುವ ಬೋಳಚೆತಾರ
ತಿರಿ ಇಂಜನ್ನಕೆ, 'ಪಡಿಪಿ' ಎಣ್ಣುವ ಪುರ್ಡ್ ಮುಖ್ಯ.

66. ಪತ್ತಾಳಾರ ಪೈಕಿ ಒಯಿಂಬದಾಳೂ ನಂಗಳ ಪಾಳ್ ಎಣ್ಣೆತ್,
ಪತ್ತನೆಯಂವ ನಲ್ಲದ್ ಎಣ್ಣಾಚೆಂಗಿಯೂ, ಅವ ನಂಗಳ
ಪಾಳ್ಂದ್ ಎಣ್ಣನೆಕೆ ಆಚೀಂದೆಣ್ಣೆತ್ ನಂಗಳ ತಿದ್ದಿಯ ವಂಡು!

67. ಎದ್ ಮುಟ್ವಾನ ಸಮಸೈಕ್ ಎದ್ ರಾಚಿಟ್ಟಿತೇ ತಟ್ಟಿ ನೀಕಿ
ಮಿಳ್ಳಾಕ್ ಪೋಕಂಡು. ಧೈರ್ಯ ಪಿಳ್ಳಾ ಚಮತ್ಕಾರ ಇದ್ಂಡ
ಸಾಧನ!

68. 'ಆದರ್ಶ' ಎಣ್ಣುವದ್ ನಕ್ಷತ್ರತಾರನೆಕೆ. ಅದಾಂಗ್
ಒಮ್ಮೆಕೆ ಪೋಪಕಯ್ಯುಲೇಂಗಿಯೂ, ನಾವಿಕಂಗಡನ್ನಕೆ
ದಿಕ್ಕನ ನಕ್ಷೆ ಮಾಡಿತ್ ಉಪಯೋಗ ಪಡಂದವಲು!

69. 'ನ್ಯಾಯ' ಎಣ್ಣುವ ಕೋಲಾನ ದುಡ್ಡಾರ ಭಾರತ
ಬಗ್ಗೆ ಚಿಡುವಕಾಗ. ಕರುಣೆ ಕಟಾಕ್ಷತ್ ಬಗ್ಗೆ ಚಿಡಂಡು!

70. ನಿರಪರಾಧಿನ ಶಿಕ್ಷೆ ಮಾಡು ವಾಂಗ್ಂಜಿ ಅಪರಾಧಿನ
ಶಿಕ್ಷೆಂಜಿ ವಿನಾಯಿತಿ ಮಾಡುವಾಲ್ ದುಂಬ ಅರ್ಥ ಉಂಡ್!

71. ಎಂತಾನ ಬೋಂಡಿಕೆಯೂ ರಕ್ಷಣೆ ಮಾಡಲು. ಆಚೆಂಗಿ
ಮಳೆಲ್ ಕೊಡೆನ ರಕ್ಷಣೆ ಮಾಡುವಕ್ ಕಯ್ಯುಲೆ. ಅದ್
ಪುಂಡೆ ಆಯಿತೇ ಆಂಡು. ಕೆಯ್ಯುವಂವ ಕೆಜ್ಜಿತೇ ಕೆಯ್ಯಂಡು!

72. ದಾರ್ ಸಮಯತಾನ ದುರುಪಯೋಗ ಮಾಡುವೊ,
ಅಂವ ಸಮಯ ಪೋರಾಂದ್ ಎಣ್ಣುವದ್ ವಾಡಿಕೆ!

73. ವಿಚಾರತಾನ ವಾದ ಮಾಡುವಕ್ ಅರಿಯತಂವ ಬೆರಿಯ
ಜಗಳಕ್ ನಿಪ್ಪ!

74. ಗೊತ್ತಿಲ್ಲತೆ ಚೆರಿ ಚೆರಿಯ ತಪ್ಪ್ ಮಾಡುವದ್ ನಂಗಡ
ಜೀವನತ್ ಮನಸ್ಸಕ್ ನೆಮ್ಮದಿ ತಕ್ಕು, ಬಲ್ಯ ತಪ್ಪೊಂದು

ಅಲ್ಲಲ್ಲಾ ಎಣ್ಣೆಯೆಂದ್!

75. ಎಲ್ಲಾರೂ ಒರೇ ತರ ಗೇನ ಮಾಡ್‌ಚೇಂಗಿ, ಒಬ್ಬನೂ ಒಂದಾನೋ ಸೆರಿಕ್ ಗೇನ ಮಾಡ್!

76. ಸಾಲ ಇಲ್ಲತೆ ಮೂಲ ಇಲ್ಲೆ, ತಿತ್ತ್ ಇಲ್ಲತೆ ಪೊಗೆ ಇಲ್ಲೆ!

77. ಕೊಟ್ಟೊನಕ ಅರಿಯು ಕುಡಿಕೆರ ಒಡಕ್, ಅನ್ನನೇ ತಕ್ಕಲ್ ಅರಿಯು ಮನೊಷ್ಯಂಡ ಗುಣ!

78. ಜಾರನೂ, ಚೋರನೂ ಒಂದಾನಕ ಒಬ್ಬ ಮಾನ ಕೆಡ್‌ತು!

79. ನಲ್ಲ ಪಡ್‌ಚಂವ ತಾಂಡ ಪಡಿಪುನ ಉಪಯೋಗ್‌ಚಿಡತೆ ಪೋಚೇಂಗಿ ಅವ ಮಂತ್ರ ಪುಸ್ತಕ ಪೊರ್‌ತಂಡ್ ಪೋಪ ಕತ್ತೆರನ್ನೆಕೆ ವ್ಯರ್ಥ!

80. ಮನಸ್ಸೊನ ದೇವಕ್ ಒಪ್ಪೊಚಿಟ್ಟಿತೆ ಮೆದೊಳೊನ ಕೆಲಸಕ್ ಬುಡಂಡು!

81. ಎಂಥ ದುಷ್ಟಂಗೂ ಕಷ್ಟ ಬಪ್ಪಕ ಮಾತ್ರ ದೇವಳ ಗೇನ ಬಪ್ಪ. ಸುಖಿತ್‌ರ ಸಮಯತ್ ದೇವಳ ಮರಾಪ.

ಅದೆಲ್ಲಾ ತನ್ನಗುಂಡೇ ಆಯೆಂದ್ ಎಣ್ಣುವ!

82. ಘಟನೆ ಆನಪಿಳ್ಳಾ ಎಣ್ಣುವ ಬುದ್ಧಿವಾದ ಚೆತ್ತಪಿಳ್ಳಾ
ನಲ್ಲ ಮದ್ದ್ ಎಡ್ತಂಡ್ ಬಪ್ಪನೆಕೆ!

83. ಮುತುವರ್ಜಿ ಇಟ್ಟಿತ್ ಕೆಲಸ ಮಾಡುವಂವಂಗ್
ಮೂಢನಂಬಿಕೆ, ಮತಾಂಧತೆ ಇದೆಲ್ಲಾ ದುಂಬ ತೊಂದರೆ
ಕೊಡ್ಪ!

84. ನಂಗಡ ಜೀವನತ್ ಚೆನ್ನ ಸ್ಥಿಮಿತ ಬೆಚ್ಚಂಡಕ
ಪ್ರತಿಯೊಬ್ಬಂಡ ಹೃದಯ ಗೀತೆಕ್ ಸೆರಿಯಾಯಿತ್
ಅಂವಂಗ್ ಚಾವಣೆ ಸುಖಜೀವನ ನಡ್ತಲು!

85.. ಪೊದಪು ಉಳ್ಳಚ್ಚಕ್ ಕಾಲೆ ನೋಟಿತ್
ಬುದ್ಧವಾಂಡಚ್ಚಕ್ ಸುಖ ಜೀವನ ಬೋರೆ ಇಲ್ಲೆ!

86. ಮನ್ಷ್ಯಂಡ ನಾವುನಂತೋರ್ ಪೋಕ್ರಿ ಅಂಗ
ಉಲಗತ್ ಬೋರೆ ಇಲ್ಲೆ!

87. ತಾನ್ ಕೀರ್ತಿವಂತನಾಂಡು ಎಣ್ಣಿಯಂಡ್ ಪೇಚಾಡತೆ,

ನಲ್ಲಂವನಾಪಕ್ ಪೇಚಾಡ್, ಅದೊಂಡಚ್ಚಕ್ ಬಲ್ಯ ಕೀರ್ತಿ
ಇಇಕ್ಕೊಂದಿಲ್ಲೆ!

88. ಆಶಾವಾದಿಯಕ್ ಪ್ರತಿಯೋರ್ ದಿನವು
ಉತ್ಸಾಹದಾಯಕ!

89. ಎಂತೇಂಗಿ ಮಾಡಿತ್ ಚೋಪದ್, ಒಂದೂ ಮಾಡತೆ
ಗೆದ್ದಂದ್ ಎಣ್ಣುವಾಂಗಿಂಜಿ ನಲ್ಲದ್!

90. ಎಲ್ಲಾರ್ಕು ಕಾಂಬನ್ನಕೆ ಪುರುಸೊತ್ತ್ ಇಲ್ಲತನ್ನಕೆ
ಇಪ್ಪದ್ ಮುಖ್ಯ ಅಲ್ಲ, ಎಂತಾಂಡ ವಿಷಯತ್ ಪುರುಸೊತ್ತು
ಇಲ್ಲೆ ಎಣ್ಣುವದ್ ಮುಖ್ಯ!

91. ದುಷ್ಟತನ ತಾಂಡ ಹೃದಯತ್ನ ಕಲ್ಲ್ ಮಾಡುವ,
ಮನಸ್ಸಿನ ಕುರ್ಡ್ ಮಾಡುವ. ನಾವು, ಕೈ ಪಿಳ್ಳಾ
ಮೆದ್‌ಳಾರ ಸ್ವಾಧೀನ ತಪ್ಪೊಚಿಡುವ!

92. ಎಚ್ಚರತ್ ಕೇಪವು ಸಮಾಧಾನತ್ ತಕ್ಕ ಪರವ, ಸೆರಿಕ್
ಜವಾಬ್ ತಪ್ಪ. ಅಳತೆಲ್ ತಕ್ಕ ಪರವವು, ಎಣ್ಣಾನಾ

ಕೇಪದ್ ಓರ್ ಕಲೆ!

93. ಪೊಟ್ವ್ ಪರೆವದ್ ಎಚ್ಚಕ್ ಪಾಳೋ, ಅಚ್ಚಕೇ ಪಾಳಾ
ಒತ್ತಿ ನಿಂದ್ ಕೇಪದ್. ದಂಡೂ ಅನರ್ಥಕಾರಿ!

94. ಬಡತನತ್ ಸುಮಾರ್ ಮೂಲ ಉಂಡ್. ಅದಲ್
ಅರಿವಿಕೆ ಇಲ್ಲತದ್ ತಾಯಿಮೂಲ!

95. ದೇವ ಜೀವನತ್ನ ಸರಳ ಮಾಡುವನ್ನೆಕೆ ಮಾಡ್ನಾನಾ
ಮನ್ಷ್ ಅಲ್ಪ ಆಸೆ, ಅತೀ ಆಸೆಲ್ ಕಷ್ಟ ಮಾಡಿಯವ!

96. ಕುಂದ್ಕರೆರ ಕುರ್ಚಲಾರನ್ನೆಕೆ ಜೀವನ ಇಡೀ
ವ್ಯರ್ಥತ್ ಕೈಪಾಂಗ್ಂಜಿ ದೇವಕೆರೆ ತಾವರೆನ್ನೆಕೆ ಓರ್ ದಿನತ
ಬಾಳೆ ನಲ್ಲದ್!

97. ಅಪ್ರಾಮಾಣಿಕನಾಯಿತ್ ಇಪ್ಪಾನುಂಡ್ ಮನುಷ್ಯಂಡ
ಜೀವನ ಇಡೀ ಕೊತ್ತಿಯಂಡಿಪ್ಪ. ನಿರುತ್ಸಾಹಿ ನಿತ್ಯ ರೋಗಿ!

98. ಅರೆಪಾಟ್ ಎಡ್ತಂಡ್ ಅಂಬಲಕ್ ಪೋಂಡ.
ಚಾಯಿಲ್ ಪಡ್ಚಿತ್ ಉಂಡೇಂಗಿ ಮಾತ್ರ ಇನ್ನೊಬ್ಬಂಗ್
ಎಣ್ಣೆ!

99. 'ಜಯ' ಎಣ್ಣುವದ್ ಒಮ್ಮೆಕೆ ಎದ್ದ್ ಬಂದದ್ ಅಲ್ಲ.

ಕಷ್ಟ ಕಾರ್ಪಣ್ಯತ್ಯಾರ ತಿತ್ತಲ್ ಬೆಂಜಿತ್ ಪೊರೊಮೆ ಬಂದ
ಭಾಗ್ಯಾಂಶ!

100. ಸದ್ಧ್ ಆನಕ ಮಾತ್ರ ಸುದ್ಧಿ, ಜೀವನತ್ ನಲ್ಲಾಮೆಕ್
ಪೊಡ್ತ್ ಕಳಚಕ ಮಾತ್ರ ಜಯ!

101. ಕಷ್ಟನಷ್ಟ ಬದ್ಕಲ್ ಬಂದಚ್ಚಕೂ ಧೈರ್ಯ ಬಪ್ಪ.
ನಂಗ ಮಾಡ್ನದೆಲ್ಲಾ ಕೈಗೂಡಿರತೇಂಗಿ ನಂಗಡಲ್ಲಿ
ಧೈರ್ಯ ಕಾಣ!

102. ಆಯಾಯ ದಿನತ್ ವರೀಸ್ ನೆಲ್ಲಾ ಕೂಟಿತ್
ಚಿಂಡುಳ್ಳಿ ಕೆಟ್ಟಿತ್, ಬೈಟ್ ದೇವಕ್ ಒಪ್ಪಾಚಿಟ್ಟಿತ್,
ಬುದ್ಧಂಡ್ ವರಾನಕ ಕೋಳಿ ಕೂವಕೇ ಎಚ್ಚರ ಆಕು!

103. ಚೆರಿಯ ಮಕ್ಕ ಎಣ್ಣಾನನ್ನೆಕೆ ಮಾಡತಿರ,
ಪೆರಿಯಯಿಂಡಲ್ಲಿ ನಲ್ಲರಿಕೆ ಬೋಂಡು!

104. ಘರ್ಷಣೆ ಇಲ್ಲತ ಮನೆ ಕೆಲಸ, ಬಿಕ್ಕಟ್ಟ್ ಇಲ್ಲತ
ರಾಜ್ಯ ಬೊಳ್ಚೆ ಕಾಂಗ!

105. ಜೋಯಿನ ಪೊಜ್ಜಕ ಮೇಲೆಲ್ಲಾ ಬೂದಿ, ತೀರತ
ಪೊರೊಕವಂಡ ಕೂಡೆ ವ್ಯವಹಾರ ಅಪಮಾನ, ಅಪವಾದ

ಕೆಟ್ಟ ಬೆಚ್ಚದ್. ಕೊಳ ಬುದ್ಧ ಪಂದಿರ ಬಾಲ ಬಲ್ಚನ್ನೆಕೆ!

106. ಬದ್‌ಕ್‌ಲ್ ದಂಡ್ ತರತ್ ಬಲ್ಯಂವನಾಕೊಲು.

ಒಂದ್, ಇರ್‌ಲೂ ಪೊವ್‌ಲೂ ನಲ್ಲೊಣೆ ನೈಚಿತ್,
ಇಇನ್ನೊಂದ್ ಕಂಡವಂಗ್ ಮೋಸ ಮಾಡಿತ್ !

107. ಕಷ್ಟಪಟ್ಟಿತ್ ಪಯಿಚಂವಂಗ್ ಓರ್ ಪುಡಿ ಕೂಳ್
ಕೊಡ್‌ಪವು, ಬದ್‌ಕ್ ಇಡೀ ದೇವ, ಸ್ವರ್ಗ, ನರಕ, ಪಾಪ,
ಪುಣ್ಯತರ ವಿಷಯ ಪರೆವ ಯಿಂಗಕಿಂಜ ನಲ್ಲವುಂದೆಣ್ಣಲು!

108. ಕಷ್ಟತ್ ಕುಳ್‌ರಾನ ಕೈಚಕ ಮಾತ್ರ ಬೇನಿರ ಸುಖ
ತೋಂದುವೊ.

109. ಬದ್‌ಕ್ ಇಡೀ ಕಳಂದಂಡೂ, ಗುಣಿಸಿಯಂಡೂ
ಅಳಾತಕ, ಕೂಟಿ ಬೆಚ್ಚ ಅಪ್ಪಯ್ಯಂಡ ಆಸ್ತಿನ ಮಕ್ಕ ಸುಲಭತ್
ಭಾಗ್‌ಚಿಡುವ!

110 . ಸೊತ್ತ್ ಎಡ್‌ಪಾಂಗಾಯಿತ್ ನಲ್ಲರಿಕೆನ,
ಅಧಿಕಾರತರ ಆಸೆಕಾಯಿತ್, ಸ್ವಾತಂತ್ರ್ಯತನ

ಕಳಾಂದವಂಡ!

111. ಪ್ರಾಮಾಣಿಕತೆಕಾಂಜ ಬಲ್ಯ ಬಹುಮಾನ ಇಲ್ಲೆ,
ಜಿಪುಣತೆಕಾಂಜ ಮೀತ ಕಳ್ಳಕಳಿ ಇಲ್ಲೆ!

112. ಬದಾಕ್ ಓರ್ ತೈಪ ಕಲ್ಲಾ. ತೈತಕ ಚೆನ್ನಂಗ್ ವಸ್ತು
ನೈಜನೆ ಆಪ, ಚೆನ್ನಂಗ್ ಮಿನ್ನವ, ಇಣ್ಣಿ ಚೆನ್ನಂಗ್ ಸಿಲೂ
ಆಪ. ಎಲ್ಲ ಆಯಾಯ ವಸ್ತುನ ಹೊಂದಿಯಂಡ್ ಉಂಡ್!

113. ಪ್ರಜೆಯಡ ಆರ್ಥಿಕ ಸ್ಥಿತಿ ಚಾಯಿ ಉಂಡೇಂಗಿ
ಮಾತ್ರ ಆ ದೇಶತಾರ ಸ್ಥಿತಿ ಚಾಯಾಪ. ನಲ್ಲ ದೇಶ ಕೆಟ್ಟಲು!

114. ಒಬ್ಬ ಎನ್ನನೆ ಚತ್ತತ್ ಎಣ್ಣುವದ್ ಬಲ್ಯದಲ್ಲ.
ಎನ್ನನೆ ಬದಾಕ್‌ಚಿ ಎಣ್ಣುವದ್ ವಿಶೇಷ!

115. ಜನ ಎಲ್ಲಾರು ಒಂದೇ, ಆಚೇಂಗಿ ಓರಬ್ಬಡ
ಗುಣತ್‌ಲ್ ವ್ಯತ್ಯಾಸ ಬಪ್ಪ ಅಚ್ಚಿಕೆ!

116. ಉಸಾರ್ ನಿಕ್ಕಣೆಕೂ ಬಾವಕುಳ್ಳಾಂಗ್
ಪಡಿಕಂಡಿಯಾಪ, ಪಡಿಪಕ್ ಕಾಲಮಿತಿ ಇಲ್ಲೆ!

117. ನಾನ್ ಗರೀಬಂದ್ ಎಣ್ಣೆಯಂಡ್ ಕಳಿಚಿ ಜಿಪುಣ
ಬಲ್ಯಂವನಾಚಿ. ನಾನ್ ಬಲ್ಯಂವಂದ್ ಎಣ್ಣೆಯಂಡ್
ದರ್ಬಾರ್ ಮಾಡ್‌ನಂವ ಗರೀಬನಾಚಿ!

118. ಮನ್‌ಷ್ಯಂಡ ನೀತಿ, ನಡತೆ, ಕಾರ್ಬಾರ್‌ಕ್
ಸೆರಿಯಾಯಿತ್ ಗೌರವ ಅಲ್ಲತೆ; ವಯಸ್ಸ್, ಐಶ್ವರ್ಯಕ್
ಅಲ್ಲ.

119. ದೇವ ಇಲ್ಲೆ ಎಣ್ಣುವದ್, ಪೋಲ್ ಆಕಾಶತ್ ನಕ್ಷತ್ರ
ಇಲ್ಲೆ ಎಣ್ಣುವಾಂಡಚ್ಚೆಕೆ ಪೊಟ್ವ್!

120. ಪುಟ್ಟಿತ್ ಎಳ್‌ತ್ ಪಡಿಕತಿಪ್ಪಾಂಗ್‌ಂಜಿ ಪುಟ್ಟಿಲೆ
ಇಪ್ಪದೇ ನಲ್ಲದ್!

121. ಮಿಳ್ಳಾ ಬಯ್ಯ ನೋಟತೆ ಚಾಡ್‌ನ ಓರ್ ತಿತ್ತ್‌ಕಡ್ಡಿ,
ಕೋಟಿಗಟ್ಟಲೆ ಉರ್‌ಪಿಯ ನಷ್ಟಮಾಡು, ಹಡಗಾಲ್ ಆನ
ಚೆರಿಯ ಓರ್ ತೂತ್ ಇಡೀ ಹಡಗಾನ್ ಮುಳ್‌ಕು, ಅನ್ನನೇ
ಮಿಳ್ಳಾ ಬಯ್ಯ ಗೇನ ಮಾಡತೆ ಪರ್‌ಂದ ಕೆಟ್ಟ ತಕ್,
ಆತ್ಮೀಯಂಗಳ ದೂರ ಮಾಡು!

122. ಬಟ್ಟೆ ಮಾಜಿತಿಕ್ಕು, ಕುಡ್‌ತ ಕೀತಿತಿಕ್ಕು, ಆತ್ಮ ಶುದ್ಧ

ಉಂಡೇಂಗಿ ಬದ್‌ಕ್ ಸಾರ್ಥಕ!

123. ಎಲ್ಲಾಡ ವಿಷಯತ್ ಎಲ್ಲಾ ನಲ್ಲದೆಣ್ಣುವಂವನ
ನಂಬುಡ. ಅವ ಭಾರೀ ಕೊಯಿಂದ್ರ!

124. ಬದ್‌ಕ್‌ಲ್ ಓಡ್, ಪಾರ್, ಮುಳ್, ತೇಲ್
ಕಡೇಕಾಚೇಂಗಿಯೂ ಗಂಭೀರತ್ ಭೂಮಿಲ್ ನಡ್‌ಪಕ್
ಪಡಿ!

125. ಅವ್ವಂಡ ಹೃದಯವೇ ಮಕ್ಕಡ ಕ್ಲಾಸ್ ರೂಂ, ನಲ್ಲ
ಹೃದಯ ನಲ್ಲ ಪಾರ ಪಡ್‌ಪ್‌ಚಿಡುವ!

126. ಇತಿಮಿತಿ ತಪ್ಪನ ನಾವುರ ನಾಟಕತ್‌ನಗುಂಡ್
ಆರೋಗ್ಯ ಪಾಳ್, ಸಂಸಾರ ಪಾಳ್, ಕಡೇಕ್ ದೇಶವೂ
ಪಾಳಪ. ಇದ್ ಅನುಭವ ಸಿದ್ಧಾಂತ!

127. ಪತ್ತ್ ಗರೀಬಂಡ ಸವಲತ್ತ್‌ನ ಎಡ್‌ತಂಡ್ ಓರ್
ಬಲ್ಯಂವಂಡ ದಾಲತ್ತ್!

128. ಮನ್‌ಷ್ಯಂಡ ಕೇಳಿ, ಕೀರ್ತಿ, ಸ್ಥಾನಮಾನ ನಂಗಳ
ಆಕರ್ಷಣೆ ಮಾಡುವ. ಆಚೇಂಗಿ ಅದ್‌ನ ಪಡ್‌ಂದ ಬಟ್ಟೆರ
ಮೊಟ್ಟ್‌ನ ನೋಟುವದ್ ಕಮ್ಮಿ!

129. ಆಶಾಭಾವನೆಯೇ ಜೀವನತ್ವ ಸಂಗೀತ ಸ್ವಾರಸ್ಯ!

130. ದುಡ್ಡ್ ನಂಗಡ ಆಳಾಯಿತಿಂಜಕ ಕ್ಷೇಮ, ಅದ್ ಯಜಮಾನ ಆಯಿರ್ ತೇಂಗಿ ಅಪಾಯ!

131. ಧನಿಕಂಡ ಪ್ರಾಣ ಸ್ನೇಹಿತಂಗ ಮೂಂದ್ ; ದೂಸೆ, ದುರಂಕಾರ, ಪಿಳ್ಳಾ ದುಷ್ಟತ್ಯ!

132. ದಂಡ್ ಕಡೆಲೂ ತಪ್ಪ್ ಉಂಡೇಂಗಿ ಮಾತ್ರ ಜಗಳ ತಪ್ಪುಲೆ. ಒರೇ ಕಡೆಲ್ ಕೂಡ್ ಚೇಂಗಿ ಆ ಜಗಳ ದುಯಾ ನೇರ ಇಪ್ಪುಲೆ. ನಾಡ್ ತಪ್ಪ್ ಎಣ್ಣಿಯಂಡ್ ಒತ್ತವಾನಗುಂಡ್!

133. ಅರಿಯಾಮೆ ಇಲ್ಲತ ಅಭಿಲಾಷೆ ಇರ್‌ಟ್‌ಲ್ ತೇಡಿ ಕಳಿಪನ್ನೆಕೆ, ಎಂತದ್, ಎನ್ನಾಪ ಎಣ್ಣುವದ್ ಗೊತ್ತಾಗ!

134. ಪರೆವ ತಕ್ಕನ ಚಾಯಿಲ್ ಕೇಪಕ್ ಪಡಿ, ನೀಕ್ ಆಗತಂವ ಪರೆವ ತಕ್ಕಲೂ ನೀಕ್ ಲಾಭ ಆಪ ಸಂದರ್ಭ ಇಪ್ಪು.

135. ಬೈಟ್ ಕೂಳಿಲ್ಲತ ಬುದ್ಧಂಡತೇಂಗಿಯೂ ಪೊಲಾಕ ಏವಕ ಸಾಲಗಾರನಾಯಿತ್ ಏವಂಡ!

136. ನೀಕ್ ಸೆರೀಂದ್ ಕಾಂಬಾನ ಧೈರ್ಯತ್ ಮಾಡ್.
ತಪ್ಪೊಂದ್ ಕಂಡತೇಂಗಿ ಅಲ್ಲಿಕೇ ಬುಟ್ವಾರ್!

137. ಅದೃಷ್ಟವಂತಂಡ ನಾಲ್ ಬೆಂದ್ಕ - ಧೈರ್ಯ,
ಪುರಾಡ್, ಗಟ್ಟಿಮನಸ್ಸ ಪಿಳ್ಳಾ ಬುದ್ದಿ!

133. ಏದ್ ಬಾಲೆಕಾರ ಕಾಲಕ್ ಸೆರಿಯಾಯಿತ್
ಕಷ್ಟಸಟ್ಟಿತ್ ಮಿಳ್ಳಾಕ್ ಪೋಪಾಲಿಯೋ, ಅವ ಕಡೇಕ್
ಮಿನಿಲ್ಲತ ಕೆರೆರ ಕೊಕ್ಕರೆರನ್ನಕೆ ಬೇರ್ ಚಿಟ್ಟಂಡ್
ಆಯಿರುವ!

139. 'ಕುಶಿ' ಎಣ್ಣುವದ್ ಓರ್ ವಿಶೇಷಪಟ್ಟಿ ವ್ಯಾಪಾರ
ವಸ್ತು. ಎಚ್ಚಕ್ ನೀನ್ ಕೊಡ್ತಿಯೋ, ಆಂಗ್ಂಜಿ ಜಾಸ್ತಿ
ನೀಕ್ ಕ್ಕಟ್ಟುವ!

140. ಅಪ್ಪ, ಅವ್ವ ಕಷ್ಟಪಟ್ಟ್ ನೈಚಾಂಗ್ ಸೆರಿಯಾಯಿತ್
ಮಕ್ಕ ಮಿಳ್ಳಾಕ್ ಬಾತೇಂಗಿ ನಲ್ಲ ವಿಷಯ ಬೋರೆ ಇಲ್ಲೆ!

141. ಬೇರ್ ಕೆತ್ತರೊಳ್ಳಲ್ ಉಂಡೇಂಗಿಯೂ, ತಾವರೆ
ನೀರಾರ ಮೀದ ಎಲಂಗುವನ್ನೆಕೆ, ಅಪ್ಪ ಅವ್ವ
ಗರೀಬಳಾಚೆಂಗಿಯೂ, ಮಕ್ಕ ಮಿಳ್ಳಾಕ್ ಬರಂಡು!

142. ನಂಗ ಈ ಭೂಮಿರ ಯಜಮಾನಂಗ ಅಲ್ಲ.
ಬೆಂದೊಕ ಮಾತ್ರ. ಬರಲು, ಪೋಲು, ಶಾಶ್ವೀತ
ಇಪ್ಪಕಯ್ಯಲೆ!

143. ಪ್ರಾಮಾಣಿಕತೆ ಬಲ್ಲದೊ, ಐಶ್ವರ್ಯ ಎಲ್ಲ ಕಾರುತ
ನಂಗಕ್ ಕೂಳ್ ತಪ್ಪಾಲೆ!

144. ಸೋಯ ತಪ್ಪಾನ ಮನಸ್ಸೊರ ದಂಡ್ ಚೆಜ್ಜಾ ದಿಯ
ಮರ್ಮ ಪಿಳ್ಳಾ ಕಿಚ್ಚೆ!

145. ಪುಚ್ಚೆಂಡ ಮನಸ್ಸೊ ಅವಂಡ ಬಾಯಿಲ್. ಆಚೇಗಿ
ಬುದ್ಧಿವಂತಂಡ ಬಾಯಿ ಅವಂಡ ಮನಸ್ಸೊರ ವಶತ್ ಇಪ್ಪ!

146. ಸೋಲರಿಯತವಂಡ ಬದೊಕ್ ಚಿರಂಜೀವಿ!

147. ಜಿಂವತಿಪ್ಪಕಲೇ ನಲ್ಲ ಕೂಟೊಕಾರನ ಮಾಡಿಯಂಡ
ಜೀವನ ನಡೊತ್. ಚೆತ್ತ ಪಿಳ್ಳಾ ಅವನ ಕೊಟ್ಟ!

148. ಬಲ್ಲವಂಡ ಮಂಗಲತ್ ಬಾತಿ ಬಾತಿ ಉಣ್ಣೊ,
ಅದೊಂದೇ ನೀಕ್ ಲಾಭ!

149. ಕೈರ ಸಹಾಯ, ಬಾಯಿರ ಸಹಾಯಕೊಂಜಿ ಬಲ್ಲದೊ!

150. ಮೂಢ ನಂಬಿಕೆ ನಂಗಳ ಜೀವನತ್ಲ ಅಡಿಕ್

ತಾತುವದಲ್ಲತೆ ಕೊಡಿಕೆ ನೇತುಲೆ!

151. ನೈಪುಕಿಂಜ ಜಾಸ್ತಿ ಖರ್ಚ್ ಮಾಡ್‌ನಕ ಕುರ್ಚಿಲ್
ಅಳತೆವನೂ ಕುಂಡ್‌ಕಾಕು!

152. ಜನ ಎಲ್ಲ ಒಂದೇ ಆಚೀಂಗಿಯೂ, ಗುಣ ನಂಗಳ
ಬೋರೆ ಮಾಡುವ!

153. ಬದ್‌ಕಲ್ ದಂಡ್ ಭಾಗ ಇಪ್ಪ. ಒಂದ್, ನಲ್ಲ
ಉಂಡ್ ತಿಂದ್ ಬದ್‌ಕುವ ನೇರತ್ ಅದ್‌ಂಗ್ ಗತಿ
ಇಪ್ಪುಲೆ. ದಂಡ್, ಉಂಬ ತಿಂಬಕ್ ಬೋಂಡಿಯದ್
ಬಪ್ಪಕ ಅದ್‌ನ ಭೋಗ್‌ಚಿಡುವ ಯೋಗ ಇಪ್ಪುಲೆ!

154. ಜೀವನತ್ ಎಳ್ತನೋ, ವಿದ್ಯತನೋ
ಪಡ್‌ಪಾಚಿಡುವ ಸ್ಕೂಲ್ ಶ್ರೇಷ್ಠವಾನದ್!

155. ಬದ್‌ಕಲ್ ಕಷ್ಟ, ನಷ್ಟ, ಸೋಲ್ ಅನುಭವಿಚಿಡುವ
ನೇರತ್. ಮನ್‌ಷ್ಯ ಎನ್ನನೆ ತೋಂದುವ ಎಣ್ಣುವಾನ
ನೋಟಿತ್ ಅವಂಡ ಧೈರ್ಯ, ಬುದ್ಧಿಶಕ್ತಿನ ಎಣ್ಣಲು!

156. ಪೊಳಿವಾಂಗ್‌ಂಜಿ ಬಗ್ಗುವದ್ ನಲ್ಲದ್, ಕಷ್ಟತ್
ಚಿಕ್ಕನ ಸಮಯತ್ ಗರ್ವ ನಲ್ಲದಲ್ಲ!

157. ನಾಲ್ ಮೂಂದ್ ಏಳ್ ತಕ್ಕಲ್ ದೇವಳ ನೆನತ್.

ಜಾಸ್ತಿ ನೇರ ಪೋಚೆಂಗಿ ಮನಸ್ಸು ಚಂಚಲ ಆಪ!

158. ಕನಿಚ ಕಲ್ಲ, ಪರಂದ ತಕ್ಕ ವಾಪಾಸ್ ಬರ.

ಕನಿಪಕೋ, ಪರೆವಕೋ ಬೇರ್ಚಿಡ್!

159. ನೀನ್ ಮುಂಡತಿಪ್ಪಾಂಡ ಮೊಳಿ ಅರಿಯತಂವಂಗ್

ನೀನ್ ಪರೆಯುವ ತಕ್ಕು ಅರಿವಾಪಾಲೆ. ಮೂರ್ಖಂಗಕ್

ಬುದ್ಧಿವಾದ ನಲ್ಲದಲ್ಲ!

160. ನಿನ್ನಾಂದೆತರ ಸೊಪನತಾನ ಇಂದ್ ಪೇಚಾಡಿತ್

ಮಾಡ್ನಕ ನಾಳೆ ಫಲ ತಪ್ಪ. 'ಆಪುಲೆ' ಎಣ್ಣುವ ಶಬ್ದಕ್

ಪುರ್ಡ್ ಉಳ್ಳಂವ ಬೆಲೆ ಕೊಡ್ಪುಲೆ!

161. ಎಕ್ಕಾಕಣೆ ನಂಗ ಪ್ರಪಂಚತರ ನಾಟಕಕಾರಂದ್

ಗೊತ್ತಾಪುಲಿಯೋ, ಅಕ್ಕಾಕಣೆ ಬದ್ಕ್ ಎಂತಂದ್

ಅರಿವಾಪುಲೆ!

162. ಚರಿತ್ರರ ಬಲ್ಯದೋಷ ಎಣ್ಣಕ ನಲ್ಲಾಂಡ

ಮಾದರಿಯೆ ಕೆಟ್ಟದೂ ಪುನರಾವರ್ತನೆ ಆಪದ್!

163. ಶಾಸ್ತ್ರೀತ ಆಯಿತಿಪ್ಪಾಂಡ ಮೂಲ ಅವಶ್ಯಕತೆ ಚಾವ್.

ಅಂದಕೆ ಮಾಡ್‌ನದ್, ಬುಟ್ಟಿತ್ ಪೋನದ್ ಉಳ್ಳಯಿಂಗಕ್
ಗೊತ್ತಾಪ!

164. ದಾರ್ ಪ್ರಾಮಾಣಿಕನೋ, ಅಂವೊ ನ್ಯಾಯವಂತನೂ
ಆಯಿತಿಪ್ಪ. ನಲ್ಲ ಗೇನ ಅವಂಡ ಮನಸ್ಸಲ್ ದುಂಬಿತಿಪ್ಪ!

165. ಊರ್‌ಕ್ ರಾಜನಾಚೇಂಗಿಯೂ, ಕೆಲಸಕ್ ದಾಸ!

166. ನಲ್ಲವು ಸ್ವರ್ಗಕ್ ಭಾರಿ ಕಷ್ಟತ್, ಎಚ್ಚರತ್,
ನಿಧಾನತ್ ಎತ್ತ್‌ಚೇಂಗಿ, ಕೆಟ್ಟವು ಬೋಂಡತಾನ ಮಾಡಿತ್
ಬೆರಿಯ ನರಕಕ್ ಎತ್ತಿರುವ!

167. ಗೊತ್ತ್ ಗುರಿ ಇಲ್ಲತ ಪುಚ್ಚಿಂಗ್ ಎಣ್ಣೆತ್
ಒಪ್ಪಿಚಿಡು ವಾಂಗ್‌ಂಜಿ, ಅವನ ಅವಂಡ ಪಾಡ್‌ಕ್
ಬುಟ್ಟಾರ್‌ವದ್ ನಲ್ಲದ್!

168. ಜನ ಅಧಿಕಾರತ್‌ನುಂಡ್ ದೇಶಕ್ ಕೆಟ್ಟದ್
ಮಾಡುವದಲ್ಲತೆ ದುಷ್ಟತನತಲ್ಲ!

169. ತಾಂಡ ಬಲ್ಯರಿಕೆನ ಪಾಡುವವು ಗರೀಬನಾಪ,
ಗರೀಬತನತ್‌ನ ಪಾಡುವವು ಬಲ್ಯವು ಆಪ!

170. ಗರೀಬಂಗ್ ಶತ್ರುವ ಕಮ್ಮಿ, ಬಲ್ಯಂವಂಗ್

ಮಿತ್ರಂಗ ಕಮ್ಮಿ!

171. ಕೇಡ್‌ಕಿಚ್ಚ್ ಚಂಚಲ ಮನಸ್ಸೆಕ್ ಬೆರಿಯ ಪುಡಿಪ.

ಆಚೇಂಗಿ ನಿರ್ಲಿಪ್ಪ, ಗಟ್ಟಿಮನಸ್ಸೆಕ್ ಪತ್ತುಲೆ!

172. ತಾನ್ ಮಾಡುವ ಕೆಲಸತ್ ತಾಂಗ್ ತೃಪ್ತಿ

ಉಂಡೇಂಗಿ ಆಂಡಚ್ಚೆಕ್ ನೆಮ್ಮದಿ ಬೋರೆ ಇಲ್ಲೆ!

173. ಬೊರಿ ಶಕ್ತಿ ಉಂಡೇಂಗಿ ಪೋರ, ಅದಾನ ಎನ್ನನೆ

ಉಪಯೋಗ್‌ಚಿಡುವ ಎಣ್ಣುವದ್ ಮುಖ್ಯೆ!

174. ಅಳ್‌ತ್ ಕಾತಂವ ಕಾತಂಡಾಚಿ, ನಡ್‌ಂದ್

ಪೋನಂವ ಗುರಿ ಮುಟ್ಟಿತಾಚಿ!

175. ನಾಯಿಕೂ, ಪೇಯಿಕೂ ಪಟ್ಟ ಕೆಟ್ವನಕ ಒಂದ್

ಕೊರ್‌ಕತಿರ, ಇಇಸ್ಕೊಂದ್ ಪರೆಯತಿರ!

176. ನೀತಿ ನಿಯಮ ಇಲ್ಲತೆ ದಾನ ಧರ್ಮ ಮಾಡುವ

ಧಾರಾಳಿ, ಆಯಿಪೋಪ ದಿವಾಳಿ!

177. ಪಡಿಚ ಪಡಿಪುನ ಸೆರಿಯಾನ ಸಮಯತ್

ಉಪಯೋಗ್‌ಚಿಡತದ್, ಬೊಳಚ ಕತ್ತ್‌ಚಿಟ್ಪ ಕಣ್ಣ್ ಮುಚ್ಚಿ

ಅಳ್‌ತನೆಕೆ!

178. ಪುರಾಡ್ ಇಲ್ಲತವ ಸಂದರ್ಭಕಾಯಿತ್ ಪಾರಕಾಪ.

ಗಟ್ಟಿಗ ಸಂದರ್ಭ ಮಾಡಿಯವ!

179. ಮಂಡೆರ ಪೊರಮೆ ಚಾಣೆ ಪೋನಕ ಕೇಡಿಲ್ಲೆ,

ಮಂಡೆರ ಒಳಲ್ ಚಾಣೆ ಪೋನಕ ಎಚ್ಚರ!

180. ಯೋಗ್ಯಂಗ ಪಾಳಾಂಬರಿ ವಿಷಯತಾನ ಅರಿಯಲೆ!

181. ಕಷ್ಟತುಳ್ಳಂವಂಗ್ ನಂಬಿಕೆಯೇ ಮದ್ದಾ,

ನಂಬಾನವಂಗ್ ಇಂಬಾ!

182. ಉಳ್ಳಂದೆಣ್ಣುವಂವಂಗ್ ಊರೆಲ್ಲ ಶತ್ತು!

183. ನಂಗ ಚತ್ತತೇಂಗಿಯೂ, ನಂಗ ಮಾಡಾನ

ನಲ್ಲಕೆಲಸ ಚಾವಾಲೆ!

184. ಅಂದಂದ್ ನೈಚಿ ಕಾಟ್ಟುವ ಪಣ, ಎಂದೋ

ಕಾಟ್ಟುವ ಪೊನಾಕಿಂಜ ಶ್ರೇಷ್ಟ!

185. ಪಚ್ಚಿ ಪರೆವ ಪೊಣ್ಣಾನೋ, ಉಂಡಾಡಿ ಆಣಾನೋ

ಕೊಂಡ ಕೂಡಿ ನಡಂದಕ ಒಬ್ಬ ಮನೆ ಒಡಾಕು, ಒಬ್ಬ

ಊರೊಡುಕು!

186. ಪಾಂಡಿತ್ಯ ಕಲ್ಲಾಚೇಂಗಿ, ಸಂಸ್ಕೃತಿ ತಿತ್ತ ಚೆಡಿ.

ಒಂದ್ ತೂಂಗು, ಓಂದ್ ಮಿನ್ನು!

187. ಬದ್‌ಕರಿಯತ ಪಡಿಪು, ಪುಳೆ ಇಲ್ಲತ
ಮೋಡತರನೆಕೆ ವ್ಯರ್ಥ!

188. ತನ್ನ ತಾನೇ ಕೊಚ್ಚಿಯವದ್ ಇಣಕೇಡ್,
ಇಣ್ಣೊಬ್ಬನ ದೂಷಣೆ ಮಾಡುವದ್ ತನ್ನ ತಾನೇ
ಹೊಗಳ್‌ನನ್ನೆಕೆ ಆಪ!

189. ಗೆಲ್ಲಂಡು ಎಣ್ಣುವಂವ ಹಠ ಬುಡ, ಹಠ ಇಲ್ಲತಂವ
ಗೆಲ್ಲ!

190. ಪೊರ್ಕಿ ಎಣ್ಣೆ ಕಾಟು, ನಲ್ಲವು ಮಾಡಿ ಕಾಟು!

191. ಆನೆಲಳ್‌ತಂವ ನಾಯಿಕಂಜ, ಜ್ಞಾನತಳ್‌ತಂವ
ಕೂಳಿಕಂಜ!

192. ತನ್ನ ನೋಟಡ್‌ಂದ್ ಕನ್ನಡಿ ಕಾಕುಲೆ, ತನ್ನ
ಕಾಂಗಡ್‌ಂದ್ ನಲ್ಲವು ಕಾಪುಲೆ!

193. ತಪಸ್ವಿಕ್ ಚತ್ತೆಯೂ ಒಂದೇ, ಮೆತ್ತೆಯೂ ಒಂದೇ!

194. ಅರಿಯಾಮೆ ಉಂಡ್ ಎಣ್ಣುವವು ಪರಿವದೇ
ಪೊಟ್ತ್, ಅರಿಯತನೆಕೆ ಇಪ್ಪದೇ ಅರಿವಂವಂಡ ಗುಟ್ತ್!

195. ತೆಯಿಚ ಚಾಂದ್ ಚುಟ್ಟಲ್ಲಿಯೂ ಘಮ ಘಮ,
ಭಂಡ ಜೀವ ಇಂಜಿಕೂಡ ಅಮ್ಮಮ್ಮ!

196. ಜ್ಞಾನಿ ಎಂತಾನಾಚೇಂಗಿ ಎಣ್ಣೆ, ಅಜ್ಞಾನಿ
ಎಂತಾಚೇಂಗಿ ಎಣ್ಣೆ!

197. ಅಂಜಿ ನಿಮಿಷ ಮಾಡುವದ್ ಅಂಜಿ ಗಂಟೆ
ಪರೆವಾಂಗ್ ಅಂಜಿ ಶ್ರೇಷ್ಠ.

198. ಪ್ರೇಮತ್ ನಟಲಿಸ್ಕೋಪ್ ಲ್ ನೋಟಾನಕ, ಕಿಚ್ಚಿನ
ಮೈಕ್ರೋ ಸ್ಕೋಪ್ ಲ್ ನೋಟುವ!

199. ತಳಿ ತಳಿಚಂಡ್, ಪ್ರೀತಿ ವಿಶ್ವಾಸತ್ ಬದ್ ಕ್
ನಡ್ ತಿತ್, ಸಮಾಧಾನತ್ ಜಬ್ಬುಮಿ ಬುಡ್!

200. ಮನ್ ಷ್ಯಂಡ ಬಲ್ಯರಿಕೆ ಅವಂಡ ಹೃದಯ
ಸಂಪನ್ನತೆ ಅಲ್ಲತೆ, ಪಣ, ಎಳ್ತ್, ಅಧಿಕಾರತ್ ಅಲ್ಲ!

201. ಮನಸ್ಸಕ್ ಸೆರಿಯಾನ ಸಮಯಂದ್ ಕ್ ಟ್ ನಕ
ಸಂತೋಷ, ಸಮಯಂದ್ ಕ್ ಟ್ ಸೆರಿಯಾಯಿತ್ ನಡ್ ಪ

ಮನಸ್ಸುಳ್ಳಂವ ಪರಮ ಸಂತೋಷಿ!

202. ಉಲಗತ್ ಜಿಪುಣಂಗಳಚ್ಚಕ್ ನಲ್ಲ ದಾನಿಯ

ದಾರೂ ಇಲ್ಲೆ, ಅವು ಚಾವಕ ಮಾಡಿ ಬೆಚ್ಚು ಬಲ್ಕು ಸಿರಿ
ಸಂಪತ್ತನೆಲ್ಲ ಬುಟ್ಟಿತ್ ಪೋಪ!

203. ಆರ್ ಇಂಚ್‌ರ ನಾವು, ಆರಡಿ ಮನ್‌ಷ್ಯನ,
ಇಲ್ಲೆಂಗಿ ಇಡೀ ಉಲಗತ್‌ನೇ ತಾತುವಕು ಮದಿ,
ನೇತುವಕೂ ಮದಿ!

204. ಹೊಗಳುವಂವನ ವಾರೆ ನೋಟ್, ತೆಗಳುವಂವನ
ತೆಳಚಿ ನೋಟ್!

205. ಆಯಿರ ಏಕರೆ ತೋಟಕಾರನೂ, ಅಂಬುಲಿ ಉಂಬ
ಗರೀಬನೂ ಆರಡಿ ಉದ್ದತ ಕಟ್ಪಾಲೇ ಕಣ್ಣ್ ಮುಚ್ಚುವ
ಎಣ್ಣುವಾನ ಮರ್‌ಪಕಾಗ!

206. ಕೊಡ್‌ಪಂವ ಕುರುಡನಾಚೆಂಗಿಯೂ ಆಕು,
ಎಡ್‌ಪಂವಂಗ್ ನೂಯಿಟೆಟ್ಪ್ ಕಣ್ಣ್ ಬೋಂಡು!

207. ಮೂಡ್‌ಕ್ ತೆಳಿ ಎಲಂಗು, ಬಾಡೆಕ್ ಬೊಳಚಿ
ಎಲಂಗು!

208. 'ಚಾಯಿ' ಜನಳ ಆಕರ್ಷಣೆ ಮಾಡು, 'ಗುಣ' ಜನಳ
ಪುಡಿಚವ ಎಣ್ಣುವಾನ ಮರ್‌ಪಕಾಗ!

209. ಬೊಳಿ ಇಲ್ಲತಲ್ಲಿ ಇರಾಟ್ ಕವುಂಜವನೆಕೆ,
ಆತ್ಮವಿಶ್ವಾಸ ಇಲ್ಲತಂವಂಗ್ ಬದಾಕ ಕಷ್ಟ!

210. ಆಣ್ ಓರ್ ಕೆಮಿಲ್ ಕೇಟಿತ್ ಇಞ್ಚೋರ್
ಕೆಮಿಲ್ ಬುಟ್ಟಾರುವ. ಪೊಣ್ಣ್ ದಂಡ್ ಕೆಮಿಲ್ ಕೇಟಂಡ್
ಬಾಯಿಕಾಲೆ ಬುಟ್ಟಾರುವ!

211. ಎದೇ ಕೇಳಿಪಟ್ಟ ಮನ್ಷ್ಯಂಡ ಜೀವನತಾನ
ನೋಟುವಕ ಅವ ಬದಾಕ್ ಇಡೀ ನೈಚಿತ್ ಕಷ್ಟಪಟ್ಟಿತ್
ಮಿಞ್ಚಾಕ್ ಬಂದದ್ ಗೊತ್ತಾಪ!

212. ಪೋಷಕಂಗ ಮಕ್ಕಕ್ ಮರ್ಯಾದಿ ಕೊಡ್ಕೊಂಡು.
ಬಯ್ಯ ಅಂಟಿಯಂಡ್ ಇಪ್ಪಕಾಗ. ಅಯಿಂಡ ಜೀವನತಾರ
ಆಸೆ ಪೋಲೆ ಪಡಿಪಕ್ಕುಳ್ಳಾಂಗ್ ಅವಕಾಶ
ಮಾಡಿಕೊಡ್ಕೊಂಡು!

213. ನಂಗಕ್ ಇಷ್ಟಪಟ್ಟದ್ ಕಾಟ್ಟತಾನಕ, ಕಾಟ್ಟಾನಾನ
ಇಷ್ಟ ಪಡಂಡಿಯಾಪ!

214. ಬಯತಾನವು ಎಣ್ಣಾನಾನೆಲ್ಲ ನಂಬುವ,
ಎಡೆಬಯತ್ಕಾರ ಸಂಶಯ ಪಡುವ, ಚುಮ್ಮಿಮಕ್ಕ ಎಲ್ಲ

ಗೊತ್ತುಂಡ್ ಎಣ್ಣುವ. ಆನಗುಂಡ್ ಒಬ್ಬಂಡ ಕೂಡೆ
ಸತ್ಯಪರೆವಂಡು, ಇನ್ನೊಬ್ಬಂಡ ಸಂಶಯ ಪರಿಹಾರ
ಮಾಡೊಂಡು, ಚುಮ್ಮಿಯಕ್ ವಿವರಿಚಿಟ್ ಕೊಡ್ಕೊಂಡು!

215. ಜನ ನಿನ್ನ ಕೊದಿಕೊಂಡೊಂದಾಚೀಂಗಿ ನಿನ್ನ ನೀನ್
ತುದಿಪಕಾಗ!

216. ಸತ್ಯಕೂ, ಪೊಟ್ವಕೂ ಪಡೆ ಸುರುವಾನಕ, ಪೊಟ್ವ
ಆದ್ಯ ಗೆಲ್ಲುವನೆಕೆ ತೋಂದು, ಆಚೀಂಗಿ ಸತ್ಯಕ್ ಆಖೀರಿಲ್
ಗೆಲು ಉಂಡೇ ಉಂಡ್!

217. 'ಮೋಸ' ಎಣ್ಣುವದ್ ತುಂಡ್ ಕಂಬಳಿರನೆಕೆ.
ಮೂಡ್ಕಳಿಯ ಇಟ್ಟಕ ಕಾಲ್ ಪೊರ್ಮೆ, ಕಾಲ್ಮುಚ್ಚನಕ
ಮೂಡ್ ಪೊರ್ಮೆ, ಒಂದಲ್ಲ ಓರ್ ತರತ್ ಗೊತ್ತಾಪ.

218. ಮನ್ಷ ಮಂಗಲ ಕೈಂಜ ಪಿಳ್ಳಾ ಬದಲಾಪ. ನೀಕ್
ನಲ್ಲರಿಕೆ ಬಪ್ಪದ್ ಕೂಡ ಓರ್ ಬದಲಾವಣೆ!

219. ಪ್ರಕೃತಿರ ಏದೋರ್ ವಸ್ತುವಾಡ್ ಆಯಾಯ ಕಾಲ
ಬಪ್ಪಕ ಫಲ ತಪ್ಪ. ಏದೊಂದೂ ನಿರರ್ಥಕ ಅಲ್ಲ!

220. ಮನ್ಷಂಡಲ್ಲಿ ಉಳ್ಳ ನಲ್ಲರಿಮೆ ಅವನ ನ್ಯಾಯ

ಪಾಲಕನಾಪನ್ನನೆ ಮಾಡುವ. ಅವಂಡ ಮನಸ್ಸಾಕ್
'ನೆಮ್ಮದಿ' ಎಣ್ಣುವ ಚಾಯಿ ಬಪ್ಪನ್ನನೆ ಮಾಡುವ!

221. ಕಷ್ಟ ನಷ್ಟ ಓರ್ ವ್ಯಕ್ತಿನ ಪಾಳೊಮಾಡುಲೆ. ಬದೊಲ್
ಅವನ ಮನೊಷ್ಯನಾಯಿತ್ ಬಾವನೆಕೆ ಮಾಡುವ!

222. ನಂಗ ದೇವಳ ನಂಬಿತ್ ತೊತ್ತಕ ಮನತ್ ಪ್ರೇಮ,
ವಿಶ್ವಾಸ, ಧೈರ್ಯ ಬಪ್ಪ. ಪೋಡಿ. ಚೆಡಿ, ಕೇಡ್ ಪೋವ!

223. ಏದೇ ಕೆಲಸ ಆಂಡುವೇಂಗಿ ಮನಸ್ಸೊ ಮಾತ್ರ ಪೋರ,
ಮಂಡೆ ಶಕ್ತಿಯೊ ಬೋಂಡು!

224. ಏದೇ ವಿಷಯತ್ ನಂಗ ಸಮಸ್ಯೆರ ಉತ್ತರ
ಆಂಡುವೇ ಅಲ್ಲತೆ ಪ್ರಶ್ನೆ ಆಪಕಾಗ!

225. ಸಹಕಾರ ಇಲ್ಲತೆ ನಂಬಿಕೆ ಬಪ್ಪಾಲೆ, ನಂಬಿಕೆ ಇಲ್ಲತೆ
ಸಿನೇಚಾರ ಬಪ್ಪಾಲೆ!

226. ನೇರಾನ ದಾನಿ ಮಾಡೊನ ದಾನತೊನ
ಮರೊಂದೊರುವ. ಆಚೇಂಗಿ ಕೃತಜ್ಞ ತಾಂಗ್ ಮಾಡೊನ
ಸಹಾಯತೊನ ಮರೊಪಾಲೆ!

227. ಕೊಂಬೆ ಕೆತ್ತೊನ ಮರ ಚಿಗುರುವ, ಚೆರೊಜನೆ ಇಂಜ

ಚಂದ್ರ ಬಲಜನೆ ಆಪ. ಅನ್ನನೆ ಗರೀಬ ಕಷ್ಟಪಟ್ಟಿಕ
ಬಲ್ಯಂವನಾಪ!

228. ಸಹಾಯ ಮಾಡುವ ಕೈ, 'ಮಂತ್ರ' ಎಣ್ಣುವ
ಬಾಯಿಹಂಜಿ ಪೂಜ್ಯ ಆನದ್.

229. ಕಾಯಾ, ವಾಚಾ, ಮನಸಾ ಆರೋಗ್ಯ ದಾರ್ಹ
ಉಂಡೋ, ಅವಂಗ್ ಮಾತ್ರ ಬದ್ಹಾರ ನೇರಾನ ಸುಖ
ಹೆಟ್ಟುವ!

230. ಪ್ರತಿಯೊಬ್ಬಂಡಲ್ಲಿ ಉಳ್ಳ ನಲ್ಲ ವಿಷಯತಾನ
ಮನಸ್ಸೆಹ್ ಎಡೆತಂಡ್, ಅದಾನ ತಾಂಗ್ ಕಯ್ಯುವನೆಕೆ
ಕಾರ್ಯ ರೂಪಹ ಉಳೆಪಂಡು!

231. ಪೊಮ್ಮಕ್ಕ, ಆಮಕ್ಕಹಂಜ ಬುದ್ಧಿವಂತಂಗ. ಅವು
ಅರಿಯಂಡಿ ಯಂತಾನ ಚಾಯೋಡೆ ಅರಿಂಜಂಡಿತಿಪ್ಪ!

232. ನೇವಾನ ಸಿನೇತಂಗ ವಜ್ರತರನೆಕೆ ಬೆಲೆ ಇಪ್ಪವು.
ಗಟ್ಟಿ ಆಯಿತ್ ಜಿಂವಹ್ ಜಿಂವ ತಪ್ಪ. ಬಾಕಿ ಉಳ್ಳವು
ಕೊಕ್ಕಲೆರನೆಕೆ ಉರಿಬೆದ್ಹಾರ್ ಕರ್ಂಜೋಕು!

233. ಸಂತೋಷ, ಐಶ್ವರ್ಯ ಒಂದಾಯಿ ಬಾಳುಲೆ,

ಒಂದ್ ದುಡ್ಡ್ ಕಳ್ಳಂದಂಡಕ ಇಞ್ಚೊಂದ್ ತೃಪ್ಪಿ
ಕಳ್ಳಂದವ!

234. ನಂಗ ಇಞ್ಚೊಬ್ಬಂಡ ತಪ್ಪನ ಮನ್ನಾಚಿಟ್ಟಕ,
ತಾಂಗ್ ಮಾಡ್ನ ಉಪಕಾರಕ್ ಅಭಿನಂದ್ ಚಿಟ್ಟಕ
ಸಂತೋಷ ನಂಗಳ ತೇಡಿಯಂಡ್ ಬಪ್ಪ!

235. ದಾಡ ಆತ್ಮತ್ ಪ್ರೇಮ ಎಣ್ಣುವದ್ ಇಲ್ಲೆಯೋ,
ಅವಂಗ್ ಉಲಗವೆ ಓರ್ ಕೇಕೋಳ!

236. ನಂಗಡ ಕಣ್ಣೇರ್ ತೇಟುವಂವ ನೇವಾನ
ಸಿನೇತನಲ್ಲ, ಕಣ್ಣೇರ್ ಬಕ್ಕತನೆಕೆ ನೋಟುವಂವನೆ ಸಿನೇತ!

237. ನೈಚಿತ್ ಉಂಬ ಗರೀಬಂಡ ಕೂಳ್, ನೈಕತೆ ಉಂಬ
ಬಲ್ಯಂವಂಡ ಕೂಳ್ಕಿಂಜ ಚೋದ್!

238. ದೇವಳ ತೊತ್ತಂಡೇ ಬಾಳಾರ ದೋಣಿನ ಕರೆಕ್
ಕೂಟಿಯಂಡ್ ಇರ್! ಅಂದಕೇ ಕರೆ ಪತ್ತುವ. ಇಲ್ಲತ
ಪೋಚೇಂಗಿ ದೋಣಿಯೂ ನಡ್ಕ, ನೀನೂ ಕರೆ ಕಾಣ!

239. ಬಾಲೆಕಾರ ಉಲಗತ್ನ ಮಾತಿತ್ ಬೆಪ್ಪಕ್ ಪುರಾಡ್
ಕಾಟು, ಬಯತಾನವು ಬಾಲೆಕಾರಳ ತಿದ್ದುವಕ್ ನೋಟು. ಈ

ವ್ಯತ್ಯಾಸವೆ ಜನರೇಶನ್ ಗ್ಯಾಪ್!

240. ತಕ್ಕ ಪರ್ಂದಿತ್ ಕೆಣ್ಂಜ ವಾಂಗಿಂಜ ಸಂದರ್ಭ
ನೋಟಿತ್ ತಕ್ಕ ಪರಿಯತೆ ಇಪ್ಪದ್ ನಲ್ಲದ್!

241. ಪೊಣ್ಣ್ಲ ಖರ್ಚಿ ಮಾಡುವಾಂಗಿಂಜ ಜಾಸ್ತಿ ಪಣ
ಸಂಪಾದನೆ ಮಾಡುವ ಆಣ್ ಗಟ್ಟಿಗ. ಅಂತ ಆಣ್ನ ಕೂಡಿ
ಬಾಳುವ ಪೊಣ್ಣ್ಲ ಧನ್ಯೆ!

242. ಭೂಮಿಲ್ ನೀರೊಕ್ಕನಕ ಬೊಳೆ ನಂದ್, ತಡಿಲ್
ಬೆವರೊಕ್ಕನಕ ಬಾಳ್ ನಂದ್!

243. ಕುಶಿಲ್ ಪಡ್ಚದ್ ಚಾವಣೆ ಮರ್ಪಾಲೆ!

244. ದಾರ್ ಇಣ್ಣೊಬ್ಬಂಡ ನಲ್ಲಾನ ಪರ್ಂದಿತ್
ಅನುಸರಣೆ ಮಾಡುವೊ, ಅವ ಮಿಣ್ಣಲೇ
ನಲ್ಲಂವನಾಯಿತಿಪ್ಪ!

245. ಸಂದರ್ಭಕೊತ್ತಿತ್ ಮಾನತಿಪ್ಪದ್ ಮಾರುದ್
ಭಾಷಣಕಿಂಜ ಫಲಕಾರಿ!

246. ಎಂತ ಕಷ್ಟಕಾಲತ್ಲೂ ನಲ್ಲದಾಕು ಎಣ್ಣುವ ಭಾವನೆ
ಇರಡ್, ಮೋಡ ಕರ್ತೀ ಉಂಡೇಂಗಿಯೂ ಮಳೆನೀರ್

ಶುದ್ಧ ಆಯಿತಿಪ್ಪನ್ನೆಕೆ!

247. ಬದ್‌ಕ್‌ಲ್ ದಂಡ್ ದೋಣಿಕ್ ಕಾಲ್‌ಟ್ಲ್ ಪೊರ್‌ಟಂವ ಓನ್ನಾಂದೂ ಕರೆ ಕಂಡದಿಲ್ಲೆ!

248. ಪೊಳೆ ಪರಿವ ಸದ್ ಕೇಟಿತ್ ಆಳ ಅರ್‌ಂಜ, ಜನ ಪರೆವ ತಕ್ ಕೇಟಿತ್ ಆಳನ ಅರ್‌ಂಜ!

249. ನಾಕ್ ಶೂ ಇಲ್ಲೆಂದ್ ಬೇಜಾರ, ಅವಂಗ್ ಕಾಲ್ ಇಲ್ಲೆಲ್ಲಾ! ಆನಗುಂಡ್ ಉಳ್ಳಾತ್ ತೃಪ್ತಿ ಪಟ್ಟವಂದು!

250. ಚೆಡಿ ತಪ್ಪಂಜಿ ಸುರು ಆಪ, ಪಶ್ಚತ್ತಾಪತ್ ಅಂತ್ಯ ಆಪ!

251. ಕೆಲಸ ಮಾಡುವಕ ನಲ್ಲದಾಪ ಎಣ್ಣುವ ಗೇನ ಇರಡ್. ಬಲ್ಯ ಕಷ್ಟ ನಷ್ಟಕೂ ತಯಾರಾಯಿತಿರ್, ದೇವ ತಂದ ಫಲಕ್ ತೃಪ್ತಿ ಪಡ್!

252. ನಾಯಿಯಾಯಿತ್ ನೂರ್‌ಕಾಲ ಬಾವಾಂಗ್‌ಂಜಿ, ನರಿಯಾಯಿತ್ ನಾಲ್ ದಿನ ಬಾವದ್ ಮೇಲ್!

253. ಕೆಲಸ ಮಾಡ್‌ನ ಕಷ್ಟತ್‌ನ ಎಣ್ಣಂಡ, ಎಚ್ಚಕ್ ಕೆಲಸ ತೇತಿಯ ಎಣ್ಣುವಾನ ಎಣ್ಣೆ!

254. ನಂಗಕ್ ನಲ್ಲ ಕಾಲ ಬಂದಂದ್ ನಂಗಡ
ಮಿತ್ರಂಗಕ್ ಗೊತ್ತಾಪ. ಕಷ್ಟಕಾಲ ಬಂದಲ್ಲಿ ನಂಗಕ್
ಮಿತ್ರಂಗಳ ಗೊತ್ತಾಪ!

255. ನಿರಾಶಾವಾದಿ ಎಲ್ಲ ಅವಕಾಶಕೂ ಕಷ್ಟ ಕಾಂಬ,
ಆಶಾವಾದಿ ಎಲ್ಲ ಕಷ್ಟ ಪ್ರಸಂಗತೂ ಅವಕಾಶ ಕಾಂಬ!

256. ಇಇಕ್ಕೊಬ್ಬನ ನೀಡ ಕೂಡೆ ದೂರ್ನ ಆಸಾಮಿ,
ನಿನ್ನ ಇಇಕ್ಕೊಬ್ಬಂಡ ಕೂಡೆ ದೂರ್ವ. ಆನಗುಂಡ್
ದೂರ್ವಂವನ ದೂರ ಮಾಡ್!

257. ಒರೇ ಆತ್ಮ ದಂಡ್ ತಡಿಲ್ ಇಪ್ಪಂತ ಪರಿಸ್ಥಿತಿಲ್
ಮಾತ್ರ ಸಿನೇತಂಗಡ ಸಿನೇಚಾರ ಶಾಶ್ವತ!

258. ನಂಗ ಇಇಕ್ಕೊಬ್ಬಂಡ ಗೇನತ್ ಪೂವ್
ಆಯಿತಿರೊಂಡುವೇ ಅಲ್ಲತೆ ಮುಳ್ಳಾಪಕಾಗ!

259. ಓರ್ ಪುಡಿ ಅರಿವು, ಓರ್ ಬಟ್ಟೆ ಪಡಿಪುಕ್ಂಜಿ
ಶ್ರೇಷ್ಟ!

260. ಸಾಮಾನ್ಯ ಜನ ಸಂದರ್ಭತ್ನ ಅರ್ಂಜವಾಲೆ.
ಎನ್ನಂಗೆಣ್ಣಕ ಅದ್ ಕಷ್ಟ್ತರ ರೂಪಕ್ ಬೊಳಿಕಾಟುವ.

ಅವು ಕಷ್ಟಕೃ ಆಳಲ್ಲ!

261. ಕೇಳಿಪೋನ ಮನುಷ್ಯಂಗಕ್ ಗಟ್ಟಿ ಮನುಷ್ಯಂ,
ಪೊಮ್ಮಕ್ಕಕ್ ಇಪ್ಪಂತ ಕನಿಕರ, ಮಕ್ಕಡನ್ನತ ಪೂ ಮನುಷ್ಯಂ
ಬೋಂದು!

262. ಸತ್ಯತಾರ ಬೆಲೆ ಎಕ್ಕಲೂ ಒಂದೇ, ಆಚೇಂಗಿ
ಪೊಟ್ಟಾರ ಬೆಲೆ ಸತ್ಯರಿಂಜಕ ಚಾವ!

263. ಸ್ವಾತಂತ್ರ್ಯ ಕಾಟ್ಟಾನಾನ ಎನ್ನನ
ಉಪಯೋಗ್ ಚಿಟ್ಟವಂಡು ಎಣ್ಣಾವಾನ ಪ್ರತಿ ಪ್ರಜೆ ಅರಿಂಜಕ
ಮಾತ್ರ ಸ್ವತಂತ್ರಂಗ, ಇಲ್ಲತಾನಕ ಗುಲಾಮಂಗ!

264. ನೀಡ ಬೇಳೆಕಾಳ್ ಅರಾಂಜಿತೂ ನಿನ್ನ ಪ್ರೀತಿಲ್
ಕಾಂಬವನೇ ನೇರಾನ ಕೂಟಾಕಾರ!

265. 'ಅನುಭವ' ಎಣ್ಣಾವದ್ ಕೆಚ್ಚಾಂಗ್ ಕಾಟ್ಟಾನ ಫಲ.
ಈ ಫಲತಾರ ಚೋದರಿಂಜಂವ ನಲ್ಲ ಪಣಿ ಕೆಯ್ಯುವ!

266. ನೇರ ನೀಕ್ ಕಾಟ್ಟಿ, ನೀನೇ ನೇರ ಮಾಡಿಯ!

267. ಪ್ರೀತಿ, ವಿಸ್ವಾಸತಾರ ಆಳ್ವಿಕೆ ಉಳ್ಳಲ್ಲಿ ಕಾನೂನಾರ
ಆಗತ್ಯ ಇಲ್ಲೆ!

268. ಪ್ರೀತಿಯೊಂದೂ ಅಪ್ಪರಿಪ್ಪರ ಪಾಲ್‌ಟ್ಪಂಡಕ ಜಾಸ್ತಿ
ಆಪಂತದ್!

269. ಕೊಡ್‌ಪಾಂಗ್ ಕೊರ್‌ಗತೆ, ಕಳ್‌ಂದದ್
ಪೋಚಿಬುಡ್, ಕೆಟ್ಟ ರೀತಿಲ್ ಸಂಪಾದನೆ ಮಾಡತೆ, ಋಣ
ತಿಂದಿತ್ ಬದ್‌ಕತೆ!

270. ರಟ್ವರ ಚಾಯಿನ ಕೊದ್‌ಚಿತ್ ಪುಸ್ತಕ ಎಡ್‌ಕತೆ,
ಒಳ್‌ಲ್.ನಾಲ್ ಪಾಳೆ ಓದಿನೋಟ್!

271. ಕೆಲಸವೆ ದೇವ. ಎನ್ನಂಗಣ್ಣಕ ಅದ್ ನಂಗಡ
ಕಷ್ಟತನ ನೀಕುವ, ಸೋಮಾರಿತನತನ ಪೋಪ್‌ಚಿಡುವ,
ಮನಸ್ಸಕ್ ನೆಮ್ಮದಿ ತಪ್ಪ. ಐಶ್ವರ್ಯ ತಪ್ಪ, ನಲ್ಲ ಪೆದವೂ
ಕಾಟ್ಟುವ!

272. ಗರೀಬಂಡಲ್ಲಿ ಉಂಬ ಕಂಜಿ ಕೂಳ್, ಬಲ್ಯಂವಂಡ
ಗದ್ದಾಳಕಿಂಜ ರಸ. ಬಡವ ಅಯಿಂಗ ಉಂಡತ್‌ಂದ್
ಪ್ರೀತಿಲ್ ತೆಳಿಪ, ಬಲ್ಯಂವ ನಾನ್ ಕೊಡ್‌ತಂದ್ ಗರ್ವತ್
ತೆಳಿಪ!

273. ತುಳಿ ತುಳಿ ಕೂಡಿತ್ ಕಲ ದುಂಬು, ಪುಡಿ ಪುಡಿ

ಉಂಡಿತ್ ಕೆಲ ದುಂಬು, ನುಲಿ ನುಲಿ ನಟ್ಟಕ ತೆಂವ ದುಂಬು,
ಕಾಸ್ ಕಾಸ್ ಕೂಟಾನಕ ಪೊಟ್ಟಿ ದುಂಬು!

274. ಚತ್ತಪಿಳ್ಳಾ ನಿನ್ನ ಮರೆಯತಿರೊಂಡುಂದಾಚೇಂಗಿ,
ನೀನ್ ಮಾಡ್‌ನ ನಲ್ಲ ಕೆಲಸತ್‌ನ ಅವು ಎಳ್‌ದುವನೆಕೆ
ಇರೊಂಡು. ಇಲ್ಲೇಂಗಿ ನೀನ್ ಎಳ್‌ದ್‌ನಾನ ಅವು
ಓದ್‌ವನೆಕೆ ಇರಂಡು!

275. ಪೊನ್ನಾ ಉದ್ದನಚ್ಚಕೂ ಮಿನ್ನು, ಮನ್‌ಷ್ಯ
ಕೆಜ್ಜಚ್ಚಕೂ ಮಿನ್ನು!

276. ದೇವಕ್ ಜೀವಕೋಟಿಯಳ ರಕ್ಷಣೆ
ಮಾಡುವಕಯ್ಯತಾಪಕ ಅವ್ವಂಗಳ ಗೊತ್ತ್ತ ಮಾಡ್‌ಚಿಲೊ.
ಅವ್ವನೇ ದೇವ!

277. ಕುತೂಹಲತ್‌ರ ಮಿಳ್ಳಾಲ್ ಪೋಡಿ ಓಡಿ
ಪೋಯಿರುವ. ಮನ್‌ಷ್ಯಂಡ ಧೈರ್ಯ ಕೂಡ
ಕುತೂಹಲತ್‌ರ ಎದ್‌ಪ್ ನಿಪ್ಪಾಲೆ!

278. ಬುದ್ದಿವಂತಿಕೆಲ್ ಮಾಡ್‌ನ ಪ್ರತಿಯೋರ್
ಪಣಿಯೂ ಸಾರ್ಥಕವೇ!

279. ಓರ್ ತುಳಿ ಇಂಕಾರ ಎಳ್ತ ಕೋಟಿ ಜನಳ
ಬೇರೊಚಿಡುವನ್ನಕೆ ಮಾಡು!

280. ಅನಾವಶ್ಯ ಬೇರೊಚಿಡುವಾಂಡಚ್ಚಕ್ ಗರೀಬ ದಾರೂ
ಇಲ್ಲೆ. ಉಳ್ಳಾತ್ ತೃಪ್ತಿಪಡುವಂವನೇ ಬಲ್ಯಮನೊಷ್ಯ!

281. ಪಾಲ್ ಕುಡೊಚಕ ಕೆಲ ತಂಪಾಕು, ದೇವಳ ಭಕ್ತಿಲ್
ತುದೊಚಕ ಮನಸ್ಸೊಕ್ ತಂಪಾಕು!

282. ಬದೊಕೊರ ಪಾರತ್ ತನ್ನ ತಾನ್ ಅರೊಂಜವನ್ನತ
ಪಾರ ಕಷ್ಟತೊರದೊ!

283. ನಾಯಿ ಸ್ವರ್ಗಕ್ ಪೋಪಕ್ ಕಾರಣ ಅದೊ
ಕೂಳೊಟ್ಟಿಂವನ ಮರೊಕತಾಂಗೊ!

284. ಪ್ರೀತಿಯೇ ಇಲ್ಲತಲ್ಲಿ ಪ್ರೀತಿನ ಬಿತ್ತಿತ್ ಕದೊಪಾಡೊರ
ಬೋಜ ನೋಟೊ!

285. ಮಿಳ್ಳೊ ಬಯ್ಯ ಆಪಕುಳ್ಳಾನ ಗೇನ ಮಾಡಂಡ,
ತಾಂಡ ಮನಸ್ಸೊರ ತಾಕತೊನ ಸುರೂಲ್ ಅರೊಂಜ!

286. ಚೆಡಿಲ್ ಪಾರಿಕಳಿಪವು ಅಡಿಕಲ್ಲತೆ ಕೊಡಿಕ್ ಪೋಗ!

287. ನಲ್ಲಾನ ನಟ್ಟಿತ್ ನಾಡೊಕೆಟ್ಟೊ, ಕೆಟ್ಟಾನ ಬುಟ್ಟಿತ್

ಸಿನೇಹ ಕೆಟ್ಟೋ!

288. ನೀಡ ಮನೆಲ್ ಶಾಂತಿ ಬೋಂಡುವೇಂಗಿ,
ಇನ್ನೊಬ್ಬಂಡ ಮನೆರ ಸಂಗತಿ ಪರೆಯತೆ!

289. ತಾಂಡ ಪಡಿಪುನ ಪಡಿಚಯಿಂಗಡ ಮಿಳ್ಳಾಲ್
ಕಾಟ್‌ಚೇಂಗಿ ಬೆಲೆ, ಪಡಿಕತಯಿಂಡಲ್ಲಿ ಕಾಟ್‌ನಕ ಬೆಲೆ
ಕೊಟ್ಟು!

290. ಸಂತೋಷತಾರಚ್ಚಕ್ ನಲ್ಲ ಭಾಗ್ಯ ಮನ್‌ಷ್ಯಂಡ
ಆತ್ಮಕ್ ಬೋರೆ ಒಂದೂ ಇಲ್ಲೆ. ಅದೇ ಸೌಂದರ್ಯ, ಅದೇ
ಸತ್ಯ!

291. ಬೆದ್ ಬಪ್ಪಕ ಪಿಲ್ಲ್ ಒಣಕ್, ಬಾಲ್ಯ ಬಪ್ಪಕ ನೈಚಿ
ಕೂಟ್, ಮುದಿ ಬಯತ್‌ಕ್ ಕೆಟ್ಟಿ ಬೆಯ್ಯಿ!

292. ಎಳ್ ಪಡ್‌ಚಿತೂ ಕೆಟ್ಟದ್ ಮಾಡುವದಾಚೇಂಗಿ,
ಪಡಿಕತೆ ಇಪ್ಪದೇ ನಲ್ಲದ್!

293. ಅವ ಕೇಡ್ ಮಾಡ್‌ಚಿ, ನಾನೂ ಮಾಡ್‌ವಿ
ಎಣ್ಣುವ ಅಭಿಪ್ರಾಯ ತಪ್ಪು. ಇದ್ ನಂಗಡ ಮನಸ್ಸಾರ್
ಕೋಳಾಮೆನ ಕಾಟುವ!

294. ನೈಕತ ವಿದ್ಯಾವಂತ, ಮಳೆ ಪೊಯ್ಯಾಚಿಡತ
ಮೋಡತರೆನೆಕೆ ಒಂದಾಂಗೂ ಆಗ!

295. ಬುದ್ಧಿವಂತಂಡ ಓರ್ ಗಂಟೆರ ಪಣಿನ ಜಡ್ಡ ಓರ್
ದಿನ ಇಡೀ ಕೆಯ್ಯುವ!

296. ನಿಂಗಡ ಬದ್‌ಕೊನ ರಬ್ಬರೊರನೆಕೆ ಮಾಡಿಯವಂಡು.
ತಾಕತ್ತ್ ಇಪ್ಪಕ ಜವಾಬ್ದಾರಿ ಎಡ್‌ತಂಡ್ ಬಲ್ಯದಾಂಡು,
ಬೋಂಡಾಂದ್ ಕಾಂಬಕ ಎಲ್ಲಾನ ಬುಟ್ಟ್ ಕೊಡ್‌ತಿತ್
ಚುರ್‌ಂಗೊಂಡು!

297. ಕೋಡಂಡ ತಡಿಕ್ ಎನ್ನತ ಚಿಂಗಾರ
ಪೊರ್‌ಡ್‌ಚಿಟ್ಟಕಲೂ ಕೋಡ ಕೋಡನೆ. ಅನ್ನನೇ
ಎಲ್ಲಾರ್‌ನೋ ನಂದಾಕುವ ಕಯ್ಯಲೆ!

298. ಗಟ್ಟಿವಜ್ರ ತಿತ್ತರ ಸಾವಾಸತ್ ಮಸಿ ಆಯಿರುವ.
ಅನ್ನನೇ ನಲ್ಲವು ಸಂಗದೋಷತ್ ಪಾಳಾಪ!

299. ಪಾಲ್ ಉಕ್ಕುವಾನ ತಡ್‌ಪಕ್ ದಂಡ್ ತುಳಿ ನೀರ್,
ಚೆಡಿಲ್ ಪಾರಿ ಕಳಿಪಂವಂಗ್ ದಂಡ್ ನಲ್ಲ ತಕ್ಕಾ!

300. ಪಾಂಬಾರ ವಿಷಕಿಂಜ ಕೇಡ್, ಅಪ್ಪಂಡ ಎದಿಕೆ

ಅವ್ವನ ಬಜ್ಜಿಕಳಿಪ ಮಕ್ಕ!

301. ಆತ್ಮಾನಂದತ್ ದೇವಳ ಕಾಂಗಲುವೇ ಅಲ್ಲತೆ,
ಬೋರೆ ತರತ್‌ಕಯ್ಯ!

302. ಕೆಯ್ಯುವ ಪಣಿಲ್ ಮನಸ್ಸಡತೆ ಪೋನಕ ಆನಂದ
ಕೊಟ್ಟ. ಆನಂದ ತರತ ಪಣಿ ಆಯಾಸ ತಕ್ಕು!

303. ಕಣ್ಣ್ ಇಲ್ಲತವ ಕುರ್‌ಡನಲ್ಲ. ಕಣ್ಣ್ ಇಂಜಿತೂ
ತಪ್ಪ್ ನೆಪ್ಪ್‌ನ ನೋಟಿ ಅರಿಯತವನೇ ಕುರುಡ!

304. ತೆಳ್‌ಂಗ್‌ನ ಮನಸ್ಸ ಜಿಂಪತಾರ
ಕೂಟ್‌ಕಾರನಾಚೇಂಗಿ, ಕಲಕ್ ಮನಸ್ಸ ತಡಿರ ಶತ್ತು!

305. ಕಷ್ಟತಾರ ಸಮಸ್ಯೆನ ಸುಲಭತ್ ಜನಕ್ ಅರಿವು
ಮಾಡಿಕೊಡ್‌ಪವನೆ ಗುರು!

306. ಇಂಚ್ಚೊ ಬ್ಬಂಡ ಮೋರ್‌ಲ್ ಕಲ್‌ನ ನೀ ತೇಡಂಡ.
ನೀಡ ತಟ್ಟೆರ ಕೂಳ್‌ರೊಳಿಯ ಕಲ್ಲುಂಡಾಂದೊಮ್ಮ ಕಿಕ್ಕಿ
ನೋಟ್!

307. ಬುದ್ಧಿವಂತಿಕೆನ ತೇಡಿ ನಡ್‌ಂದಕ ನಂಗ, ಸಿರಿವಂತಿಕೆ
ತೇಡಿ ಬಕ್ಕು ನಂಗಳ!

308. ಐಶ್ವರ್ಯ ಎಲ್ಲಿಯೂ ನಿಪ್ಪುಲೆ. ಜಿಪುಣತನ ಬುಟ್ಟ್ವ
ಆರೋಗ್ಯಕ್ ಬೋಂಡಿಯ ಐಶ್ವರ್ಯತ್‌ನ ಅನುಭವಿಚಿಡ್!

309. ಮನಸ್ಸು ಶುದ್ಧ ಇಲ್ಲತ ಬಲ್ಯಂವಂಗ್‌ಂಜಿ, ನಲ್ಲ
ಮನಸ್ಸರ ಗರೀಬನೇ ಬಲ್ಯಂವ!

310. ಚಾಂದ್ ಪೊಗೆ ಉಳ್ಳಲ್ಲಿ ಸೊಳ್ಳೆ ಇಪ್ಪುಲೆ. ನಲ್ಲ
ಜನ ಉಳ್ಳಲ್ಲಿ ಕೆಟ್ಟಯಿಂಡ ನಳ ಪಾಯುಲೆ!

311. ಅವಂಡನ್ನಕೆ ನಾಕ್ ಬಲ್ಯಂವನಾಪ
ಕಯ್ಯುಲೆಲ್ಲಾಂದ್ ಕಷ್ಟಪಡತೆ. ಕೊರಗುವಾಂಡಚ್ಚಕ್ ಗರೀಬ
ದಾರೂ ಇಲ್ಲೆ!

312. ಮಕ್ಕ ಜವಾಬ್ದಾರಿಕೆರ ಮೂಲ ಅರ್‌ಂಜಂಡ್,
ನಲ್ಲರಿಕೆರ ಸ್ವಂತ ಬದ್‌ಕ್‌ನ ಪೋಡಿ ಇಲ್ಲತೆ ಮಾಡಂಡು!

313. ಉಡ್‌ಪ್ ತಡಿಕ್ ಚಿಂಗಾರ, ತಕ್ಕ ಮನಸ್ಸರ
ಚಿಂಗಾರ, ನಲ್ಲಪಣಿ ಬದ್‌ಕ್‌ರ ಚಿಂಗಾರ!

314. ಪಯ್ಯು ಕ್‌ಟ್ತ್ ಕ್‌ಟ್ತ್‌ನ ತೊಪ್ಪ್, ತೋಲ್, ಪಿಲ್ಲಾ
ತಿಂಗು, ಕಲರ್ ನೀರ್‌ನೋ ಕುಡಿಕ್. ಆಚೇಂಗಿ, ಪಾಲ್‌ಲ್
ಇನ್ನತೊಂದೂ ಮೇಂಗಿ ತಿಪ್ಪುಲೆ. ಅನ್ನನೇ ನಂಗಕ್ ಕೆಟ್ಟ

ಅನುಭವ ನೂರಿಕ್ಕು. ಆಚೇಂಗಿ, ನಲ್ಲಾನ ಮಾತ್ರ
ಪರೆಯಂಡು, ನಲ್ಲದ್ ಮಾಡಂಡು!

315. ಪ್ರೇಮ ಬೊಳ್ಂದಂಡ್ ಪೋನನಕೆ ಅಪ್ಪರಿಪ್ಪರ
ತಪ್ಪ್ ಕರಿಯಂಡ್ ಪೋಪ!

316. ನಂಗಡ ಬದ್ ಕ್ ಇಣ್ಣೊಬ್ಬಂಗ್ ಬುದ್ದಿವಾದ
ಮಾಡಂಡುವೇ ಅಲ್ಲತೆ ನಾವ್ ಅಲ್ಲ, ನಾವ್ ಬೋರೀ ಓರ್
ಮಾಧ್ಯಮ ಅಚ್ಚಕೆ!

317. ನಂಗ ಓದ್ನಚ್ಚಕೂ ನಂಗಕ್ ಗೊತ್ತಿಲ್ಲತದ್
ಅದೆಚ್ಚಕೋ ಉಂಡೇಂದ್ ತೋಂದುವ!

318. ಬುದ್ದಿಕಾರ ತಪ್ಪ್ ಬಟ್ಟಿನ ಬದ್ಲಾ ಮಾಡಿಯವ.
ದಡ್ಡಂಗ ಮುಗ್ಗರ್ ಚಿಟ್ಟಕಲೂ ಎದ್ದ್ ಬುದ್ ಅದೇ
ಬಟ್ಟಲ್ ನಡಂದಿತ್ ಚೋತ್ ಪೋಪ!

319. ಸತ್ಯಕಾಯಿತ್ ಎನ್ನತಾನ ಬೋಂಡಿಕೆಯೂ
ಕಳಂದವಲು. ಆಚೇಂಗಿ ಎನ್ನತೇಂಗಿಕಾಯಿತ್ ಸತ್ಯತಾನ
ಕಳಂದವಕಾಗ!

320. ಮಿಳ್ಳಾ ನೀಡ ಮನನ ಅರ್ಂಜ. ಪಿಳ್ಳಾ ಊರ್,

ನಾಡ್, ನಗರ, ದೇಶ. ಅಡಿಗೆ ಮನೆಂಜೇ ಸುರು ಮಾಡ್
ನೀಡ ಬದ್‌ಕ್.

321. ದಂಡಾಳ್‌ಕ್ ಆಸ್ತಿ ಪಾಲಾಡ್‌ವಕ ಒಬ್ಬಂಗ್ ಪಾಲಾ
ಮಾಡುವಕೆಣ್ಣ್, ಇಇಕ್ಲೊಬ್ಬಂಗ್ ಬೋಂಡ್ಯಾನ
ಎಡ್‌ತವಕೆಣ್ಣ್, ಅಕ್ಕ ಜಗಳ ಇಪ್ಪಾಲೆ!

322. ಒಬ್ಬಂಡ ಕೆಟ್ಟ ಚಾಲ್‌ನ ಗೇನ ಮಾಡಿಯಂಡಿಂಜಕ
ಆ ಕಾಯಿಲ ತಾಂಗೂ ಬಕ್ಕು. ನಲ್ಲಾನ ಗೇನ ಮಾಡ್‌ವದಾ
ನಲ್ಲದಾ!

323. ನಾವ್‌ಕ್ ಎಲ್‌ಂಬ್ ಇಪ್ಪಕಿಲ್ಲೆ. ಆಚೇಂಗಿ ಅದ್
ಸಮಯ ಬಪ್ಪಕ ಎಲ್‌ಂಬು ಪೊಳಿಕು!

324. ಸ್ವರ್ಗ, ನರಕ ನಂಗಡ ಕರ್ಮಫಲ. ಇದ್ ಚತ್ತಿತ್
ಕೊಟ್ಟವದಲ್ಲ. ಜಿಂವತಿಪ್ಪಕಲೇ ಅನುಭವ್‌ಚಿಡುವದಾ!

325. ಕಣ್ಣ್ ಮುದ್ದಾ ನೋಟಿತ್ ಅರಿವು, ಕೆಮಿ ಕೇಟಿತ್
ಅರಿವು, ನಾವು ಪರೆವಕ ಕಣ್ಣ್‌ಕ್ ಬೆಲೆ ಕೊಡ್‌ತಿತ್
ಪರೆವಂಡು!

326. ಕೋಳಿಮುಟ್ಟೆರೊಳ್‌ಲ್ ಕುಳ್ಳಿ ಉಂಡ್. ಅದ್‌ನ

ಕಾಪ್ ಬೆಚ್ಚಿತ್ ಸಮಧಾನತ್ ಎಡ್ಕೊಂಡು. ಕೆಲಸತ್
ಫಲ ಒಮ್ಮಕೇ ಕ್ಕಟ್ಟ. ಸಮಯ ಎಡ್ತವ!

327. ಚೆನ್ನಂಗ್ ಜನ ಪುಟ್ಟುವಕಲೇ ಕೀರ್ತಿಶಾಲಿಯ,
ಚೆನ್ನಂಗಾಳ್ ಬದ್ಕಾರ ಪ್ರಯತ್ನತ್ಲಾ ಪ್ರಭಾವಿಯ, ಇಳ್ಳಾ
ಚೆನ್ನಂಗ್ ಜನಕ್ ಕೀರ್ತಿನ ಕುತ್ತಿ ಕುತ್ತಿ ಕೊಡ್ಪ ದೈವಚಿತ್ತ!

328. ಜನ ನಂಗಳ ದೂಷಣೆ ಮಾಡ್ನನ್ನಕೆ ನಂಗಡಲ್ಲಿ
ಉಳ್ಳ ಕೆಟ್ಟಾನ ಬುಟ್ಟಿಂಡ್ ಪೋಂಡು. ಅಂದಕ ನಂಗಕ್
ಭೂಷಣ!

329. ನಂಗಡ ಕೈಲ್ ಲಕ್ಷ್ಮಿ ಇರಂಡುವೇ ಅಲ್ಲತೆ, ಲಕ್ಷ್ಮಿ
ಕೈಲ್ ನಂಗ ಆಪಕಾಗ. ಅವ ಚಂಚಲೆ, ನಂಗಳ ಕಳಿಯಲ್ಲತ
ಕಳಿ ಕಳಿಪ್ಪಚಿಡು!

330. ಇಂದ್ ಉತ್ತ ನಟ್ಟತೇಂಗಿ ನಾಳೆ ಪುತ್ತರಿ,
ಇಲ್ಲತಾನಕ ಕೆಲಕ್ ಕತ್ತರಿ!

331. ನಲ್ಲ ನೈಪುರ ಫಲ ಎನ್ನಾಚಿ ಎಣ್ಣುವದ್ ಮುಖ್ಯ
ಅಲ್ಲತೆ ಎಚ್ಚಕಾಚಿ ಎಣ್ಣುವದಲ್ಲ!

332. ತಾಳ್ಳೆ ಇಲ್ಲತವು ಎಣ್ಣೆ ಬತ್ತನ ಬೊಳ್ಳಚತ್ತಾರನ್ನಕೆ,

ಕ್ರಮೇಣ ಮಂಗಿತ್ ಕೆಟ್ಟಾಪೋಪ!

333. 'ಬದ್‌ಕ್' ಎಣ್ಣುವದ್ ಕಷ್ಟ ಸುಖಿತಾರ ಮದ್ಯ ಕಳಿಪ
ಲೋಲಾಕ್!

334. ನಂಗಡ ಶತುವ ನಂಗಡ ಕೆಟ್ಟಾನ ಎಣ್ಣಿತಪ್ಪ.
ಆನಗುಂಡ್ ಅಯಿಂಗಳ ಪ್ರೀತಿಚಿಡಂಡು!

335. ನರಿ ಉಳ್ಳ ಕಾಡ್‌ಲ್ ಬೋಟೆಕ್ ಬರ ಇಲ್ಲೆ. ರೈತಂಗ
ಪೆರ್ತಲ್ಲಿ ಕೂಳ್‌ಕ್ ಕೊರವು ಇಲ್ಲೆ!

336. ಸಾಲ ಕೊಡ್‌ತೆಕ ಒಂದೋ ದುಡ್ಡ್ ಕಳ್‌ಂದವಕ್
ತಯಾರಾಯಿ ತಿರೊಂಡು, ಇಲ್ಲೇಂಗಿ ಶತುನ ಪಡೆವಕ್
ತಯಾರಾಯಿತಿರೊಂಡು!

337. ಬುದ್ದಿ ತೆಳ್‌ಕತ ವಿದ್ಯೆ, ಉತ್ತಿತ್ ಬಿತ್ತತ
ಭೂಮಿರೆನೆಕೆ, ಒಂದೋ ಧೂಳ್, ಇಲ್ಲೇಂಗಿ ಚಾಳ್!

338. ಬುದ್ಧಂಡ್ ವರುವ ಆನೆಕಿಂಜ ಕೆಯ್ಯುವ ಉರ್‌ಪ್
ಶ್ರೇಷ್ಟ!

339. ಕಾತಂಡ್ ಅಳ್‌ಪಾಂಗ್‌ಂಜಿ ನಡ್‌ಂದಿತ್
ಎತ್ತಿಯವದ್ ನಲ್ಲದ್!

340. ಸಿನೇಚಾರ ಕ್ರಯಕೋ, ಬಾಡಿಗೇಕೋ
ಎಡ್ತವನ್ನತದಲ್ಲ. ಅದ್ ಸಂಪಾದನೆ ಮಾಡುವನ್ನತದ್!

341. ಗುಟ್ನ ಕಾಪಾಡಿಯವದ್, ತಾಂಗಾನ
ನೊಂಬಲತನ ಮರ್ಪದ್ ಪಿಳ್ಳಾ ಪುರ್ಸತ್ತನ ಸೆರಿಕ್
ಉಪಯೋಗ್ಚಿಡುವದ್ ದುಂಬ ಕಷ್ಟ ಸಂಗತಿ!

342. ನಂಗ ನಂಗಡ ಜೀವನತ್ಲಾ ಸಂತೋಷ
ಪಡಂಡೊಂದಾಚೇಂಗಿ ಇಳ್ಳೊ ಬ್ಬಂಡ ಜೀವನತ್ಲಾ ಕೂಡ
ಹೋಲಿಕೆ ಮಾಡುವದ್ ಬೋಂಡ!

343. ನೀಕ್ ಭಾಷೆ ತಪ್ಪಕ್ ದಾರ್ ನಿಧಾನ ಮಾಡುವೋ,
ಬೇರ್ಚಿಟ್ಟಿತ್ ಕಡೇಕ್ ಒತ್ತವೋ ಅವನ ನಲ್ಲವಂದ್
ಗೆನ ಮಾಡಿಯ!

344. ದಾರ್ನ ಬೋಂಡಿಕೆಯೂ ನಂಬಲು. ಆಚೇಂಗಿ
ನಂಗ ಮಾಡ್ನದೆಲ್ಲಾ ಸೆರಿ ಎಣ್ಣುವಯಿಂಗಳ ಚೆನ್ನ
ಎಚ್ಚರತ್ ನೋಟಿಯವಂಡು!

345. ಮಕ್ಕಳ ಪ್ರೀತಿ ವಿಶ್ವಾಸತ್ಲಾ ಗೆಲ್ಲುವೇ ಅಲ್ಲತೆ,
ಪೋಡಿ ಬೆಚ್ಚಿತ್ತಲ್ಲ.

346. ಮಂಡೆ ಬೊಳೊತ ಮಾತ್ರಕ್ ಪೆರಿಯಂವ
ಎಣ್ಣುವದ್ ತಪ್ಪು. ದಾಡ ಮನಸ್ಸಲ್ ಸತ್ಯ, ನಿಷ್ಠೆ, ಧರ್ಮ,
ಕರುಣೆ ಇನ್ನತ ನಲ್ಲರಿಕೆ ಉಂಡೋ ಅವನೆ ಅರಿಯಂವ,
ಅರಿಯಂವನೆ ಪೆರಿಯಂವ!

347. ಶಿಸ್ತಾರ ಜೀವನ ನಡಾತ್‌ನಂವ ಜೀವನತ್ ಬಪ್ಪ
ಕಷ್ಟ ನಷ್ಟಕ್ ಬೊತ್ತುಲೆ!

348. ನಲ್ಲ ಕೆಲಸ ಮಾಡ್‌ನಂವನ ಚಿರಂಜೀವಿ ಎಣ್ಣಲು.
ಎನ್ನಂಗೇಣ್ಣಕ ಅವ ಚತ್ತಕಲೂ ಅವ ಮಾಡ್‌ನ ನಲ್ಲರಿಕೆ
ಕೇಳಿ ಇಪ್ಪ!

349. ಬದಾಕಾರ ಬಟ್ಟೆಲ್ ಬಯ್ಯಕ್ ನೋಟತೆ, ಮಿಳ್ಳಾಕ್
ನಡೆ. ನಡಾಪಕ ಬೊಳಿ ಉಳ್ಳಾಲೇ ನಡಾಂದ, ನಳ ಬಯ್ಯಲ್
ಬೂವಡ್!

350. ದುಡ್ಡ್ ದುಡ್ಡೇಂದ್ ಅಂಡ ಬಯ್ಯ ಇಳೊಂಜಕ,
ಅದಲ್ಲತೆ ಬೋರೆ ಏದೋಂದೂ ನೀಕ್ ಇಲ್ಲತಾಕು.
ಜೀವನತಾರ ಮೌಲ್ಯ ದುಡ್ಡೊಂದೇ ಅಲ್ಲ!

351. ದುಡಾಕ್ ಸ್ವಭಾವ ಸುಮಾರ್ ಕುರಿ ಕುಡಾಕ್‌ಲ್

ಕೆಣಿಯು. ಪ್ರತಿಫಲೋ ಬಡ್ಕಾಕು!

352. ನಡುಕ್ ಬಾಳೆದೊಂಡ್ ಕೆಟ್ಟಿಯೊಂಡ್ ಮೀಂದ್,
ಕರೆ ಕಾಂಗು. ಕಲ್ಲ ಕೆಟ್ಟಿಯೊಂಡ್ ಮೀಂದ್‌ನಂವ
ಕಾಂಗತಾಕು. ನಲ್ಲಯೊಂಡ ಸಾವಾಸ ಮಾಡ್!

353. ನಲ್ಲದಾಪಾನ ಕಾತಳೊಪ ಧೈರೈಶಾಲಿ ಎನ್ನತ
ಕೆಟ್ಟಾನೋ ಎದೊಪೊಡ್‌ವ!

354. ನಲ್ಲರಿಮೆ ಇಲ್ಲತ ಕೊಡೊಕಲ್- ಎಡೊಕಲ್
ದೇವಸ್ಥಾನ ಕೆಟ್ಟಿತ್ ದೇವಡ ತಡೊಂಬು ಬೆಕ್ಕತನೆಕೆ ವ್ಯರ್ಥ!

355. ಪಡೊಚ ಅವ್ವನೊಬ್ಬ ನೂರ್ ಉಪಾದ್ರಿಯಕ್ ಸಮ!

356. ಕೊಣ್ಣ ಪಡೊಚ ವಿದೈ ತಾಂಡ ಬೊಳೊಚೆಕಾಚೆಂಗಿ,
ಮೂಡಿ ಪಡೊಚದ್ ದೇಶತೊರ ಬೊಳೊಚೆಕ್!

357. ಕೆಟ್ಟ ಸಂಗತಿ ನಂಗ ಕುಶೀಲಿಪ್ಪಕ ಕೂಡ ನಂಗಳ
ಕೊರೊಂಡುವ. ನಲ್ಲರಿಕೆ ನಂಗ ಕಷ್ಟತಿಪ್ಪಕೂ ಸಮಾಧಾನ
ಎಣ್ಣು!

358. ಅರಿವಿಕೆ ಉಳ್ಳವು ಅನಾವಶ್ಯ ಕೋರ್ಟೊಕ್ ಪೋಗ.
ಕೇಡೊಗ ಕೋರ್ಟೊನ ಬುಟ್ಟಿತ್ ಬರ!

359. ಎಳಿಯಯಿಂಗ ಮಾಡಿಯಂಡುಳ್ಳಾನ ಎಣ್ಣುವ,
ಪೆರಿಯಯಿಂಗ ಮಾಡ್‌ನಾನ ಎಣ್ಣುವ, ಮುಟ್ಟಾಳಂಗ
ಮಾಡುವಕುಳ್ಳಾನ ಎಣ್ಣುವ!

360. ನಲ್ಲ ಪುಸ್ತಕ ಓದುವೊ, ನಲ್ಲ ಜನಡ ಸಾವಾಸ,
ಪರಜನಕ್ ಉಪಕಾರ ನಂಗಡ ಬದ್‌ಕಾರ ಬಟ್ಟೆಕ್ ಬೊಳಿ
ಕಾಟುವ!

361. ಶಾಂತಿ ಸಮಯತ್‌ಲ್ ನೇಡ್‌ನ ಪಣ ಕ್ರಾಂತಿ
ಸಮಯತ್ ನಾಶ ಆಪ!

362. ಕುಯಿಚ ಕೂವ, ಕುಯಿಪಕುಳ್ಳ ಕಣತೆರೆಕಿಂಜ
ನಲ್ಲದ್!

363. ತೇನ್ ನಾವುಕ್ ಮೊದ್‌ರ, ಪೊನ್ನ ಮನಸ್ಸಕ್
ಮೊದ್‌ರ. ತೇನ್ ತಿಂಬಾಂಗ್ ಮಿತಿ ಉಂಡ್, ಆಚೇಂಗಿ
ಪೊನ್ನ ಕೂಟುವಾಂಗ್ ಮಿತಿ ಇಲ್ಲೆ!

364. ಪಂಚೇಂದ್ರಿಯಕ್ ಅನುಭವ ಆನಕ ಮಾತ್ರ,
ಜ್ಞಾನೇಂದ್ರಿಯ ಅದ್‌ನ ಮನಸ್ಸಕ್ ಕೊಡ್‌ಕು, ಇಲ್ಲತಾನಕ
ಮನಸ್ಸ ಬೊರೀ ಸೊನ್ನೆ!

365. ಮುತುವರ್ಜಿ ಇಟ್ಟಿತ್ ಎಕ್ಕಡ ಪೊಲ್ಲುವ ಮೋಚಿರ
ಕೆಲಸ, ಅರ್ಥ ಆಕತ ಮಂತ್ರತನ ಗಿಳಿಪಾಟ ಮಾಡುವ
ಪಟ್ಟಂಗಂಜ ಬಲ್ಲದಾ!

366. ಉಲಗತಾರ ಜನ ಫಲಿತಾಂಶತನ ಕೇಪೆ ಅಲ್ಲತೆ,
ಪಟ್ಟ ಪಾಡ್ನ ಕೇಪುಲೆ. ಪೆತ್ತ ಕುಳ್ಳಿನ ಚಾಯುಂಡಾಂದಾ
ಕೇಕು, ಪೆರುವ ಅಪ್ಪಂಡ ಕಷ್ಟತನ ಅರಿಯುಲೆ!

367. ಆಳ್ ಇಪ್ಪಕ ಕೆಯಿಚಿಟ್ಟ, ಇಲ್ಲತಿಪ್ಪಕ ಕೆಜ್ಜಿತೇತ.
ಕೆಜ್ಜಾಂಡ ಗೌರವ ನೀಕ್ ಗೊತ್ತಿರಂಡು!

368. ಉಲಗತ್ ಉಳ್ಳದೆಲ್ಲ ನಾಶ ಆಕು. ನಲ್ಲ ಗೇನ,
ನಲ್ಲ ಯೋಜನೆ, ಮಾಡ್ನ ನಲ್ಲ ಕೆಲಸ ಶಾಶ್ವೀತ ಆಯಿತಿಪ್ಪ!

369. ಬದ್ಕಾರ ಪೊರೆ ಪೊರ್ಪನ್ನತ ತಾಕತ್ತಾರ ನಿಪ್ಪು
ನೀಕುಂಡ್! ಜಾಸ್ತಿ ಪೊರ್ತಕ ನೀನ್ ತೆರಿಪಿಯಾ, ನಿಪ್ಪುಕ್
ಸೆರಿಯಾನ ಪೊರೆ ಪೊರ್!

370. ಕೂಟ್ನ ಐಶ್ವರ್ಯ ಕಟ್ಟೋಳೆ ಕಂಡಿಕೆತ್ತಣೆ, ಬೆಂದು
ಚಜ್ಜಾದಿಯ ತೂಟ್ನಗಳಕೆತ್ತಣೆ, ನೀನ್ ಮಾಡ್ನ ನಲ್ಲದಾ
ಕೆಟ್ಟದಾ ನೀಡ ಕೂಡೇ ಬಕ್ಕು!

371. ಶಾಂತಿ ಸಮಾಧಾನತ್ ಬದ್ ಕೊಂಡುವೇಂಗಿ,
ಪ್ರತಿಯೊಂದಾಲ ತಪ್ಪು ಕಂಡ್ ಪುಡಿಪಾನ ನಿಪ್ಪಚಿಡಂಡು.

372. ಜುಬ್ಬಕ್ ಕೊಂಡಿ ಕೂಟುವಕ ಸುರೂವೆತ ಕೊಂಡಿ
ತಪ್ಪಿ ಪೋಚೇಂಗಿ, ಎಲ್ಲ ಕೊಂಡಿ ತಪ್ಪುವ. ಸುರು
ಮಾಡುವದ್ ಸೆರಿ ಮಾಡಿಯವಂಡು!

373. ಬಯತಾನ ತಡಿ ಚುಕ್ಕ ಕೆಟ್ನಕ, ಪುರ್ಡ್
ಇಲ್ಲತಿಪ್ಪದ್ ಮನಸ್ಸಿನ ಚುಕ್ಕ ಕೆಟ್ನಚಿಡು.

374. ಆಳಡ ಕೂಡೆ, ನಾಯಿಯಡ ಕೂಡೆ ಏರ ಸಸಾರ
ಬೋಂಡ. ಅಧಿಯಾನಕ ಒಂದ್ ದುಡ್ಡ್ ನಕ್ಕು,
ಇನ್ನೊಂದ್ ದುಂಡ್ ನಕ್ಕು!

375. ದೇವ ಕೇಟಾನ ತಂದಿತ್, ತಪ್ಪಿನ ಮಾಘ್
ಮಾಡಿರುವ. ಮನ್ಷ್ ತಿಂದ್, ತಂದಂವನ
ಮರಂದ್ರುವ!

376. ಲೋಕ ಕೆಟ್ಟಾನ ಕೇಪಕ್ ಇಷ್ಟಪಡುವಚ್ಚಕ್ ನಲ್ಲಾನ
ಕೇಪಕ್ ಇಷ್ಟಪಡುಲೆ!

377. ಕೆಟ್ಟಾನ ಚೆರ್ಪತೆ ಇುಂಡಿತ್ ಕನಿಕಂಡು. ಇಲ್ಲೇಂಗಿ

ಬೊಳ್‌ಂದಿತ್ ಎಲ್ಲಾನ ಪಾಳಾಕು!

378. ಕೊರ್‌ಕತ ನಾಯಿ, ಪರಿಯತ ನೀರ್, ಉರಿಮುಚ್ಚನ
ಬೂದಿರ ವಿಷಯತ್ ಎಚ್ಚರ ಇಕ್ಕಂಡು!

379. ಮನಸ್ಸರ ಪರಿಶುದ್ಧತೆ ಅವಂಡ ತಕ್ಕಾಲ್ ಕಾಂಗು,
ತಕ್ಕೇ ಮನಸ್ಸರ ಬಟ್ಟೆ!

380. ಎನ್ನತ ಬಲ್ಯ ಸದ್ ಮಾಡುವ ಚೆಂಡಲೂ ಕಾತ್
ದುಂಬಿತಿಪ್ಪ. ಎಚ್ಚಕ್ ಬಲ್ಯ ಪಣಕಾರನೂ ಉಂಬದ್
ಕೂಳ್!

381. ಜನಳ ನೋಟಿತ್ ತೆಳಿಪದ್ ತಪ್ಪು. ಜನಡ ಕೂಡೆ
ತೆಳಿಪದ್ ಮೊವ್‌ಪು!

382. ಮರ್ಮತಾರ ಮೌಲ್ಯ ಕರ್ಮಫಲತಲ್ ಕಾಂಗು!

383. ಪಾಳಾಸೆ ಉಳ್ಳವು ಎಲ್ಲಾಕಂಜಿ ಮುಪ್ಪಡೆ ನರಕ
ಕಾಂಬ!

384. ಬದ್‌ಕಲ್ ಕಮ್ಮಿ ಸಾಧನೆಕ್ ಕಾರಣ, ನಂಗ
ಸುಲಭತಾರ ವಿಷಯತನ ಮಾತ್ರ ಲೆಕ್ಕ ಕೂಟುವಾಂಗ್!

385. ಕೆಜ್ಜಿತುಂಡಕ ಕೆಲ ತಂಪು, ಆಲಾರ ನಳ ತಂಪು,

ಅವ್ಯನುಳ್ಳ ಮನೆ ತಂಪು!

386. ಕಾಮ, ಕ್ರೋಧ, ಲೋಭ, ಮೋಹ, ಮದ, ಮತ್ಸರ, ಅಹಂಕಾರ, ಮಮಕಾರ, ಸಂಶಯ ಪಿಳ್ಳಾ ಸೋಮಾರಿತನ ಎಣ್ಣುವ ಪತ್ತಾಳ್ ನಂಗಡ ಜೀವನತ್‌ನ ಪಾಳಾಕುವ.!

387. ಅಳ್‌ತ್ ಉಂಬವಂಡ ದರಿದ್ರ ಅಳ್‌ಂದಚ್ಚಕೂ ತ್‌ರ!

388. ಏದೋರ್ ಕೆಲಸವೂ ಪಾಳಲ್ಲ. ನಂಗಡ ದೃಷ್ಟಿಕ್ ಚೆನ್ನಂಗ್ ಕೆಲಸ ಕಮ್ಮಿ ತರತ್ ತೋಂದು ಅಚ್ಚಕೆ!

389. ವಿಪರೀತ ಪೆದಪೋನವಂಗ್ ವರ್‌ಕ್ ಇರ, ಊಣ್ ಇರ!

390. ಬಾಲ್ಯತ್ ಸುಖ ಪಡ್‌ಂದವು, ಬಯತ್ ಕಾಲತ್ ಮೂಲೆಕಾಕು!

391. ಆತ್ಮತ್‌ನ ಮೀರಿತ್ ನಡ್‌ಪ ಮನಸ್ ಸುಮಾರ್ ಕುರಿ ಅಪಾಯಕ್ ಕೆಣಿವ!

392. ನಲ್ಲವನ ಕಂಡತೇಂಗಿ ಅವಂಡ ನಲ್ಲರಿಕೆನ ನೀನೂ ಮಾಡ್, ಕೆಟ್ಟವನ ಕಂಡತೇಂಗಿ ತಾಂಡಲ್ಲಿ

ಎಂತೇಂಗಿ ಅವಂಡನ್ನತ ಕೆಟ್ಟ ಸ್ವಭಾವ ಉಂಡಾಂದ್
ನೋಟಿತ್ ಆದ್‌ನ ತಿದ್ದಿಯ!

393. ವಿನಯಶೀಲತೆಕ್ ದುಡ್ಡ್ ಕೊಡ್‌ಕಂಡ, ಅದೇ
ಎಲ್ಲಾನೋ ಎಡ್‌ಪ!

394. ನಿನ್ನ ನೀನ್ ಆದ್ಯ ಬದ್‌ಲಾಕ್ ಪಿಳ್ಳಾ ಉಲಗತ್‌ನ
ಬದ್‌ಲಾಕುವಕ್ ಪೊರ್‌ಡ್, ಅದ್ ತನ್ನಷ್ಟಿಕೇ ಬದ್‌ಲಾಪ!

395. 'ಮಾತೃದೇವೋಭವ' ಎಣ್ಣಕ, ಅವ್ವ ಒಯಿಂಬದ್
ತಿಂಗ ಪೊಟ್ಟೆಲೂ ಪಿಳ್ಳಾ ಅವ ಚಾವಣೆಕೂ ಹೃದಯತ್
ಪೊರ್‌ತಂಡಿಪ್ಪ!

396. ಬದ್‌ಕರ್ ಕಾರ್ಬಾರ್‌ಲ್ ಮಸಿ ಬಳ್‌ಂದಂಡಯಿನ
ನೋಟಿತ್ ನಂಗ ಪಡಿಪಕುಳ್ಳದ್ ಎಚ್ಚಕೋ ಇಪ್ಪ!

397. ಜೀವನ ಓರ್ ಕುದರೆ ಸವಾರಿ. ಎಕ್ಕಾಕಣೆ 'ಮನಸ್ಸೆ'
ಎಣ್ಣವ ಕುದರೆರ ಲಗಾಮ್ ನಂಗಡ ಕೈಲಿಪ್ಪೋ, ಅಕ್ಕಾಕಣೆ
ಬದ್‌ಕ್ ಚಾಯಾಪ. ತಪ್ಪನಕ ವಾಳಾಪ, ಬೂವ!

398. ಪರೋಪಕಾರ ಮಾಡುವಾತ್‌ಲ್ ಕೊಟ್ಟುವ ಕುಶಿ
ಬೋರೆ ಏದ್‌ಲೂ ಕೊಟ್ಟ!

399. ಬದ್‌ಕಲ್ ಸಿನೇತಿಕೆ ಮಾಡುವಕ ನಿಧಾನ ಮಾಡ್.
ಅನ್ನನೆ ಬುಡುವಕ ಇನ್ನೂ ನಿಧಾನ ಮಾಡ್!
400. ಮನ್‌ಷ್ಯ ಬದ್‌ಕಲ್ ಎತ್ತರಕ್ ಏರಂಡುವೇಂಗಿ,
ಅಂವಂಗ್ ಬಯ್ಯುವವು ಬೋಂಡು. ಗಾಳಿಪಟ ಎತ್ತರತ್
ಪಾರುವಾಂಗ್ ವಿರುದ್ಧ ದಿಕ್ಕರ ಗಾಳಿಯೇ ಕಾರಣ!
401. ತಡಿಲೂ, ಮನಸ್ಸಲೂ ಪರಿಶುದ್ಧ ಆಯಿತಿಪ್ಪವು ಬಲ್ಯ
ಶಕ್ತಿವಂತಂಗಳಾಯಿತಿಪ್ಪ!
402. ಬದ್‌ಕಲ್ ಮುಟ್ವಾಕುತ್ರಿ ಕೆಜ್ಜಂವಂಗ್ ನಿಪ್ಪದ್
ಕಷ್ಟಕಾಣ!
403. ದೇವ ನಂಗಳ ಕಣ್ಣೆರಲ್ ಮುಕ್ಕಿತ್ ಶುದ್ಧ
ಮಾಡುವ!
404. ಒಂಟಿತನ ಮನ್‌ಷ್ಯನ ಬೆರಿಯ ಕೊಲ್ಲುವ. ಅದ್
ಅಧಿಯಾನ ಪೊಗೆಬಲಿ, ಕಳ್ಳಕುಡಿರಚ್ಚಕೇ ಕೆಟ್ಟದ್ ಮಾಡುವ.
ಮಾನಸಿಕ ಹಿಂಸೆಯೂ ಆಪ!
405. ಇನ್ನೊಬ್ಬಂಗ್ ಬುದ್ಧಿ ಎಣ್ಣುವಾಂಗ್ ಮಿನ್ನ
ನೀನ್ ಮಾಡಿತ್ ಕಾಟ್. ನೀಡ ಬದ್‌ಕ್ ಸಾರ್ಥಕ, ಅಂವನೂ

ನಿನ್ನ ನೋಟಿತ್ ಪಡಿಕು!

406. ಪ್ರೀತಿ, ವಿಶ್ವಾಸ ಹೃದಯ ದುಂಬಿ ಪರ್ಂಜಕ ಅದೇ
ಚಾಯಿರ ಪೂತೋಟ!

407. ಅರಮನೆ ಕತ್ತಿಕ್ ಇಬ್ಬರಿ ಬಾಯಿ. ಅದ್
ಪೋತುವೇಂಗೈಯ್ಯು, ತಾತುವೇಂಗೈಯ್ಯು. ರಾಜಕೀಯ
ರಂಗಕ್ ಇಳಿಯುವಕ ಎಚ್ಚರ ಬೋಂಡು!

408. ಜೀವನ ಓರ್ ಲೆಕ್ಕತ್‌ರನ್ನಕೆ. ಅದಲ್ ಸುಖಿತನ
ಗುಣ್‌ಸ್, ಜಾಸ್ತಿಯಾಪ, ದುಃಖಿತನ ಭಾಗ್‌ಚಿಡ್,
ಕಮ್ಮಿಯಾಪ, ಸಿನೇತಿಕೆನ ಕೂಟ್, ಶತ್ರುನ ಕಳೆವಂಡು!

409. ತಪ್ಪನ ಎಣ್ಣುವಾಂಗ್ಂಜಿ ಸೆರಿನ ಮಾಡಿತ
ಕಾಟುವದ್ ನಲ್ಲದ್. ಇರ್‌ಟ್‌ನ ದೂರುವಾಂಗ್ಂಜಿ ಓರ್
ತಿರಿ ಕತ್‌ಚಿಡುವದ್ ನಲ್ಲದ್!

410. ಕೆಲಸ ಮಾಡ್‌ನದ್ ತಪ್ಪಾಯಿತ್ ನೀನ್ ಚೋಪದ್
ಸಾಮಾನ್ಯ. ಕೆಲಸ ಮಾಡತೇ ಇಪ್ಪದ್ ನೀನ್ ಜೀವನತ್
ಮುಳ್ಳಾರನ್ನಕೆ!

411. 'ಜ್ಞಾನ' ಎಣ್ಣುವದ್ ತೋಟತ್‌ರನ್ನಕೆ. ಚಾಯಿಲ್

- ವ್ಯವಸಾಯ ಮಾಡ್‌ನಕ ಮಾತ್ರ ನಲ್ಲ ಫಸಲ್, ನಲ್ಲ ಫಲ!
412. ಕಾಲ್ ಜಾರಿತ್ ಎಚ್ಚುಕುರಿ ಬೋಂಡಿಕೆಯೂ
ಬೂವಲು, ಏವಲು. ಆಚೇಂಗಿ ನಾವು ಮಾತ್ರ ಜಾರುವಕಾಗ!
413. ಅರೆಪಡಿಪುಕಾರ ಅರೆಜೆಳ್ಳ ನೆಲ್ಲ್ ರನೆಕೆ. ಬೀಜ್‌ನಕ
ಪಾರ. ಬಿತ್ತ್‌ನಕ ಮೊಳೆಯ!
414. ನೀಕ್ ಬಂದ ಕಷ್ಟತಾನ ನೀನೇ ಬೂಡಂಡು. ಅದಾನ
ಸಾರಿಯಂಡ್ ತಿರ್‌ಗ್‌ಚೇಂಗಿ ದಾರೂ ಎಡ್‌ತವದಿಲ್ಲೆ!
415. ಕಳ್ಳ ಎಲ್ಲಾನೋ ಕರಕು. ಪೊಣ್ಣಾರ ಪತ್ತಾಕ್‌ಂಜಿ
ತೊಟ್ಟಕ ಸೊತ್ತ, ಮನೆ, ಮಠ, ಕಡೇಕ್ ಇಟ್ಟೆಗೆನೋಡ್
ಕೂಡ ಕರಕು. ಉಚ್ಚೆ ಒಂದೇ ಆಂಡ ಉತ್ಪತ್ತಿ!
416. ಅರಿವಿಕೆ ಇಲ್ಲತ ಪುರಾಡ್ ಇರಾಟ್‌ಲ್ ಓಡ್‌ನನ್ನೆಕೆ!
417. ಕುರಾಡ್ ವಿಶ್ವಾಸತಾನ ನೀಕುವಕ್ ವಿದ್ಯೆಯೊಂದೇ
ಸೆರಿಯಾನ ಬಟ್ಟೆ!
418. ಗುಣಸಂಪನ್ನ ಎಕ್ಕಲೂ ಸ್ವತಂತ್ರ ವ್ಯಕ್ತಿ. ಗುಣಹೀನ
ರಾಜನಾಚೇಂಗಿಯೂ ಗುಲಾಮ!
419. ತಕ್ಕ ಪರೆಯುವಂತ ನೇರತ್ ಪರೆಯತೆ, ಪರವ

ಅವಶ್ಯಕತೆ ಇಲ್ಲತಿಪ್ಪಕ ತಕ್ಕ ಪರವದ್ ದುರ್ಬಲ ಮನಸ್ಸೆ!
420. ಸತ್ಯ ಸಂಗತಿ ಗೊತ್ತಾಂಡುವೇಂಗಿ ಪರವ ಪೊಟ್ವನ
ಚಾಯಿಲ್ ಕೇಕಂಡು!

421. ಕೆಟ್ಟ ಅಭ್ಯಾಸ ಸುರೂಲ್ ಕಾಂಬಕ್
ಬಂದಯಿಂಡನ್ನಕೆ ಆಪ. ಪಿಳ್ಳಾ ಬೆಂದಕಡನ್ನಕೆ ಆಪ.
ಕ್ರಮೇಣ ಮನೆಕಾರಂಡನೆಕೆ ನಂಗಡಲ್ಲಿ ಹಕ್ಕಾ
ಪಡ್ಂದಂಡಿಪ್ಪ. ಕಡೇಕ್ ಪಟ್ಟೆದಾರನೂ ಆಪ.!

422. ಮನೆಂಚಿ ಪೋಪಕ ದಾಡ ಕೂಡೆ ಎನ್ನನೆ, ಎಂತಾಂಗ್
ಪೋಚೇಂದ್ ಗೊತ್ತಾನಕ, ಎಕ್ಕ, ಎನ್ನನೆ ಬಕ್ಕೂ ಎಣ್ಣುವಾನ
ಗೇನ ಮಾಡಲು!

423. ಮನ್ಷಂಡ ತಡಿರ ಏದ್ ಭಾಗವು ಬಾಯಿ
ಮಾಡುವಚ್ಚಕ್ ತಪ್ಪ್ ಮಾಡುಲೆ!

424. ಮಕ್ಕಡ ಪಡಿಪು ಕತ್ತುವ ಬೊಳಕಾಂಡುವೇ ಎಲ್ಲತೆ
ದುಂಬ್ಚಿಡುವ ಪಾತ್ರ ಆಪಕಾಗ!

425. ತಪ್ಪ್ ಮಾಡುವದ್ ವಾಡಿಕೆ ಆಚೇಂಗಿಯೂ ಆ
ತಪ್ಪ್ಕ ನಾನ್ ಜವಾಬ್ದಾರಿ ಅಲ್ಲ ಎಣ್ಣೆಯಂಡ್ ತಿರುವವು

ಚೋಪದ್ ನೇರ್!

426. ಸ್ವಂತಿಕೆ ಇಲ್ಲತೆ ಎಕ್ಕೊಲು ಇನ್ನೊಬ್ಬಂಡ
ಅಭಿಪ್ರಾಯ ಪೋಲೆ ನಡಪವು ಆಳ್ ಅಲ್ಲತೆ ಯಜಮಾನ
ಆಗ!

427. ನೀನ್ ಕುಂಡಲಿಂಜಂಡ್ ಅವನ ಕರೆ
ಪತ್ತೆಚಿಡಂಡ. ಮಿನ್ನಾ ನೀನ್ ಕರೆಪತ್ತೆ. ಪಿನ್ನಾ ಅವನ
ಬಲೆಚ, ದಂಡಾಳೂ ಬಚಾವಾಲು!

428. ನೀಡ ಪಡಿಪುನ ದಾರೂ ನೋಟ. ನೀಡ ಪಡಿಪುರ
ಉಪಯುಕ್ತತೆನ ಮಾನ್ಯ ಮಾಡುವ!

429. ತಾಳ್ಮೆ ತಪ್ಪನಕ ಆಪಚ್ಚಕ್ ಕೇಡ್ ಬೋರೆ ಇಲ್ಲೆ.
ತಾಳತವು ಬಾಳಲ್ ಅಲೆಯು!

430. ಬುದ್ಧಿವಾದತನ ಎಲ್ಲಾರೂ ಕೇಟವ. ಆಚೇಂಗಿ,
ಬುದ್ಧಿವಂತಂಗ ಮಾತ್ರ ಅದೊಂಡ ಲಾಭ ಪಡೊಂದವ!

431. ತಾಂಡ ಕಷ್ಟ ನೀಸುವಕ್ ತಾಂಡ ಮಂಡೆ
ಉಪಯೋಗೊಚಿಡಂಡು. ಇನ್ನೊಬ್ಬಂಡಾಂಗ್ ತಾಂಡ
ಹೃದಯತನ ಉಪಯೋಗೊಚಿಡಂಡು!

432. ಗೇನಶಕ್ತಿ ನಲ್ಲದೆ. ಆಚೇಂಗಿ ಕೆಟ್ಟಾನ ಮರ್ಪಕುಳ್ಳ
ಶಕ್ತಿಯೂ ಬೋಂಡು!

433. ಗರೀಬತನ ಪೆರ್ತ್ ಪಾಳ್. ಚೆನ್ನಂಗ್ ಕುರಿ ನಂಗಕ್
ಉಳ್ಳ ಸಾಮರ್ಥ್ಯತನೋ ಕಮ್ಮಿ ಮಾಡಿರುವ. ದುಂಬ್
ಗೋಣಿಚೀಲ ನೇರೆ ನಿಕ್ಕು. ಆಚೇಂಗಿ, ಖಾಲಿ ಗೋಣಿಚೀಲ
ನಿಪ್ಪಾಲೆ!

434. ತಪ್ಪ್ ಮಾಡ್‌ನಂವನ ಕುತ್ತ ಪರೆಯತೆ. ಅವನ
ತಿದ್ದ್. ಅವಂಗ್ ಒತ್ತಾಸೆ ಕೊಡ್‌ಪಕ ಅವಂಡ ಮನಸ್ಸು
ಚಾಯಾಪ!

435. ಇರ್‌ಟ್ ಎಲ್ಲಾಂಡ ಮೀದ ಮುಚ್ಚಿತಿಕ್ಕು.
ಬೋಳ್‌ಚೆತರ ಮಿಳ್ಳಾಲ್ ತೆಳಿಯು. ಜ್ಞಾನತರ ಮಿಳ್ಳಾಲ್
ಅಜ್ಞಾನ ನಿಲ್ಲ!

436. ಅಂದಂದ್‌ತರ ಕೆಲಸ ಪೊರೆಯಲ್ಲ. ನಿನ್ನಾಂದ್
'ನಾಳೆ ಆಡ್' ಎಣ್ಣೆ ಬಾಕಿಯಾನದ್ ಇಂದೆತ್‌ರಾಂಗ್
ಕೂಡಿತ್ ಪೊರೆ!

437. ಬುದ್ಧಿವಂತಂಗ ದುಂಬ ತಕ್ಕ ಪರೆಯ. ಖಾಲಿ

ಬಿಂದಿಗೆ ಸದ್ದೆ ಜಾಸ್ತಿ ಮಾಡುವ!

438. ಅಗ್ಗುವ ತಿತ್ತಾಕ್ ಉದ್ದೋಳ ನಾವ್. ಚಾವಳ
ಮರಕ್ ತುದಿಯೋಳ ಪೂವ್!

439. ಮಂಡೆಕ್ಂಜಿ ಹೃದಯ ನಲ್ಲದಾಯಿತಿರೊಂಡು.
ಆಯಿರ ಮಂಡೆಕ್ಂಜಿ ಓರ್ ನಲ್ಲ ಹೃದಯ ಮೇಲ್!

440. ಮನಸ್ಥೈರ್ಯ ಉಳ್ಳವು ಬದ್‌ಕ್‌ಲ್ ನೇರು,
ಇಲ್ಲತವು ತಾರು!

441. ಜನಡಲ್ಲಿ ಹಠ ಪುಡ್‌ಚಿ ಕೆಲಸ ಮಾಡುವವು, ಕಯ್ಯ
ಎಣ್ಣೆಯಂಡ್ ಪೇಯಿ ಪರೆವವು, ಕಯ್ಯಲೆ ಎಣ್ಣೆಯಂಡ್
ಕಾಲ ಕೈಪ ಮೂಂದ್ ವರ್ಗ ಉಂಡ್!

442. ಜ್ಞಾನಿಕ್ ಪೊನ್ನಕ್ಕಾ ಕೈಕೋರ್ ಪೊಮ್ಮೊಯಿರತನ್ನಕೆ
ಬೆಲೆ ಬಾಳುವದ್, ಸಾಮಾನ್ಯಂಗ್ ಒಯ್ಯಿಕೆಟ್ಟಾರನ್ನಕೆ
ನೊಂಬಲ!

443. ನೀಡ ಹಣೆಲ್ ನೀನೇ ಎಳ್ಳಿಯ. ಆ ತಾಕತ್ತ ನೀಕ್
ಉಂಡ್. ದೇವಳ ಎಳ್ಳುವಕ್ ಬುಟ್ಟಕ ನೀಕದ್ ಗೊತ್ತಾಕತೆ
ಕಷ್ಟಪಡಂಡಿಯಾಕು!

444. ಕಾಯಿಮಾಂಗೆ ಪುಳಿಕು, ಆಚೆಂಗಿ ಪಣ್ಣಾನಕ ನಲ್ಲ
ರಸ. ಅನ್ನನೆ ತಾಳ್ಮೆ ಎಡ್ತವದ್ ಕಷ್ಟ ಆನಕೋ, ಆಂಡ
ಫಲ ನಲ್ಲದ್ ಆಯಿತಿಪ್ಪ!

445. ನಲ್ಲಂವ, ಕೆಟ್ಟಂವಂದ್ ಗೊತ್ತಾಂಡುವೇಂಗಿ ತಕ್ಕ
ಪರೆಯೊಂಡು. ಕಾಕೆ, ಕೋಗಿಲೆನ ಗೊತ್ತಾಂಡುವೇಂಗಿ ಅದ್
ಕೂತ್‌ಡಂಡು!

446. ಬುದ್ದಿವಾದತಾನ ಕೇಟಿತ್ ಉಪಯೋಗ
ಪಡ್‌ಂದವದ್ ನೆಲ್ಲಿಗೆ ತಿಂದಿತ್ ನೀರ್ ಕುಡ್‌ಚನ್ನಕೆ.
ಸುರೂಲ್ ಕಯಿಪು ಪಿಳ್ಳಾ ಮೊದ್‌ಪು!

447. ನಲ್ಲಾಂಗ್ ಆದಿ ಉಂಡ್. ಅಂತ್ಯ ಇಲ್ಲೆ. ಕೆಟ್ಟಾಂಗ್
ಆದಿ ಇಲ್ಲೆ, ಅಂತ್ಯ ಉಂಡ್!

448. ತೊಂದರೆ, ನಂಗ ತಯಾರಾಪಕ್ ಮಿಳ್ಳಾಲ್
ಬಂದ್‌ಟಕ ತೊಂದರೆ!

449. ಎಲ್ಲಾರ್‌ಕೂ ಬುದ್ದಿವಾದ ಎಣ್ಣೆ. ಜಾಮೀನ್
ನಿಕ್ಕಂಡ. ಅದ್ ನೀಡ ಸಂಸಾರತಾರ ಹಡಗ್‌ನೇ ಸಮಯ
ಕಾಟ್ಟುವಕ ಮರಿಕು!

450. ಚಾಯಿಬೋಜ, ವಿನಯಗುಣ ಕೂಡೆ ಇಪ್ಪದ್ ಪೇರ್ತ್ ಅಪರೂಪ. ಇಂಜಿಟಕ ವಿಶ್ವಸುಂದರ!

451. ಮನಸ್ಸಾ, ಪಣಿ, ಜಯ, ತೃಪ್ತಿ, ಶಾಂತಿ ಈ ಅಂಜಿ ಪವನ್‌ರ ಮಾಲ್‌ರನ್ನಕೆ. ಪಣಿ ಮನಸ್ಸಾರ ಬಯ್ಯೇ ಪೋನಕ, ಜಯತ್‌ರ ಪಡಿ ತೊರ್‌ಪ, ಒಳ್‌ಕ್ ಪೋನಕ ಶಾಂತಿರ ಕೂಡೆ ಕಾತಂಡಿಪ್ಪ!

452. ನೀನ್ ಕಡಿಕೆನ ದುಡ್ಡ್‌ಕ್ ಎಡ್‌ಕಲು. ವರ್‌ಕ್‌ನ ಕಯ್ಯ. ಓದುವಕ್ ಗೊತ್ತಿಕ್ಕು, ಅರ್ಥ್ ಮಾಡಿಯವಂಡು ಅಲ್ಲಾ. ಐಶ್ವರ್ಯವಂತನಾಯಿತಿಕ್ಕು, ಸಂಸ್ಕೃತಿ ಬೋಂಡುವಲ್ಲಾ..!?

453. ವಿವೇಚನಾಶಕ್ತಿನ ಬೊಳತುವಂತ ಪಡಿಪು ಬೋಂಡು. ಇಲ್ಲತಾನಕ ಪಾಂಡಿತ್ಯಕ್ ಬೆಲೆ ಇರ!

454. ಚಂಗೀರ ಇರಡ್. ಅದ್ ಕಷ್ಟಕಾಲತ್ ಬೋಂಡಿಯಾಪ. ಧೈರ್ಯ ತಪ್ಪ, ಮನಸ್ಸಕ್ ನೆಮ್ಮದಿ ತಪ್ಪ. ಚತ್ತಕ ಸಂಸಾರ ದೂರುವದ್ ತಪ್ಪುವ. ಬಾಕಿ ಉಳ್ಳಯಿಂಡ ಕಣ್ಣ್ ಅಂಡ ಮೀದ ಬೂವತನೆಕೆ ನೋಟಿಯಂಡಕ ಆಚಿ!

455. ಏದೇ ತೀರ್ಮಾನ; ನಂದ ಚೋತಿತಿಪ್ಪಕ, ಕಾಯಿಲ
ಆಯಿತಿಪ್ಪಕ, ಕಳ್ಳ, ಕುಡ್‌ಚಿತಿಪ್ಪ ನೇರತ್ ಎಡ್‌ತವಕಾಗ
ಎಣ್ಣುವಾನ ಗೇನ ಬೆಚ್ಚ!

460. ತೆಳಿ ನಂಗಡ ಸುಮಾರ್ ಕಾಯಿಲಕ್ ಮದ್ದ್.
ಕಾಯಿಲಕಾರನ ತೆಳ್‌ಪ್‌ಚಿಟ್ಟಕ ಕಾಯಿಲ ಬೆರಿಯ
ವಾಸಿಯಾಪ!

461. ಏದೇ ವಿಚಾರತ್ ಚೋಪದ್, ಗೆಲ್ಲುವದ್ ಮುಖ್ಯ
ಅಲ್ಲ. ಧೈರ್ಯ ಕಳ್‌ಂದವತದ್ ಮುಖ್ಯ!

462. ದುಡ್ಡ್ ಬಪ್ಪಾಂಗ್ ಮಿಳ್ಳಾ ಖಿರ್ಚ್ ಮಾಡಂಡ.
ಮಳೆ ಬಪ್ಪಾಂಗ್ ಮುಪ್ಪಡೇ ಕುಂಬೆ ತೊರಂದನಕೆ ಆಕು.
ಉಳ್ಳ ನೀರೂ, ಮೀನೂ ಪೋಕು!

463. ಮಸಿಕಂಡತ್‌ನ ಪಾಲ್‌ಲ್ ಕತ್ತನನ್ನನೆ; ಪುಚ್ಚನ,
ಮುಠಾಳನ, ದುಷ್ಟನ... ನಲ್ಲದ್ ಮಾಡುವಕ್
ನೋಟುವದ್!

464. ಪ್ರತಿ ವಿಶಯತೂ ನಾನ್ ಅನ್ನನೆ ಆಪಿ, ಇನ್ನನೆ
ಆಪಿಂದ್ ಎಣ್ಣುವವು, ಎನ್ನನೆಯೂ ಆಪುಲೆ. ಡೋಂಗಿಕಾರ!

465. ನೋಟತೆ, ಮಾಡತೆ, ಕುಡಿಕತೆ, ಅರಿಯತೆ, ತಿರಿಯತೆ, ಬಯ್ಯತೆ, ಬೊತ್ತಿ ಬೊರ್ಂಡ್ ಓಡತೆ, ಓದಿ ನೋಟತೆ, ಒಪ್ಪಡತೆ ಅಪಾಯ!

466. ಬದ್‌ಕಲ್ ಎಂತದ್ ಆಂಡು ಎಣ್ಣೆಯಂಡ್ ಇಷ್ಟು ಉಂಡೋ, ಅದ್‌ಂಗುಳ್ಳ ವಿದ್ಯೆಪಡಿ. ಇನ್ನೊಬ್ಬಂಡ ಇಷ್ಟು ತ್ತೇಕತೆ. ನೀಡ ಜೀವನ ಮಿಳ್ಳಾ ಸಾಗ!

467. ಜಿಪುಣ ಎಚ್ಚಕ್ ಪಣಕಾರನಾಚೇಂಗಿಯೂ, ಅಂವ ಭಿಕ್ಷೆಕಾರನೆ. ಅಂವ 'ತಾ'ಂದಲ್ಲತೆ, 'ಇದಾ'ಂದ್ ಎಣ್ಣಲೆ!

468. ಆಣ್ ಸಂಸಾರತರ ಏಣಿ ಪತ್ತೊಂಡುವೇಂಗಿ, ಪೊಣ್ಣ್ ಭದ್ರತ್ ಏಣಿನ ಪುಡ್‌ಚವಂಡು. ಆಣ್‌ರಚ್ಚಕೇ ಪೊಣ್ಣ್‌ಕೂ ಮಾನಸಿಕ, ಶಾರೀರಿಕ ಆರೋಗ್ಯ ಬೋಂಡು!

469. ಒತ್ತೋರ್ಮೆ ಚೆನ್ನಂಗ್ ಜನಡ ಕೂಡೆ ಮಾತ್ರ ನಲ್ಲದ್, ಬಾಕಿ ಉಳ್ಳಯಿಂಡ ಕೂಡೆ ಯೋಗ್ಯ ರೀತಿಲ್ ನಡ್‌ಂದ ಅಚ್ಚಿಕೆ!

470. ಸಾಧು ಗುಣತರ ಪೊಣ್ಣ್ ಮನೆರ ನಂದಾದೀಪ. ಅನ್ನನೆ ಮಕ್ಕಳೂ ನಲ್ಲವು ಆಯಿರ್‌ತೇಂಗಿ ಅದ್‌ಂಡ

ಚಾಯಿಯೇ ಬೋರೆ!

471. ಕಳ್ಳ ಕುಡ್‌ಚಿತ್ ಪುಚ್ಚಿಪರಾಂದ್ ಸಭೆರ ನೆಮ್ಮದಿ
ಕೆಡುತುವ ಕುಡ್‌ಕಂಗ್ ಪುನಃ ಓರ್ ಪೆಗ್ಗ್ ಬೂಕಿತ್
ವರುವನೆಕೆ ಮಾಡುವದ್ ನಲ್ಲದ್!

472. ನೀಡ ಆತ್ಮಕ್ ಒಕ್ಕತ ಕೆಲಸತಾನ ನಲ್ಲದಾ, ಕೆಟ್ಟದಾ
ಎಣ್ಣುವಾನ ಆತ್ಮಕ್ ಬುಡ್!

473. ನಲ್ಲ ನಾವು, ಗಟ್ಟಿ ತಡಿ ಇಂಜಕ ಏದ್ ದೇಶತೂ
ಕೂಳ್ ನೇಡಲು!

474. ಶಿಸ್ತ್ ಇಲ್ಲತ, ಸೆರಿಯಾನ ತರಬೇತಿ ಇಲ್ಲತ,
ಮೇಲಾಯಿತ್ ಬಟ್ಟೆಬೊಳಿ ಇಲ್ಲತ ಹುಷಾರ್‌ತನ
ಅಪಾಯಕಾರಿ!

475. ಲಂಗರ್ ಬುಟ್ಟಿ ಹಡಗ್ ಬೆರಿಯ ಕಿಲುಂಬು
ಪುಡಿಹು, ಒಕ್ಕತ ನೀರ್ ಪಾಳಾಹು, ಊಟತ ಕತ್ತಿ ಮೊಡ್ಡಾಹು.
ಅನ್ನನೆ ಮೆದ್‌ಳಾನ ನಂಗ ಸೆರಿಕ್ ಉಪಯೋಗಚಿಡತ
ಪೋಚೇಂಗಿ ಸೋಮಾರಿತನ ಬದ್‌ಕಾನ ಕೆಡ್‌ತು!

476. ತಾನುಂಡೇಂಗಿ ಎಲ್ಲಾರೂ ಉಂಡ್ ಎಣ್ಣುವ

ತಂಗಾರ್ಯಕಾರಂಗ್ ಕಷ್ಟ ಬಪ್ಪಕ ದಾರೂ ಇಲ್ಲತಾಪದ್
ಪೊಟ್ಟಿಲ್ಲ!

477. ತಾಂಗೇ, ತಾಂಡಾತ್ ತೃಪ್ತಿ ಇಲ್ಲತವಂಗ್
ಬೋರಲ್ಲಿ ತೃಪ್ತಿ ಕಾಟ್ಟ!

478. ಓರ್ ಗಂಜಿ ಪಾಲಾನ ಕೆಡ್ತುವಕ್ ಓರ್ ತುಳಿ
ಪುಳಿ ಮದಿ. ಅನ್ನನೆ ಓರ್ ಚೆರಿಯ ಪೊಟ್ಟ್ ಬದ್ಕಾನೆ
ಕೆಡ್ತಿರುವ!

479. ನಂಗಡ ಮನಸ್ಸೊತ್ತ ಕೆಲಸ ಮಾಡುವಾತ್
ಉಳ್ಳಚ್ಚಕ್ ನೆಮ್ಮದಿ, ಶಾಂತಿ ಬೋರವು ಎಣ್ಣೆತ್
ಮಾಡುವಾತ್ ಕಾಟ್ಟುಲೆ!

480. ಓದ್ನದ್ ಜ್ಞಾನ ಪಡೆವಕ್ ಮಾತ್ರ ಅಲ್ಲ. ಅದ್
ಉಪಯೋಗಕ್ ಬರಂಡು. ಅಂದಕೇ ಓದ್ನಾಂಗೋರ್
ಬೆಲೆ!

481. ಏದ್ ಅಸಾಧ್ಯ ಎಣ್ಣುವದ್ ನಂಗಕ್ ಎಣ್ಣುವ
ಕಯ್ಯಲೆ. ನಿನ್ನಾಂದೆತರ ಸೊಪನ, ಇಂದೇತರ ಗೇನ,
ನಾಳೆತರ ಕಾರ್ಯರೂಪ ತೀರ್ಮಾನ!

482. ಆಪತ್ತ್ ವಿಪತ್ತ್ ಬಂದಲ್ಲಿ ನೀಡ ನಡಾವಳಿ ಎನ್ನನೆ
ಎಣ್ಣುವಾನ ನೋಟಿತ್ ಸುಲಭತ್ ನೀನ್ ಎಂತಂವ
ಎಣ್ಣುವಾನ ಅರಿಯೊಲು!

483. ತಪ್ಪ್ ಮಾಡ್‌ನಂವಂಗ್ ಮಾಘ್ ಮಾಡ್‌ವದ್
ನಂಗಡ ನಲ್ಲತನ. ತಪ್ಪ್‌ನ ಮರ್‌ಪದ್ ನಂಗಡ
ಕೊಂಡಾಂಡುವಂತ ಬಲ್ಯರಿಕೆ!

484. ಎಣ್ಣುವಂತಾನ ಎಣ್ಣಿತೇ ಎಣ್ಣುಂಡು. ಮನಸ್ಸಲ್
ಬೆಚ್ಚವದ್ ಟೈಂಬಾಂಬಾರನ್ನಕೆ ಅಪಾಯ!

485. ಕುದರೆನ ಓಟತ್‌ಲ್ ಅರಿಂಜವನ್ನಕೆ, ಪಯ್ಯುನ
ಪಾಲ್‌ಲ್, ಎತ್‌ನ ಪೋರ್‌ಲ್, ಜನಳ ತಕ್ಕ ಪರವಾತ್
ಅರಿಂಜವಲು!

486. ಏದೇ ಪಣಿ ಕೆಯ್ಯುವಕ ನೀನ್ ಉಳ್ಳಲ್ಲಿ ನೀಡ
ಮನಸ್ಸಿನ ಬೆಚ್ಚ. ನೀನೋರ್ ಕಡೆಲ್, ಮನಸ್ಸ ಓರ್
ಕಡೆಲ್ ಆಚೇಂಗಿ ಕೆಲಸ ಕೆಟ್ಟಪೋಪದ್ ನೇರ್!

487. ಸಂತೋಷ ಬಿತ್ತಿತ್ ಪಡೆವಂತದೇ ಅಲ್ಲತೆ ಕೊಜ್ಜಿತ್
ಪಡೆವದಲ್ಲ!

488. ನೆಯ್ಯ ದುಂಬ್‌ನ ಕೋಳಿ ಪಿಣ್ಣಾ ಜಿಪುಣ ಪಣಕಾರ
ಚತ್ತಕೇ ಲಾಭ!

489. ನೀನ್ ಇಣ್ಣೊಬ್ಬಂಡ ಬುದ್ದಿವಾದತನ್
ಕೇಕಂಡುವೇಂಗಿ, ನಂಗಡಲ್ಲಿ ಉಳ್ಳ ಸ್ವಂತ ಬುದ್ದಿನ
ಉಪಯೋಗ್‌ಚಿಟ್ಟವಕ್ ಪಡಿಕಂಡು!

490. ಸತ್ಯ ಪರೆವಕಾಪಕ ಅರೆಬರೆ ಸತ್ಯ ಪರೆವಕಾಗ. ಜನಕ್
ಕುಶಿ ಆಡ್ ಎಣ್ಣೆಯಂಡ್ ಪೊಟ್ಪ್ ಪರೆವದೂ ತಪ್ಪು.
ದಂಡೂ ಅಪಾಯಕ್ ಮೊಳಿ!

491. ಮನಃಶಾಂತಿ ಉಂಡೇಂಗಿ ಕಂಜಿಕೂಳೂ,
ಕೀತ್‌ಪಾರವೂ ತಡಿಕ್ ಪುಡಿಪ. ಇಲ್ಲತ ಪೋಚೇಂಗಿ ರಾಜಂಡ
ಗದ್ದಾಳ ಕೂಡ ಊಣಾಗ!

492. ಬದ್‌ಕ್‌ಲ್ ಅನುಭವ ಸಂಪಾದನೆ ಮೇಲಲ್ಲತೆ,
ಪಣ ಸಂಪಾದನೆ ಅಲ್ಲ. ಕೆಟ್ಟ ಸಂಪಾದನೆಯಂತೂ ಮನಸ್ಸರ
ದರಿದ್ರಕ್ ಕಾರಣ ಆಪ!

493. ನಾನ್ ಒಬ್ಬನೇ ಉಳ್ಳ, ಮಾಡ್‌ವದ್, ಪರೆವದ್
ದಾರ್‌ಕೂ ಗೊತ್ತಾಗ ಎಣ್ಣೆಯಂಡ್ ಮಾಡುವ ಕೆಲಸತ್‌ಲ್

ನಂಗಡ ಸೆರಿಯಾನ ಚಾಲ್ ಗೊತ್ತಾಪ. ತಾಂಡ ಮನಸ್ಸರ
ಭಾವನೆನ ಅರಿವ ಆ ಕಾಲ ತನ್ನ ತಾನರಿವ ಕಾಲ!

494. ಮುತ್ತ ಸಮುದ್ರತರ ಆಳತ ಇಪ್ಪನ್ನನೆ, ಕೇಳಿ
ಕೀರ್ತಿ ಎಣ್ಣುವದ್ ಮನ್ಷಂಡ ನಡಾವಳಿ, ತಕ್ಕಬಾಕಲಾ
ಮರೆಯಾಯಿತಿಪ್ಪ!

495. ಅಪ್ಪವ್ವನ ಪ್ರೀತಿಚಿಡತ ಮಕ್ಕ ದೇವಳ ಭಕ್ತಿಲಾ
ಕಾಂಬ ಎಣ್ಣುವದ್ ಪೊಟ್ಪ. ಅನ್ನತಯಿಂಡ ಪೂಜೆ, ಜಪ,
ತಪ ಕಣ್ಣ ಕೆಟ್ಪ ಅಚ್ಚಿಕೆ!

496. ಒಲೆಲ್ ಪುಳ್ಳಿ ಇರಣೆ ತಿತ್ತ ಕತ್ತುವ. ಅನ್ನನೆ ಬಂದ
ಚೆಡೆ ಇಳಂಜಿ ಪೋಪ. "ಮೌನಂ ಕಲಹ ನಾಸ್ತಿ"!

497. ದೇವಕ್ ಭಕ್ತಿ ಪಿಳ್ಳಾ ನಂಬಿಕೆನ ಕೊಡತಕ ಮುಕ್ತಿ
ಕೊಟ್ಟುವ!

498. ಜನಡ ಕೂಡೆ ನೀನೂ ತೆಳಿ ನಲ್ಲದ್. ಜನಳ
ನೋಟಿತ್ ತೆಳಿಕಂಡ. ನೀನ್ ನಿಷ್ಠುರನಾಪಿಯ!

499. ಒಕ್ಕಾಮೆ ಚಾಯುಂಡೇಂಗಿ ತಕ್ಕಾಮೆ. ಮಿಳ್ಳಾ
ಒಕ್ಕಾಮೆ ಮಾಡಿತ್ ಮೋಳಾಕೇರ್, ಪಿಳ್ಳಾ ಊರ್ತಕ್ಕ.

ನಾಡ್‌ತಕ್ಕ!

500. ದುಷ್ಟಗಳ ಚಾಯಿ ಮಾಡುವಕ್ ಇಳ್‌ಂಜಕ
ಸಮಯ ಪಾಳ್, ಶೀತಪತ್ನನ ತಿತ್‌ಪೊಟ್ಟಿರನ್ನನೆ ಕಡ್ಡಿನ
ಗೀಚ್‌ನದೊಂದೇ ಫಲ!

501. ಎಂತದೇ ಆಡ್ ನಲ್ಲಾಂಡ ಕೂಡೆ ಇರ್. ನಲ್ಲಜನ,
ನಲ್ಲಸಾಹಿತ್ಯ, ನಲ್ಲ ಕಳಿ, ನಲ್ಲ ಜಾಗ...ಇನ್ನತದಾ!

502. ಕಷ್ಟಕಾಲತ್ ಓರ್ ಪುಡಿ ತಂದಂವನ ಮರ್‌ಕತೆ,
ನೂಕತೆ!

503. ಪುಸ್ತಕ, ಪೊನ್ನಾ, ಪೊಣ್ಣ್ ಕೈಕಡ್‌ಂದ್ ಪೋನಕ
ಪೋನವ್‌ಕೆ. ಓರ್ ಸಮಯ ಪುನಾದಿಯ ಬಾತೇಂಗಿ ಪುಸ್ತಕ
ಕೀತಿತಿಕ್ಕು, ಪೊನ್ನಾ ಇಡಿಯಾಯಿತ್ ಕೊಟ್ಟು, ಪೊಣ್ಣ್
ಪಾಳಾಯಿತಿಕ್ಕು!

504. 'ಸೌಂದರ್ಯವೇ ಸಂಪತ್' ಎಣ್ಣುವ ಕಲೆಗಾರ.
'ಸಂಪತ್ತೆ ಚಾಯಿ' ಎಣ್ಣುವ ಅರ್ಥಶಾಸ್ತ್ರಿ. 'ಲೋಕೋ
ಭಿನ್ನರುಚಿ'!

505. ಓರೋರೇ ಕೆಲಸ ಮಾಡಿತ್ ತೇತಂಡಕ ಎಚ್ಚಕೋ

ಕೆಲಸ ಮಾಡಲು. ಎಲ್ಲಾಂಗೂ ಕೈ ಇಟ್ಟವವು ಒಂದಾನೋ
ತಲೆಪತ್ತಾಚಿಡ!

506. ಇನ್ನೊಬ್ಬಂಡ ಕಷ್ಟತನ ಅರ್ಜಿತ್ ಅದಾಂಗ್
ಸಹಾಯ ಮಾಡುವ ಕರುಣೆ ನೀಕ್ ಬರಡ್. ಅನ್ನನೆ ನೀಡ
ಕಷ್ಟತರ ಸಮಯತಲ್ ಅದಾನ ಎದಾಪಾಡುವ ಧೈರ್ಯ
ಬೆಚ್ಚ!

507. ಬಾಲ್ಯತ್ ಕೆಜ್ಜಾನ ಬೈತಲ್ ಉಣ್ಣೆ. ಬಾಲ್ಯತನ
ಕಳಂದಂಡ್ ಬೈತಲ್ ಪರೆಯಂಡ!

508. ನಲ್ಲ ಸಂಗತಿಕ್ ಒತ್ತಾಸೆ ಕೊಡಪದ್ ನಂಗಡ
ಕರ್ತವ್ಯ. ಅನ್ನನೇ ಕೆಟ್ಟ ಸಂಗತಿಕ್ ಸಹಕಾರ ಕೊಡಕ
ತಿಪ್ಪದೂ ನಂಗಡ ಕರ್ತವ್ಯ!

509. ಬದಾಕ್ಲ್ ಪ್ರೀತಿ ಉಂಡೇಂಗಿ ಚೆಡಿ ಕಾಣ. ಕೆಲಸ
ಉಂಡೇಂಗಿ ಪೈಪ್ ಕಾಣ. ತೆಳಿ ಉಂಡೇಂಗಿ ವಯಸ್ ಕಾಣ!

510. ಏದ್ ದೇಶತ್ ಶಿಸ್ತ್, ಗತ್ತ್, ಗಾರವ, ನೈಪು, ತಾಳೈ
ಉಂಡೋ ಆ ದೇಶ ಸಂಪೂರ್ಣ ಸ್ವತಂತ್ರ ದೇಶ!

511. ಏದೇ ವಿಷಯತಲಾಡ್, ನಲ್ಲದ್ ಎಣ್ಣೆಯ.

ಎಣ್ಣುವಾಂಗ್ಂಜಿ ನಲ್ಲದ್ ಮಾಡಿಯ ಎಣ್ಣುವನೆಕೆ
ಮಾಡುವದೇ ನಲ್ಲದ್!

512. ಬಲ್ಯಂವಂಗ್ ಬಡವಂಡ ಕೆಲಸತಾರ ಬೆಲೆ
ಗೊತ್ತಾಂಡುವೇಂಗಿ, ಬಡವ ಕೆಲಸಕ್ ಬರತಿಕ್ಕಂಡು!

513. ದೇವ ಮಾಡ್ನದ್ ಎಲ್ಲ ಚಾಯುಳ್ಳದೆ. ಆಚೇರಿಗಿ
ಅದ್ನ ಅರಿಂಜವಂತ ಕಣ್ಣ್ ನಂಗಕ್ ತರತಾನಗುಂಡ್
ಅದ್ ಚಾಯಿ, ಇದ್ ಚಾಯಿಲ್ಲೆ ಎಣ್ಣುವ!

514. ಅವಕಾಶ ಎಣ್ಣುವದ್ ಸೆರಿಕ್ ಕಷ್ಟಪಡುವಂವಂಡ
ಪೊರಪಾಡಲ್ ಒಳಿಮರೆ ಆಯಿತಿಪ್ಪಾನಗೊಂಡ್, ಅದ್ಂಡ
ಚೂಟಿ ಉಳ್ಳಂವಂಗ್ ಮಾತ್ರ ಅದ್ ಕಾಟ್ಟು!

515. ತಪ್ಪ್ ಮಾಡ್ನಂವಂಗ್ ಎಣ್ಣಿ
ಕೊಡ್ಪಾಂಗ್ಂಜಿ ಕಾಟಿ ಕೊಡ್ಪದ್ ನಲ್ಲದ್!

516. ನಂಗಡ ಮನಸ್ ಪಾಲಾರನೆಕೆ. ನೀರ್ಲ್ ಪಾಲಾ
ಬೆರಿಯ ಮಿಶ್ರ ಆಪ. ಅದ್ಂಗೇ ಪಾಲಾನ ಕಾಚುವ. ಪೆರೆ
ಕೆಟ್ವಕ, ಅದ್ಲ್ ಬೊಣ್ಣೆ, ನೆಯ್ಯಿ ಮಾಡಿತ್, ನೀರ್ಲ್
ಇಟ್ಟಕ ಮಿಶ್ರ ಆಪುಲೆ, ತೇಲುವ. ಅನ್ನನೆ ಮನಸ್ಸು

ಪ್ರಪಂಚತ್‌ರ ಕೆಟ್ಟಾಂಡ ಕೂಡ ಕೂಡತನೆಕೆ ಆಂಡುವೇಂಗಿ
ದೇವಡ ಧ್ಯಾನ ಅಗತ್ಯ!

517. ತಾಂಡ ನೆರೆಕರೆ ಚಾಯಿಲಿರಡ್ ಎಣ್ಣೆಯಂಡ್
ದೇವಳ ಬೋಡುವಂವಂಡ ಬೋಡಿಕೆನ ದೇವ ಬೆರಿಯ ಕೇಪ.
ಅನ್ನನೆ ಬೋಡವಂವಂಗೂ ನಲ್ಲದ್ ಮಾಡುವ!

518. ಆಸೆನ ಮೊಳ್‌ಪ್‌ಚಿಟ್ಟಿತ್, ಅಭಿಲಾಷೆನ
ಪೂರೈಚಿಡುವಕ್ ಸಹಕಾರಿ ಆನ ಪುಸ್ತಕವೇ ನಲ್ಲ ಪುಸ್ತಕ!

519. ಬಾಲ್ಯತ್ ಪಣ ಸಂಪಾದನೆರ ಪುಚ್ಚಿ ಇರಂಡು.
ಅಂದಕೇ ಪಣಕಾರನಾಪ. ಪಣತ್‌ನ ತಾರಾಮಾರ ಖರ್ಚಿ
ಮಾಡುವಂವ ದಿವಾಳಿಯಾಪ. ಖರ್ಚಿ ಮಾಡ್‌ನದ್ ಕಾಟ್ಟತ
ಪೋಚೇಂಗಿ ಬಡವನಾಪ. ಗೊತ್ತೇ ಇಲ್ಲತೆ ಪಣ ಬಾತೇಂಗಿ
ಬಂದಲಕೆರನ್ನನೆ ಅವಂಡ ಬದ್‌ಕ್. ಜೀವನ ಇಡೀ
ಕಷ್ಟಪಟ್ಟಿತ್ ಪಣ ಕೂಟಿ ಬೆಪ್ಪಂವಂಡಂತ ಮುಠಾಳಂಗ್
ಜೀವನತ್‌ಂಜಿ ಒಂದೂ ಕಾಟ್ಟುಲೆ!

520. ತೆಳಿಚವು ಬಾಳು, ಮೊರಟವು ಬಾಡು!

521. ಗುಟ್ಟಾನ ಕೇಕಂಡ, ಎಣ್ಣೆಂಡ. ದಂಡೂ ಗುಟ್ಟಾನ

ರಟ್ಟಾಕುವ!

522. ಪದತಾರ ತಂಪುತಕ್ಕ ಕಲ್ಲ ಹೃದಯತನೋ
ಕರಕು!

523. ಗುರಿ ಬಲ್ಯದಾಯಿತ್, ಪ್ರಯತ್ನ ಕಮ್ಮಿ ಆನಕ
ಗುರಿ ಮುಟ್ಟು!

524. ಬಡಾಯಿ ಬಂಡ್‌ಕಾಕು, ಗರ್ವ ಕುಂಡ್‌ಕಾಕು.
ಇದ್‌ನ ಬುಟ್ಟವು ನಂದಾಕು!

525. ತಾಂಗುಳ್ಳಚ್ಚಕ್ ಸಂತೋಷ ಪಿಳ್ಳಾ ಶಾಂತಿ
ದಾರ್‌ಕ್ ಉಂಡ್ ಎಣ್ಣಿಯಂಡ್ ಎಕ್ಕ ನಂಗಕ್ ಗೇನಾಪ,
ಅಕ್ಕ ನಂಗ ಭಾಗ್ಯವಂತಂಗ!

526. ಜೀವನತ್‌ಲ್ ತಪ್ಪಾ ಮಾಡತಂವ ದಡ್ಡ. ಅವ
ಒಂದೂ ಮಾಡಿತಿಪ್ಪಾಲೆ. ಪುಟ್ಟ್‌ನದ್ ವ್ಯರ್ಥ!

527. ಬಡವಳ ಕಾನೂನ್, ಕಾಯಿದೆ ಬೀಜಿತ್
ಪೊಡಿಮಾಡುವ. ಬಲ್ಯವು ಕಾನೂನ್‌ನೇ ಪೊಡಿ ಮಾಡಿರುವ!

528. ತಮಾಶಿರ ತಕ್ಕ ಪರೆವ ಮನೋಭಾವ
ಬೆಚ್ಚಂಡಂವಂಗ್ ಶತ್ರುವ ಕಮ್ಮಿ. ಕೇಡ್, ಕಿಚ್ಚಿ ಉಳ್ಳ

ಜನಳೂ ಸಾ ಅವನ ಇಷ್ಟಪಡುವ ಎಣ್ಣುವದ್ ಅನುಭವ
ಸಿದ್ದಾಂತ!

529. ಪುಚ್ಚಂಗಡ ಕೂಡೆ ಕೂಡಿತ್ ತೆಳಿಪಾಂಗ್ಂಜಿ,
ಯೋಗ್ಯಂಗಡ ಸಾವಾಸತ್‌ಲ್ ಮೊರಟಂಡಿಪ್ಪಾಂಗ್ ಅರ್ಥ
ಉಂಡ್.!

530. ಆಪ್ತ ಸಿನೇತಂಗ್ ಕೊಡ್‌ತ ಪಣತ್‌ನ
ಕೇಪನ್ನಕೆಯೂ ಇಲ್ಲೆ, ಅವ ತಪ್ಪನ್ನಕೆಯೂ ಇಲ್ಲೆ.
ಆಖೀರಕ್ ಪಣವು, ಸಿನೇತಿಕೆಯೂ ದಂಡೂ ಇಲ್ಲತಾಪ!

531. ಜೀವನ ಓರ್ ದೀರ್ಘ ಪ್ರಯಾಣ. ಪೋಯಂಡ್
ನೋಟುವಾನ, ನೋಟಿಯಂಡ್ ಮಾಡುವಾನ
ಮಾಡಿಯಂಡ್ ಪೋಂಡು. ಇದ್‌ನ ನಾಳೆ ಮಾಡುವಿ
ಎಣ್ಣುವದ್ ತಪ್ಪು. ನಾಳೆ ನೀಕ್ ಆ ನೇರ, ಆ ಜಾಗ ಕ್‌ಟ್ಟಿ.
ಪ್ರಯಾಣ ದುಂಬಾ ದೂರ!

532. ಮನಸ್ಸಾರ ಪಿಕೀರಿಕ್ ನಲ್ಲಯಿಂಡ ಸಂಗ,
ನಲ್ಲಕಾರ್ಯ ಸೆರಿಯಾನ ಮದ್ದ್. ಮನಸ್ಸು ತೆಳ್‌ಂಗು, ಬಾಳ್
ಎಲಂಗು!

ಬಲಿಪಕ್ ನೋಟ್. ಅದ್ ಆಯಿಲೇಂಗಿ ಬುಡ್!

537. ಏದ್ ವಿದ್ಯ ನಂಗಡ ಮಣ್ಣ್, ಮನಸ್ಸ, ವೃತ್ತಿ, ಆರೋಗ್ಯ, ಸಮಾಜ ಪಿಳ್ಳಾ ದೇಶತಾನ ನೆಮ್ಮದಿಲ್ ವೃದ್ಧಿ ಮಾಡುವೋ ಅದೇ ನೇವಾನ ವಿದ್ಯ.

538. ನಲ್ಲ ವಿದ್ಯೆತಾರ ಮೂಲ ಕೈಪು ಇಕ್ಕು. ಆಚೇಂಗಿ, ಅದ್ಂಡ ಫಲ ಮೊವ್ಪು. ನೆಲ್ಲಿಗೆ ತಿಂದಿತ್ ನೀರ್ ಕುಡ್ಚನೆಕೆ!

539. ತಿತ್ತಾರ ಗುಣ ವಸ್ತುನ ಚುಡ್ವದ್, ಮಂಜಿಕಂಡೆರ ಗುಣ ತಂಪ್ ಮಾಡುವದ್. ತಿತ್ತ ಚುಟ್ವಲೇಂಗಿ, ಮಂಜಿಕಂಡೆ ತಂಪ್ ಮಾಡ್ಲೇಂಗಿ, ಅದ್ ತಿತ್ತೂ ಆಗ, ಮಂಜಿಕಂಡೆಯೂ ಆಗ. ಅನ್ನನೇ ಮನ್ಷ್ಯಂಡಲ್ಲಿ ಸತ್ಯ, ನಲ್ಲಗುಣ ಕಾಂಗಂಡು!

540. ಪ್ರತಿಯೊಬ್ಬಂಡ ಬದ್ಕಲ್ ಚಾಯಾಪಕುಳ್ಳ ಸಂದರ್ಭ ಬಂದಿತೇ ಬಪ್ಪ. ಆ ಸಂದರ್ಭತಾನ ತಪ್ಪ್ಚಿಟ್ಟಂಡಕ ಪಾಳಾಮೆಯೇ ಪ್ರತಿಫಲ!

541. ದಿನ ಇಡೀ ಸೂರ್ಯಂಡ ಬೊಳಿ ಇಕ್ಕು. ಬೈಟ್

533. 'ಸಿನೇಹ' ಎಣ್ಣುವಾತ್ ಆತ್ಮ ಒಂದೇ, ತಡಿ ದಂಡ್. ಇದತ್ 'ಅಗ್ನೇನ' ಎಣ್ಣುವ ಪಿಶಾಚಿ ಕೂಡಿರ್ತೇಂಗಿ, ಓರಮ್ಮ ಗೆಲ್ಲುವ, ಓರಮ್ಮ ಚೋಪ. ಆನಗುಂಡ್ ಏರ ಸಿನೇಚಾರ ನಲ್ಲದಲ್ಲ!

534. ಮಕ್ಕಡ ಅಪ್ಪವ್ವಂಗ ಹಡಗ್ಗಾರ ಕ್ಯಾಪ್ಪನ್‌ರನೆಕೆ. ಕ್ಯಾಪ್ಪನ್ ಸೆರಿ ಉಂಡೇಂಗಿ, ಮಕ್ಕಳ ಆ ಹಡಗ್ಗ ತೊಂದರೆಯಿಲ್ಲತೆ ಕರೆಕ್ ಕೊಂಡ ಪೋಪ, ಮಕ್ಕ ನಂದಾಪ. ಕ್ಯಾಪ್ಪನಳೇ ಜಗಳ ಮಾಡಿಯಂಡಕ, ಹಡಗ್ಗ ದಿಕ್ಕ್ ಕಾಣತೆ ಕಲ್ಲ್ ಬಂಡೆಕ್ ಮುಟ್ಟಿತ್ ಚೂರಾಪ. ಇನ್ನನೆ ಮಕ್ಕಳೂ ಅಪ್ಪವ್ವೆಂಡ ಜಗಳತ್‌ಲ್ ಪಾಳಾಪ!

535. ಚಾಯಾಪನ್ನತಾನ ಚಾಯಿ ಮಾಡ್. ಚಾಯಿ ಮಾಡುವಕ್ ಕಯ್ಯತಾಂಡ ವಿಷಯ ಬುಡ್. ಸಮಯ ಪಾಳ್, ಕಾರ್ಯವೂ ಪಾಳಾಕು!

536. ಬೋಂಡೂಂದ್ ಕೆತ್ತೆಕ್ ಇಳ್‌ಂಜಂವನ, ನೀನೂ ಇಳ್‌ಂಜಿತ್ ಬಲಿಪಕ್ ಪೋಂಡ. ನೀಕೂ ಕೆತ್ತೆ ಆಕು. ಅವಂಗ್ ಬುದ್ದಿ ಎಣ್ಣುವ ತಂಡ್‌ನ ಕಾಟಿತ್ ಅಲ್ಲಿಂಜಿ

ಬೊಳ್‌ಚ ಕತ್ ಚಿಟ್ಟವಲು. ಆಚೇಂಗಿ, ಅವ್ವನಿಲ್ಲತ ಮನೆ ಇರ್‌ಟ್. "ಮಾತಾ ಜ್ಯೋತಿ ಸಮಾನಂ!"

543. ತಾಕತ್ ಅಧಿಕಾರ ನಡತುವಕಾಪಕ, ನ್ಯಾಯ ಅಡಿಯಾಳಾಪದ್ ಆಶ್ಚರ್ಯ. ಪಣ, ಅಧಿಕಾರ ನ್ಯಾಯಕ್ ಬೊತ್ತುಲೆ. ಜೈಲ್‌ಲ್ ಉಂಡೇಂಗಿಯೂ ಮನ್ನಣೆ!

544. ಜ್ಞಾನಿಯ ಬಲ್ಯ ಬಲ್ಯ ಅಭಿಪ್ರಾಯತ್‌ನ ವಿಮರ್ಶೆ ಮಾಡುವ. ಸಾಧಾರಣ ಜನ ನಡಂದ ಸಂಗತಿನ ಚರ್ಚೆ ಮಾಡುವ. ಅಲ್ಪಂಗ ಜನಳ ಪರ್ಂದಂಡಿಪ್ಪ!

545. ಬುದ್ಧಿ ಪಡಿಪವು ಇರ್ಪುನ ನೋಟಿತ್ ಪಡಿಕೊಂಡು. ಮಾಳಿರ ಪಕ್ಕ ನಿಂದಕ, ಅವು ಮಾಡುವ ಕೆಲಸ ನೋಟಿತ್ ತನ್ನ ತಾನ್ ತಿದ್ದಿಯವಂಡು, ಉದ್ದಾರಾಂಡು.

546. ಬದ್‌ಕ್‌ಲ್ ಮಿಳ್ಳಾಕ್ ಪೋಯಂಡೇ ಇರ್. ನಾನೆಚ್ಚಕ್ ಮಿಳ್ಳಾಕ್ ಬಂದಿಯೇಂದ್ ಅಳತೆ ಮಾಡಂಡ. ಬಯ್ಯಲಾಪಿಯ, ದಿನ ಪೋಯಿರುವ!

547. ಬದ್‌ಕ್‌ಲ್ ಕಷ್ಟ ಬಂದ ನೇರತ್‌ಲ್ ಪಂಡ್ ತಾನ್ ಪಟ್ಟಿ ಸುಖಿತ್‌ನ ಗೇನ ಮಾಡುವಕಾಗ. ಆದ್ ತಾಂಗ್

ಇಇಚ್ಚಕೂ ಮನಸ್ಸಾಕ್ ಹಿಂಸೆ ತಪ್ಪ. ಕಷ್ಟತಾನ
ಗೇನ್‌ಚಿಟ್ಟಕ ಚೆನ್ನ ನೆಮ್ಮದಿ ಕಾಟು!

548. ಸೆರಿಕ್ ಗೇನ ಮಾಡತೆ ತಕ್ಕ ಪರವದ್ ಗುರಿ
ನೋಟತೆ ಬೊಡಿ ಬೆಚ್ಚನಕೆ!

549. ಜೀವನತ್ ಎಲ್ಲಾರು ಕಾಂಬನಕೆ ಯೋಗ್ಯನಾಯಿತ್
ನಿಲ್ಲ. ಪರವ ತಕ್ಕ ಜನ ಮೆಚ್ಚುವನಕೆ ಇರಡ್. ನೀಡ
ಮಾನ ನಿನ್ನ ಜನ ಅರ್ಥ ಮಾಡಿಯವನಕೆ ಇರಡ್.

550. ನೀರಲ್ ತಡಿನ ಶುದ್ಧ ಮಾಡಲು. ಸತ್ಯ ಮನಸ್ಸಿನ
ತೆಳುಕು. ಬುದ್ಧಿರ ತೆಳುಮೆಕ್ ಜ್ಞಾನ, ಅನ್ನನೆ ಆತ್ಮ
ತೆಳುಂಗಂಡುವೇಂಗಿ ಧರ್ಮಗ್ರಂಥ ಓದಂಡು. ಅನ್ನನೇ
ನಡಪಕ್ ಪೇಚಾಡಂಡು!

551. ನಲ್ಲದ್ ಮಾಡುವವು ಇರಾಟ್‌ಕ್ ಪುಡಾಚ
ತೂಡಾರೆನಕೆ. ಬಟ್ಟೆ ಗೊತ್ತಾಕತಯಿಂಗಕ್ ಬಟ್ಟೆ ಕಾಟು.
ನೊಂದ ಬಾಳುಕ್ ಬದ್‌ಕುವ ಆಸೆ ಕಾಟು!

552. ನೀಡ ಮನಸ್ಸಾರ ಮೀದ ಪುಡಾತ ಬೆಚ್ಚ. ಕಾರಣ,
ನೀನ್ ಒರೇಪೋಲೆ ಪಣಕಿಯ್ಯು, ಶಿಸ್ತ ನೇಮತೇ ಇಕ್ಕು.

ಮಾಡ್‌ನಾನೇ ಎಣ್ಣು, ಎಣ್ಣುವಾನೇ ಮಾಡು. ಅನ್ನನೆ
ನಡ್‌ತು. ನಲ್ಲ ಮನಸ್ಸೆ ಇರಡ್!

553. ಶಿಸ್ತಿನ ಕಾಪಾಡುವಲ್ಲಿ ಚೆನ್ನಂಗ್ ಚೆಡಿಯೂ
ಇರಂಡು. ಅದ್ ಕಾಯುವ ತಿತ್ತರನೆಕೆ ಇರಂಡುವೇ ಅಲ್ಲತೆ
ಚುಟ್ವ ನಾಶ ಮಾಡುವನ್ನಕೆ ಇಪ್ಪಕಾಗ!

554. ಅರಿಷಡ್‌ವರ್ಗ ಎಣ್ಣುವ ಮನ್‌ಷ್ಯಂಡ ಆರ್ ತರ
ಶತ್ರುವಳ ಗೆಲ್ಲುವೊ ಎಣ್ಣುವಾಂಡ ಅರ್ಥ... ಅದ್ ಇಪ್ಪಕೇ
ಆಗ ಎಣ್ಣುವದಲ್ಲ. ತಾಂಡ ಮನಸ್ಸೆ ಪುಡ್‌ತತ್
ಇರೊಂಡೊಂದ್. ಕರಿಕ್ ಮಸಾಲೆ ಕೂಟ್‌ನನಕೆ!

555. ಕೆಟ್ಟಯಿಂಗಳ ನಲ್ಲಯಿಂಗಡ ಕೂಡೆ ತೂಕಿ
ನೋಟ್‌ನಕ ಮಾತ್ರ ನಲ್ಲಂವಂಡ ಬೆಲೆ ಅರಿವೊ. ಇದ್
ಪ್ರಕೃತಿರ.ನೇಮ. ಕೈಲಾಸಕುಂದ್ ಬಾಕಿ ಕುಂದ್‌ಕಂಚಿ ಎತ್ತರ
ಎಣ್ಣುವಾನ ಹೋಲಿಕೆ ಮಾಡಿತೇ ನಂಬುವ ಕಯ್ಯುವನೆಕೆ!

556. ಏದೇ ಕೆಲಸಕ್ ಭವಿಷ್ಯ ಎಣ್ಣುವನ್ನತದ್ ಇಲ್ಲೆ.
ಭವಿಷ್ಯ ಬಪ್ಪ ಕೆಲಸ ಮಾಡುವಾನ ಗೊಂಡ್. ಮಾಡುವವಂಡ
ಗಟ್ಟಿಗತನತಾರ ಫಲವೇ ಬವುಸ್!

557. ಮನಸ್ಸುಲುಳ್ಳ ಅಭಿಪ್ರಾಯಕ್ ಬೆಲೆ
ಬರೊಂಡುವೇಂಗಿ, ಅದ್ ಕಾರ್ಯರೂಪಕ್ ಬರೊಂಡು.
ಅದ್ಂಡ ಫಲತರ ಪ್ರಯೋಜನ ತ್ನ ಹೊಂದಿಯಂಡ್
ಬೆಲೆ!

558. ಕೆಟ್ಟಾಮೆರ ಬಯ್ಯ ನಡಪದ್ ಪೊಕ್ಕರ ಕೇದಕ್
ಒಕ್ಕನನ್ನಕೆ ಸುಲಭ. ಕೇದಕೇ. ನಲ್ಲದ್ ಮಾಡುವವು
ಪೊಕ್ಕರ ಕೊಡೀಕ್ ಮೀಂದಂಡಿಯಾಕು. ಕಷ್ಟ
ಆಚೇಂಗಿಯೂ ಬಾಳಲ್ ಕೊಡಿಕಾಂಗು!

559. ಬೋರೀ ಬಾವಕಾಯಿತ್ ಪಣಿ ಕೆಜ್ಜಕ ಸಾರ್ಥಕ
ಆಗ. ಬಾಳಲ್ ಚೆನ್ನಂಗಾಚೇಂಗಿಯೂ ಚಾಯಿ ಬೋಜತ್
ಇಪ್ಪಕ್ ಪೇಚಾಡಂಡು!

560. ಅವಂಡ ಸಿನೇತಂಗ ಎಲ್ಲ ಕೈ ಬುಟ್ಟಾರ್ತ್
ಎಣ್ಣಿಯಂಡ್ ನೀನ್ ಸಿನೇಚಾರ ಬೊಳತ್ನಕ, ನೀಡ
ಮೆಹರ್ ಬಾನಿ ನಡಕ, ಅವ ನಿನ್ನೋಕೊಡಕಿ, ಕೊಯಿಕು!

561. ಅವಶ್ಯ ಇಲ್ಲತ ತೊಂದರೆನ, ಸಾಲ ಪೊರತವ
ನೀಡ ಗುಣತನ ನೀನೇ ಬೆಚ್ಚ. ಇಇಷ್ಟೊಬ್ಬಂಗ್ ಸಾಲ

ಕೊಡ್ಕಂಡ, ಮಾರಾಟ ಮಾಡಂಡ, ಅವನೂ ಪಾಳಾಕು!

562. ಮಣ್ಣಾರ ಪೋಲೆ ಮನೆತನ. ಮನೆಕಾರಂಡಪೋಲೆ ತೋಣೆಕಾರ. ಮಣ್ಣಾ ನಂದೇಂಗಿ ಮರ ನಂದ್, ಬೊಳೆ ನಂದ್, ಜನ ನಂದ್!

563. ಮಣ್ಣಾ ಎಂತದೇಂದ್ ಅಲ್ಲಿ ಬೊಳೆಂದ ಮರಗಾಡತಾನ ನೋಟಿತ್ ಅರಿಯೊಲು. ಅನ್ನನೆ ಓರ್ ಮನ್ಷ್ಯನ ಆ ವ್ಯಕ್ತಿ ಮಾಡ್ನ, ಮಾಡಿಯಂಡುಳ್ಳ ಕೆಲಸತನುಂಡ್ ಅರಿಯಲು.!

564. ಮಕ್ಕ, ಅಪ್ಪವ್ವಂಡ ನಡತೆ ನೀತಿನ, ಸ್ಥಿತಿಗತಿನ ಜನಡ ಎದಿಕೆ ಚಾಯಿಲ್ ಬೊಳಿಕ್ ಬೂಕುವ. ಅನ್ನನೆ ಪ್ರತಿಬಿಂಬಿಚಿಡುವ!

565. ಸಂತೋಷ ಎಣ್ಣುವದ್ ಓರ್ ವಿಚಿತ್ರ ಭಾವನೆ. ಅದ್ ಪಾಪಾಲಿರನೆಕೆ. ಪುಡಿಪಕ್ ಪೋನಕ, ದೂರ ದೂರ ಪೋಕು. ಮುಂಡತೆ ಇಂಜಕ ಎದಿಕೆ ಎದಿಕೆ ಕಾಂಗು!

566. ದೇವಸ್ಥಾನತಾರ ಗಂಟೆರ ಸದ್ದ, ಚರ್ಚ್ಚರ ಬೆಲ್, ಮಸೀದಿರ ಬಾಂಗ್...ಇದೆಲ್ಲ ನಂಗಕ್ ಕೇಪಕ ನಂಗಡಲ್ಲಿ

ದೇವಡ ಸ್ಮರಣೆ ಬರೊಂಡು. ಭಕ್ತಿಭಾವನೆ ಬರೊಂಡು. ಒರೇ
ಮನಸ್ಸಾರ ಭಕ್ತಿಕ್ ಅರೆಗಳಿಗರೆ ದೇವಡ ಗೇನ ಮದಿ!


567. ಸತ್ಯಕ್ ದಂಡ್ ಬರಿ. ಏದ್ ಬರಿಂಜಿ ನೋಟೊನಕೋ
ಸತ್ಯ ಸತ್ಯವೆ. ತೆಳೊಚಂಡ್ ಉಳ್ಳ ಗಾಂಧೀಜಿರ
ಪೋಟೊತಾರನ್ನಕೆ. ಎನ್ನನೆ ನೋಟೊಚೆಂಗಿಯೂ ತೆಳೊಚಂಡೆ
ಕಾಂಬ !

568. ನೀಕ್ ಉಪಕಾರ ಮಾಡ್‌ನಂವನ ಮರ್‌ಕತೆ.
ಆಚೇಂಗಿ, ನೀನ್ ಮಾಡ್‌ನ ಉಪಕಾರತನ ಗೇನ
ಬೆಕ್ಕಂಡೊಂದಿಲ್ಲೆ, ಏಜಂಡೊಂದೂ ಇಲ್ಲೆ!

569. ಏದ್ ದಿನ ನಂಗಕ್ ತೆಳಿಪಕ್ ಅವಕಾಶ
ಕೊಟ್ಟುಲಿಯೋ, ಆ ದಿನ ಎಲ್ಲ ಪ್ರಯೋಜನ ಇಲ್ಲತ ದಿನ
ಎಣ್ಣಲು. ತಕ್ಕ್, ಬಾಕ್, ಪಣಿ, ಉಂಬೊ, ತಿಂಬೊ...
ಇನ್ನತಾನ ತೆಳಿಚಂಡೆ ಮಾಡ್‌ನಕ ಚಾಯಿ! \

570. ಕಷ್ಟಪಟ್ಟಾಂಡ ಪ್ರತಿಫಲ ಎಚ್ಚಕಾಚಿ ಎಣ್ಣುವಚ್ಚಿಕೇ
ಮುಖ್ಯ ಪ್ರತಿಫಲತನಗುಂಡ್ ಅವಂಗ್ ಎನ್ನಾಚಿ
ಎಣ್ಣುವದ್!

ಬೊಳ್ಳಚೆಟ್ಟಿರ ಎ ಕುಶಾಲಪ್ಪ



ವೃತ್ತಿಲ್ ಉಪಾದಿಯಾಯಿತೂ, ಪ್ರವೃತ್ತಿಲ್ ಸಾಹಿತಿ ಪಿಳ್ಳಾ ಕೃಷಿಕನಾಯಿತೂ, ಬದ್‌ಕಲ್ ಏರ ಅನುಭವತನ ವೈಗೂಡ್‌ಚಿಟ್ಟುಂಡ್ ಉಳ್ಳ ಓರ್ ಅಪರೂಪತರ ವ್ಯಕ್ತಿ ಎಣ್ಣಕ ಶ್ರೀ ಬೊಳ್ಳಚೆಟ್ಟಿರ ಎ. ಕುಶಾಲಪ್ಪ ಅವು.

ತಾಂಡ ಬದ್‌ಕಲ್ ವೈಚಾರಿಕ ಸಾಹಿತ್ಯ, ವೈಜ್ಞಾನಿಕ

ಪೊನ್ನಕ್ಕಾ .100

ಮನೋಭಾವನೆ ಪಿಳ್ಳಾ ಗ್ರಾಮೀಣ ಬದ್‌ಕಾರ ವಿವಿಧತೆನ
 ಅರಿವನ್ನತ ಪುರ್‌ಡ್ ಬಂದದ್, ಜ್ಞಾನಪೀಠ ಪ್ರಶಸ್ತಿ ವಿಜೇತ
 ಡಾ. ಶಿವರಾಮಕಾರಂತ ಇಯಂಗಡ ಸಾಹಿತ್ಯತನ
 ಆಳವಾಯಿತ್ ಅಭ್ಯಾಸ ಮಾಡ್‌ನ ಪರಿಣಾಮ.

ಕಯಿಂಜ ಪತ್ತ್ ಕಾಲತಿಂಜ ಬ್ರಹ್ಮಗಿರಿ ಪತ್ರಿಕೆಲ್
 "ಪೊನ್ನಕ್ಕ"ರ ಮೂಲಕ ಸಾಹಿತ್ಯ ಪ್ರೇಮಿಯಕೂ, ಜೀವನತ್
 ನಲ್ಲಾ ಮನ ಅನುಸರಣೆ ಮಾಡುವಯಿಂಗಕೂ ಮಾರ್ಗ
 ದರ್ಶನ ಮಾಡ್‌ನ ವ್ಯಕ್ತಿ ಶ್ರೀ ಬೊಳ್ಳಚೆಟ್ಟಿರ ಎ ಕುಶಾಲಪ್ಪ.

ಇವು ಪುಟ್ಟನ ಊರ್ ನಾಪೋಕ್ಲ್ ನಾಡ್‌ರ
 ಬಲಂಬೇರಿ. ಪ್ರೈಮರಿ, ಹೈಸ್ಕೂಲ್ ಪಿಳ್ಳಾ ಜೂನಿಯರ್
 ಕಾಲೇಜ್‌ಲ್ ಜನ ಮೆಚ್ಚುವ ತರತ್ ಕೆಲಸ ಮಾಡಿತ್ ತಾಂಡ
 ಶಿಷ್ಯಂಗ ಪಿಳ್ಳಾ ಸವಾಜತ್‌ರ ಪ್ರಜ್ಞಾವಂತಂಗಡ
 ಆದರಾಭಿಮಾನಕ್ ಒಳಪಟ್ಟವು. ಎಕ್ಕಲೂ ತೆಳಿಮೂಡ್
 ಪಿಳ್ಳಾ ಶತ್ರುತನಕ್ ಇಂಬ್ ಇಲ್ಲತಂತ ರೀತಿಲ್ ಇಪ್ಪದ್
 ಇಯಂಗಡ ವ್ಯಕ್ತಿತ್ವತಾರ ವಿಶೇಷತೆ. ನಲ್ಲ ನೈಪುಕಾರನೂ,
 ಅನಾವಶ್ಯ ಕಾಲಹರಣ ಮಾಡತಂವನೂ
 ಆಯಿತುಳ್ಳಾನಗೊಂಡ್ ಕುಶಾಲಪ್ಪ ಅವು, ಬದ್‌ಕಾಲ್

ನೆಮ್ಮದಿನ ಕಂಡೆಂಡ್ ಉಂಡ್.


ಉಪಾದ್ರಿ ವೃತ್ತಿಂಜಿ ನಿವೃತ್ತನಾಚೆಂಗೂ, ಫಲತರ ಸಮಾಜತರ ನಲ್ಲಾ ಮೆಕಾಯಿತ್ ನೈಚೆಂಡ್ ಮಾರ್ಗದರ್ಶನ ಮಾಡಿಯೆಂಡ್ ಉಂಡ್. ಭಾರತತರ ಎಚ್ಚಕೋ ಧಾರ್ಮಿಕ ಪಿಳ್ಳಾ ಚಾರಿತ್ರಿಕ ಕ್ಷೇತ್ರಕ್ ಪ್ರತೀಕಾಲ ಪ್ರವಾಸ ಮಾಡಿತ್ ಅನುಭವ ಭಂಡಾರತನ ಬೊಳ್ತಿಯೆಂಡ್ ಉಂಡ್.

ತಾಂಡ ಬದ್‌ಕರ್ 68 ಬಯತನ ದಾಟ್‌ನ ಇವು ಜೀವಮಾನ ಇಡೀ ಸಸ್ಯಾಹಾರಿಯೂ, ಏದೇ ಓರ್ ಪಾಳ್‌ಚಟಕ್ ಒಳಪಡತೆ ತಡಿ ಪಿಳ್ಳಾ ಮನಸ್ಸರ ಆರೋಗ್ಯತನ ಚಾಯೊಡೆ ಕಾಪಾಡಿಯೆಂಡ್ ಉಳ್ಳ ಸೊಮ್ಮ ಸ್ವಭಾವತರ ವ್ಯಕ್ತಿ. ಇಯಂಗಡ ದಂಡ್ ಕೊಣ್ಣ ಮಕ್ಕಳೂ ತಂಗಡ ಅಪ್ಪಂಡ ನಲ್ಲಾ ಮೆನ ಕಾಪಾಡಿಯೆಂಡ್, ನಂದಾಯಿ ಬದ್‌ಕಿಯೆಂಡ್ ಉಳ್ಳದ್ ಇಯಂಗಡ ಬದ್‌ಕಕ್ ಓರ್ ವಿಶೇಷ ಬೆಲೆ.

1932 ಬೊಳ್ಳಚೆಟ್ಟಿರ ಅಯ್ಯಣ್ಣ-ಅಕ್ಕವ್ವ ದಂಪತಿಯಡ ಮೋಂವನಾಯಿತ್ ಪುಟ್ಟೊನ ಕುಶಾಲಪ್ಪ ಇಯಂಗಡ ಬದ್‌ಕರ್ ನಲ್ಲಾ ಮೆ ಪೇರ್ತ್ ಕಾಲಕೆತ್ತನೆ ಎಲೊಂಗಿಯೆಂಡ್ ಇರಡೊಂದ್ ಬಯಂದವ. ●

ಬೋಳಚಿಟ್ಟರ ಎ. ಕುಶಾಲಪ್ಪ

ಬೋಳಚಿಟ್ಟರ ಎ. ಕುಶಾಲಪ್ಪ



"ಪೊನ್ನಕ್ಕ" ಪುಸ್ತಕತರ ಎಳ್ತಕಾರ

ಪೊಮಾಲೆ ಪ್ರಿಂಟರ್ಸ್, ವೀರಾಜಪೇಟೆ, ಪೊನ್. 56360